

炳

燭

編







編 燭 炳

撰 芸 賡 李

編主五雲王

編初成集書叢

編 燭 炳

中華民國二十六年十二月初版

撰 者 李 廣 芸

發 行 人 王 雲 五
長沙南正路

印 刷 所 商 務 印 書 館
長沙南正路

發 行 所 商 務 印 書 館
各埠

(本書校對者楊伯屏)

張

頌閣學使歸自江西，持其鄉李鄒齋方伯炳燭編示余，則方伯之孫用光所手輯者。方伯爲錢宮詹弟子，學有師法，中歲服官，治尙廉靜，卒構瑕璽，鬱鬱實生，錢給諫記事彙述黃亮國言，至今讀之，且爲太息。某氏集中猶摭游談，以重誣之，所學殊途，積毀必及，固如斯乎？炳燭編凡四帙，爲目至無，文率未竟，蓋初彙之俟更定者，故世不克見。庚辛之交，寇擾東南，故家籍簡，半遭劫火，賴有文孫開闢危難，保此遺書，學使能先民是程，不忘恭敬，尤足多也。因與同志商訂遠合，刪并排類，釐成四卷，以付手民。九京可作，庶無憾已。同治十一年正月，吳縣潘祖蔭。

是書蔭先屬陳培之農部倬編定，繼又屬胡甘伯農部澍、趙搆卡大令之謙悉心校正，繕清本者徐棣華、上舍鄂助、刻贊者李若農、學士文田、吳廣荄、刺史承潞、鄒齋先生之孫用光、用賓、用中，實能寶守是書，皆可紀也。同治壬申四月刻成，又識。

炳燭編卷一

清 嘉定李廣雲撰

利建侯

晉語公子親筮之曰。尚有晉國。得貞屯悔豫。筮史占之。皆曰不吉。閉而不通。爻無爲也。司空季子曰。吉。是在周易。皆利建侯。我命筮曰。尚有晉國。筮告我曰。利建侯。得國之務也。吉孰大焉。震。車也。坎。水也。坤。土也。屯。厚也。豫。樂也。車班外內。順以訓之。泉原以資之。土厚而樂其實。不有晉國。何以當之。震。雷也。車也。坎。勞也。水也。衆也。主雷與車。而尚水與衆。車有震。武衆順。文也。文武具。厚之至也。故曰屯。主震。雷。長也。故曰元。衆而順。嘉也。故曰亨。內有雷震。故曰利貞。車上水下必伯。小事不濟。蹇也。故曰勿用。有攸往。一夫之行也。衆順而有武威。故曰利建侯。坤。母也。震。長男也。母老子強。故曰豫。居樂出威之謂也。是二者得國之卦也。按此古誼也。左昭七年傳。史朝所稱元亨。又何疑焉。此雖出於一時之迎合。然所云其繇曰利建侯。嗣吉何建。建非嗣也。則亦正訓。

槃桓利居貞

武氏億經讀攷異。據魏志管寧傳。槃桓利居。謂貞字不與居連文。按唐范傳正李白新墓碑。悅謝家青山。有終焉之志。槃桓利居。竟卒於此。亦以利居爲句。但漢張表碑。畔桓利貞。後漢書馬融傳論云。將有意於

居貞乎。則又利居貞。連讀也。警字說文所無。文選王粲登樓賦注。李密陳情表注。引易皆作盤。陸機演連珠。引作槃。傅毅舞賦。般桓不發。則用省文。張表碑作畔。借字。

屯如遯如

說文無遯字。馬部驢下。引易乘馬驢如。乃屯如驢如之誤。又走部有趨字。疑遯如本作趨如。忝是字。形相涉而誤。

卽鹿

李鼎祚集解載虞翻注及應劭風俗通。皆以鹿爲山足。作麓。正字作鹿。古省。春秋僖十四年。沙鹿崩。亦省麓作鹿也。魏志王粲傳。易稱卽鹿無虞。諺有掩目捕雀。文選左思魏都賦。卽鹿縱而匪禁。淮南繆稱訓。高誘注云。鹿以諭民。則皆以爲麋鹿之鹿。

有孚盈缶

後漢書魯恭傳。引易云。言甘雨滿我之缶。誠未有它而吉已。此古誼。

三驅

此卦。王用三驅。失前禽。邑人不誠。鄭康成注。驅禽而射之。三則已發軍禮也。失前禽者。謂禽在前來。句不逐而射之。句。傍去。又不射。唯背去者順而射之。不中則已。虞翻注。則以爲驅下三陰。與鄭誼不同。漢書揚雄傳。非堯舜湯文王三驅之意也。顏師古注云。三驅。古射獵之等。一曰蓬豆。二爲賓客。三爲充君之庖。小

顏用馬融誼見釋文非也。禮記王制云：諸侯無事則歲三田，一爲籩豆，二爲賓客，三爲充君之庖。三田非三驅也。

幽人

惠徵君棟周易古義據虞翻注謂訟時二在坎獄中故稱幽人。卽荀卿子所云公侯失禮則幽。案後漢書逸民傳序光武側席幽人荀爽傳論何爲遠貞吉而履虎尾李固傳是以巖穴幽人智術之士彈冠振衣未欲爲用李恂傳論任棠姜岐結髮厲而辭三命殆漢陽之幽人乎魏志管寧傳明帝詔曰寧違命不至盤桓利居高尙其事雖有素履幽人之貞而失考父茲恭之義此皆目高士爲幽人要亦漢儒之說也。

无平不陂

王逸注楚辭修繩墨而不頗唐明皇詔改鴻範無頗爲無陂未能引以爲據也。按頗陂皆从皮聲。觀王注二字古本通用。

帝乙

乾鑿度以爲成湯虞翻以爲紂父。按左哀九年傳晉趙鞅欲伐宋以救鄭陽貨以周易筮之遇泰之需曰宋方吉不可與也。微子啓帝乙之元子也。社祿也。若帝乙之元子歸妹而有吉祿我安得吉焉。此古誼。

公用亨于天子

左僖二十五年傳晉文公筮遇大有之睽曰吉遇公用亨于天子之卦戰克而王饗吉孰大焉。按此古訓。

也。古人亨、享同字。亨通之亨亦作享。聘享之享亦作亨。唐初猶然。釋文：亨、許庚反。通也。衆家並香兩反。是陸元朗不能折中於左傳也。

而天下隨時隨時之義大矣哉

文選千寶晉紀論各因其運而天下隨時。隨時之義大矣哉。潘岳籍田賦注、秋興賦注、土中頭陀寺碑注所引皆同。後漢書崔駰傳、隨時之宜。隋書經籍志云、隨時之義深矣。按古本當如是。王肅本作而天下隨之。隨之時義大矣哉。不可從。

幹蠱

虞翻注謂泰乾爲父。坤爲事。李鼎祚謂以柔巽之質。幹父之事。能承先軌。滿其任者也。蓋序卦傳本云蠱者事也。幹父之蠱。猶言子之克家也。顏氏家訓治家篇。婦主中饋。惟事酒食衣服之禮耳。國不可使預政。家不可使幹蠱。唐大詔令載寶應二年李光弼實封一子官制云。功崇望重。加以報章。德厚流光。延其茂賞。爰益苴茅之典。並明幹蠱之才。此皆幹蠱之古訓。周輝清波雜志。輝自四十以後。凡有行役。雖數日程。道路倥傯之際。亦有日記。以先人晚苦重聽。如幹蠱次序。旅泊淹速。親舊安否。書之特詳。用代縷縷之問。樓倫攻媿集承奉郎致仕李君棻志銘。長子俯。尤善幹蠱。奉親有稱。用幹蠱字。猶存古義。惟漢書五行志京房易傳曰。幹父之蠱。有子考无咎。子三年不改父道。思慕不皇。亦重見先人之非。解經似微異。然韋昭注亦曰。幹蠱事也。今解幹蠱爲能蓋父之愆。如舜於瞽瞍。禹於鯀。能正父之事。是爲有子。故考不爲咎累。

似本京氏說而又稍異非古誼也。

噬膚滅鼻

漢書董賢傳有司致法將軍請獄治朕惟噬膚之恩未忍注孟康曰噬膚滅鼻噬食也膚喻爵恩澤加之不忍誅也師古曰孟說非也噬膚者言自齧其肌膚詔所云云爲明是恭后之親有肌膚之愛是以不忍加法故引噬膚之言也按既云噬膚之恩則孟說爲是。

虎視眈眈

集解作虎眈周禮眈眈鄭康成注眈讀爲虎眈之眈漢竹邑侯相張壽碑虎視覲覲卽眈之異文。

藉用白茅

漢書淮陽憲王傳春秋之義大能變改易曰藉用白茅无咎言臣子之道改過自新絜己以承上然後免於咎也此古誼。

黃離

唐大詔令開元三年正月册鄂王爲太子文云書不云乎一人元良萬邦以貞易不云乎黃離元吉得中道也按此以離二爻爲太子之象致鄭康成注謂文王之子發且唐人似本鄭注然鄭兼及周公則亦非專指天子之太子也。

遯

釋文字又作逯。按漢書匈奴傳。逯逃竄伏。敍傳。攜手逯秦。諸逯字。從辵從豕。按皆當作逯。從月從豕。蓋逯月字加豕上。非豕字也。艮卦彖字。卽臚字。亦逯月字於上。非豕敬之豕。

晉

釋文晉孟喜作齊。子西反。義同。王通政引之曰。字與躋同。詩。聖敬日躋。箋釋爲其聖敬之德日進。是躋爲進也。鄉射禮。搢三而挾一个。劉昌宗又音搢爲祖難反。蓋義旣同。音亦相轉也。按此二字之聲相轉。與震之爲斯。震之爲祇一例。

明夷初爻

左昭五年傳。卜楚丘曰。明夷。日也。日之數十。故有十時。亦當十位。自王已下。其二爲公。其三爲卿。日上其中。食日爲二。旦日爲三。明夷之謙。明而未融。其當旦乎。日之謙當鳥。故曰。明夷于飛。明而未融。故曰。垂其翼。象日之動。故曰。君子于行。當三在旦。故曰。三日不食。離。火也。艮。山也。離爲火。火焚山。山敗於人。爲言敗言爲讒。故曰。有攸往。主人有言。言必讒也。此古誼。

旅上九

漢書孝成許皇后傳。易曰。鳥焚其巢。旅人先笑後號咷。喪牛于易。凶。言王者處民上。如鳥之處巢也。不顧恤百姓。百姓畔而去之。若鳥之自焚也。雖先快意說笑。其後必號而無及也。百姓喪其君。若牛亡其毛也。故稱凶。此古誼。

渙其羣

呂氏春秋召類篇說此爻曰渙者賢也羣者衆也元者吉之始也渙其羣元吉者其佐多賢也此古誼

大人造也

釋文大人造也劉歆父子作聚也按漢書劉向傳賢人在上位則引其類而聚之於朝易曰飛龍在天大人聚也在下位則思與其類俱進易曰拔茅茹以其彙征吉此釋文所本也造聚聲相轉

文言

左襄九年傳穆姜始往東宮而筮之遇艮之八姜曰是於周易曰隨元亨利貞无咎元體之長也亨嘉之會也利義之和也貞事之幹也體仁足以長人嘉德足以合禮利物足以和義貞固足以幹事按此在孔子前古來相傳元亨利貞之詰訓也孔子文言即本此體之長作善之長嘉德作嘉會

蓋言順也

順即馴致其道之馴古馴順皆從㐁故通太元干次六幹於天貞馴訓曰幹干之貞順可保也是其例春秋繁露基義篇引易曰履霜堅冰蓋言遜也遜與馴亦通尙書五品不遜史記作馴又通作訓漢書韋賢傳五品以訓帝堯碑五品用訓

需于沙衍在中也

周易古義引穆天子傳謂沙衍連文非也此爻詞無衍字穆天子傳晉時僞書亦不足以證易故其著

周易述仍讀需于沙爲句。

剛健篤實輝光日新其德

先師錢詹事答問及王通政經義述聞皆從鄭讀以輝光日新爲句。徵引甚詳。按漢書王吉傳。訢訢焉發。憤忘食。日新厥德。又王莽傳。齋齋翼翼。日新其德。則古亦讀日新其德爲句。與王弼同。

掛

繫辭上傳。故再扞而後掛。釋文。京作卦。按乾鑿度。說文所引同。集解載虞注之成。一變則布掛之一爻。布掛亦布卦之誤也。

圓而神

經典方圓字皆作圓。無作圓者。禮記曲禮正義引圓而神。此必古本。不知何時改作圓。

象

惠學士士奇禮說。肆全也。周禮小胥云。全爲肆。肆古文作繇。易有彖爻象。此象者全體。析之成爻。象卽希。惠徵君云。象當作希。卽繇之省文。肆之古文也。全爲肆。析而爲爻。爻卽古文肴。所謂遠取諸物也。象。豕走也。與易希字無涉。此說聞之江徵士聲。江爲惠徵士傳經高弟也。

震爲車

說卦傳。坤爲大輿。而晉語載司空季子之論筮。屢稱震爲車。九家易象及張編修惠言虞氏義所集逸象。

皆未之及。按易爻之言車者十有二，而小畜之三，車脫輻，大有之二，大車以載，賁之初，舍車而徒，剝之上，君子得輿，大畜之二，車脫輻，三日閑輿衛，大壯之四，壯于大輿之輻，睽之三，見輿曳，上載鬼一車，解之三，負且乘，困之四，困于金車，既濟之初，曳其輪，虞仲翔皆以坤爲車當之，大壯爲乾下震上之卦，解爲坎下震上之卦，此二卦之輿及乘，疑亦取象于震。

八

晉語：貞屯悔豫皆八。韋昭注：震在屯爲貞，在豫爲悔，八謂震兩陰爻在貞在悔皆不動，故曰皆八。謂爻無爲也。然則八者六爻皆不變也。晉語又云：得泰之八。左襄九年傳：遇艮之八。同。

文思安安

後漢書馮衍傳：思唐虞之宴宴。第五倫傳：陳寵傳：章懷太子注，並引攷靈曜作文寒宴宴。左傳：安孺子，史記齊世家：漢書古，今人表俱作宴安。宴古聲同也。今台州府黃巖縣人讀安如焉。又按說文：寒，實也。引虞書曰：剛而寒，寒聲轉爲思。

朕虞

朕虞，官名。汝作朕虞，與汝作司徒，汝作士，汝作秩宗，句法一例。漢書地理志：秦之先曰伯益，出自帝顓頊。堯時助禹治水爲朕虞，此其證。是以王莽仿之，更水衡都尉曰子虞，見莽傳。

分北三苗

吳志虞翻傳注引作分九三苗。按說文正作九。後儒罕見九。遂譌爲北。

夏擊鳴球

漢書揚雄傳拈隔鳴球。掉八列之舞。按拈隔必夏擊之異文。漢儒傳經本各不同。

仲虺

史記殷本紀作仲鬻。鬻不成字。當作鬻。

遯矣西土之人

北齊書顏之推傳。遯西土之有衆。此用牧誓文。而遯作邊。按說文。遯。遠也。古文作邊。顏介所用。當是古本。

釋文未之及。古遯。易同聲。

睿作聖

洪範。思曰容。容作聖。西漢人讀皆然。鄭康成始破容爲睿。晚出古文因之。劉向說苑君道篇。尹文對齊宣王曰。人君之事。無爲而能容下。大道容衆。大德容下。聖人寡爲而天下理矣。書曰。容作聖。先師錢詹事論此字最詳。偶未及此。又太元數事。思用睿。搗聖。此睿字亦後人所改。

敬用五事

漢書藝文志引次二曰。羞用五事。言進用五事。以順五行也。五行志。孔光傳並引作羞。以進調羞。不得謂羞之誤矣。當是羞譌爲荷。荷改爲敬耳。

東

東爲四方之一舉一東字不可以爲地名。然尙書金縢周公居東。逸周書作雒解。建管叔於東。建蔡叔。霍叔於殷。又云三叔及殷東徐奄及熊盈以略。此呼字之譌又云俾康叔宇於殷。俾中旄父宇於東。列子楊朱篇。周公居東三年。爾風東山。我來自東。我東曰歸。小雅車攻。駕言徂東。凡此諸東字。則直以爲地名矣。蓋當是俗語稱殷之東爲東。而簡策文字因之。

孟侯

呂氏春秋正名篇。齊湣王周室之孟侯也。與此孟侯誼同。

鶴鳴于九臬

太元上次五。鶴鳴升自深澤。范望注詩云。鶴鳴九臬。聲聞于天。按據此。九臬當作九澤。說文。臬。古文以爲澤字。毛詩必本作臬字。與臬相似。因而致譌。九臬上無于字。錢詹事養新錄詳引諸書。而未及范注。

慘

陳風月出。勞心慘兮。小雅正月。憂心慘慘。大雅抑。我心慘慘。此三句慘字。叶韻。皆當作懔。臬。漢隸作參。鄙闕頤。從朝陽之平熾。校官碑。德之賓卽有珠。慘皆與參相亂。墨子耕柱篇。一人奉水將灌之。一人搯火將益之。以搯爲操也。六書音均表。于月出以爲合韻。于抑從五經文字作懔。于正月略之。迄無定見。

閔妻

漢書谷永傳。昔褒姒用國。宗周以喪。閼妻驕扇。日以不減。又云。絕驕曼之端。抑褒。閼之亂。按褒。閼並舉。蓋閼爲厲王時嬖寵之族也。外戚傳。哀褒。閼之爲郵。

杵柚

方言。土作謂杵。木作爲柚。戴吉士震。毛鄭詩攷正。用以釋詩。小雅大東。杵柚其空。謂役作於周而至窮空。意似迂曲。按。太元規。棘木爲杵。削木爲柚。杵柚旣施。民得以煖。亦指織事而言。太元。方言皆出子雲之手。而杵柚之義不同。

震霖

太元少上九。密雨溼沐。潤于枯瀆。范注。雨之細者稱溼沐。按。卽震霖之異文也。從冥之輟。轉爲入聲。溼亦得轉爲入聲。震從脈。而從脈之聲。讀如蔑。則脈震皆可讀如蔑也。震。今詩作霖。俗人所改。

鞞琫有琫

毛鄭詩攷正云。瞻彼洛矣。鞞琫有琫。毛傳。鞞。容刀。鞞也。琫。上飾。琫。下飾。琫下飾者。天子玉琫而珞琫。諸侯盪琫而璆琫。大夫鏐琫而鏐琫。士瑒琫而瑒琫。按。毛傳內六琫字。皆當作鞞。鞞琫有琫。亦猶上鞞鞞有鞞。赤貌。琫。文飾貌。說文云。琫。佩刀下飾。所見毛詩與今本同。遂取以解字。有鞞有琫。猶鞞然。琫然。刀下飾。乃鞞也。又作鞞。說文以爲刀室。殆誤會。毛傳。鞞。容刀。鞞也。之語。釋名云。刀室曰鞞。室口之飾曰琫。下末之飾曰鞞。可以正說文。又篤公劉。鞞琫容刀。毛傳。下曰鞞。上曰琫。以毛證毛。此傳琫字。皆傳寫致譌無疑。按。

戴說是也。左桓二年傳。藻率鞞。杜注。鞞。佩刀削上飾。鞞。下飾。玉篇亦云。鞞。琫容刀。上曰鞞。下曰琫。如以鞞爲刀室。琫爲上飾。琫爲下飾。形容刀之飾。曰琫。有琫。亦不辭。鞞字說文所無。玉篇有之。漢書王莽傳。琫琫琫。孟康曰。琫。玉名也。佩刀之飾。上曰琫。下曰琫。詩曰。鞞琫有琫。是西漢已誤。

卽有郃家室

呂氏春秋辨士篇高注引實穎實粟。有郃家室。無卽字。南宋小字本說文卽下所引。亦無卽字。

既醉六章

周語。羊舌肸曰。其類維何。室家之壺。君子萬年。永錫祚胤。類也者。不忝前哲之謂也。壺也者。廣裕民人之謂也。萬年也者。令聞不忘之謂也。祚胤也者。子孫蕃育之謂也。此古誼。

昊天有成命

周語。羊舌肸說詩曰。昊天有成命。頌之盛德也。其詩云云。是道成王之德也。成王能明文昭。能定武烈者也。夫道成命者。而稱昊天。翼其上也。二后受之。讓有德也。成王不敢康。敬百姓也。夙夜恭也。基始也。命信也。宥寬也。密寧也。緝明也。熙廣也。賈厚也。肆罔也。靖。蘇也。其始也。翼上德讓而敬百姓。其中也。恭儉信寬。帥歸於寧。其終也。廣厚其心。以罔蘇之。始於德讓。中於信寬。終於罔蘇。故曰成。此古誼。

遂荒大東

郭璞爾雅注引詩遂疆大東。與毛異。蓋三家詩也。按禮記投壺。毋輒毋放。大戴禮作無荒無傲。蓋荒與輒。

聲相近。篆文無字。從隸亡聲。是相轉之理。

茜

周禮甸師祭祀共蕭茅。鄭大夫注。蕭或爲茜。茜讀爲縮。按說文作茜。正字。左傳作縮。周禮作蕭。皆借字。蕭從蕭聲。亦可讀如肅。故蕭卽蕭之俗。

蓋弓

攷工記。蓋弓二十有八。此車蓋之弓。揀如今之繳骨。太平御覽采入弓矢之弓部內。大謬。

庠螻

攷工記。糜筋。庠螻。潛。鄭注。庠螻。屈蟲也。按。庠螻卽易傳之尺螻。借庠爲尺也。說文云。尺螻。屈伸蟲。爾雅釋蟲。作蜈螻。蜈。俗字。

築氏冶氏錯簡

攷工記云。攷金之工。築氏執下齊。冶氏執上齊。又曰。四分其金而錫居一。謂之戈戟之齊。五分其金而錫居二。謂之削殺矢之齊。削與殺矢同齊也。戈與戟同齊也。乃築氏爲削不爲殺矢。而冶氏爲殺矢。又爲戈爲戟。是以後鄭疑之。注云。殺矢與戈戟異齊。而同其工。似補脫誤。在此。唐芸開諸江徵士曰。當云。築氏爲削。長尺博尺。合六而成規。欲新而無窮。敵盡而無惡。爲殺矢爲削。冶氏當云。爲戈爲戟。則同齊同工。異齊異工矣。記有錯簡。鄭君偶未省耳。

像

鄉射禮。豫則鉤楹內。鄭注讀如成周宣榭災之榭。周禮作序。凡屋無室曰榭。宜從榭。今文豫爲序。按豫、序、射聲義相近。放繼公竟改經文作序。妄也。榭古作謝。公羊宣十六年傳作謝。盛世佐集解以古文作豫爲誤。亦非。豫、序皆從予聲。

農率

夏小正。農率均田。傳云。率者循也。玉海讀率爲帥。以農率爲農官田畷之類。不知何本。

雪澤

農及雪澤。傳云。言雪澤之無高下也。讀澤如字。管子乘馬篇。正月令農始作服於公田。農耕及雪釋。

納卯蒜

納卯蒜。臧氏琳經義雜記。以爲經傳祭品不用蒜。疑當爲納卯韭。按蒜如卯。故謂之卯。韭本似不可謂之卯。

忿懣

武王踐阼。簪杖之銘曰。惡乎危。于忿懣。盧辯注。忿者危之道。怒甲及乙。又危之甚。按此卽忿懣之誼。所謂遷怒也。說文無懣字。當以懣爲正。

月生于西

語志篇。月歸于東。起明于西。法言。月未望則載魄于西。既望則終魄于東。太元中次六月闕其博。不如開于西。按此皆月生于西之誼也。

欲不可從

曲禮。欲不可從。單行本釋文欲如字。從。足用反。放縱也。按明南監注疏本所載釋文云。欲如字。一音喻。是單行本有脫文。

不離禽獸

釋文。盧本作走獸。淮南汜論訓高注與盧同。

姑息

呂氏春秋先識覽。商王大亂。沈於酒德。辟遠箕子。近姑與息。尸子。棄黎老之言。用姑息之謀。說與小戴異。

行并植於晉國

國語晉語作行廉直於晉國。

附庸

王制。名山大川不以封。其餘以爲附庸。閒田。孟子萬章篇。不能五十里者。不達於天子。附於諸侯。曰附庸。庸。墉之省文。漢書王莽傳。當賜博關內侯者。更名附城。

有遺音者矣。有遺味者矣。

呂氏春秋適音篇有進乎音者矣有進乎味者也似比遺音遺味之諠爲長莊子養生主篇進乎伎矣句法正同。

軌

中庸車同軌。孟子盡心篇城門之軌。攷工記塗度以軌。經塗九軌。環塗七軌。野塗五軌。曲禮驅塵不出軌。軌謂之徹。徹長六尺。攷工記應門二徹。參乎左昭十二年傳。昔穆王欲肆其心。周行天下。將皆必有車徹。馬迹焉。莊子車徹中有鮪魚焉。此所謂徹。卽軌。蓋車兩輪踐地相距之數也。詩匏有苦葉。濟盈不濡軌。禮記少儀祭左右軌。乃指軸末之書。書謂之軌。與軌徹之軌。文同義異。

湯之盤

此猶大戴禮武王踐阼篇于盟槃爲銘也。禮記內則少者奉槃。長者奉水。請沃盥。盥卒授巾。左僖二十三年傳。奉匱沃盥。盤有流。故謂之匱。湯之盤。或以盥。或以沐。或以沫。而總非浴之具。鄭注祇云刻戒於盤。疏乃云沐浴之盤耳。謂沐是。謂浴則非也。

聽訟吾猶人也

大學釋文出吾聽訟猶人也。云論語作聽訟吾猶人也。知禮記本不與論語同。後人相習亂之。

登

左隱六年傳。芟夷蕞崇之。杜注。芟。刈也。按說文引作芟。日以足蹋夷艸。此古文也。後人尅見登字。適改爲

芟。

諱名

左桓六年傳。周人以諱事神。名終將諱之。按諱始於周。然諱死而不諱生。祖父存者。其名不諱。亦不可諱也。

丙之晨

左僖五年傳。丙之晨。漢書律秣志作丙子之晨。按如此則童謠八句皆四言。然晉語五行志皆無子字。

鸛鶴

春秋昭二十五年。有鸛鶴來巢。公羊作鸛鶴。穀梁作鸛鶴。釋文云。本又作鸛。按權。瞿聲轉。然鸛乃爾雅鸛。專。馯。之。鸛。不得爲鸛。蓋。瞿。形。近。而。譌。說文。淮南原道皆作鸛。蓋說文收鸛字重文。偶不收鸛字。不得謂鸛爲俗。攷工記。鸛。不。踰。濟。史記。漢書引左傳。及王充論衡偶會篇。鸛。之。占。當。應。魯。昭。之。惡。適。成。皆。作。鸛。從。瞿。

左傳脫文

左氏多脫文。按襄廿一年傳。初。叔。向。之。母。妬。叔。虎。之。母。美。而。不。使。按。唐。開。成。石。經。作。而。不。使。視。寢。又。按。論。衡。言。壽。篇。叔。虎。之。母。美。叔。向。之。母。知。之。不。使。視。寢。又。樂。盈。過。於。周。石。經。作。樂。盈。奔。楚。過。於。周。昭。八。年。傳。石。不。能。言。或。馮。焉。漢。書。五。行。志。作。石。不。能。言。神。或。馮。焉。說。苑。辨。物。篇。作。有。神。憑。焉。或。與。有。古。通。昭。廿。六。年。傳。

晏子曰詩曰惟此文王小心翼翼昭事上帝聿懷多福厥德不回以受方國君無違德方國將至論衡變虛篇作君無回德下文尙有若德回亂之語此必本之古本左傳

漢書引左傳

左桓十三年傳楚屈瑕伐羅鬬伯比送之還謂其御曰莫敖必敗舉趾高心不固矣遂見楚子曰必濟師按漢書五行志引趾作止遂作遽又如能者養之以福遠哉搖搖之類皆勝今本

穀明

晉語秦醫和曰物莫嘉於穀故食穀者晝選男德以象穀明注擇有德者而親近之以象人食穀而聰明按此猶大戴禮易本命所謂食稻者知慧而巧也

后庸

吳語后庸宋庠補音作舌庸云舌如字內傳作后字非按唐儀鳳三年李萬通造彌勒像記有天皇天后后字書作舌與舌相亂廣韻于舌字后字皆云姓下引少府后倉竊意作后庸爲長

係馬舌

吳語吳王夜中乃令服兵擐甲係馬舌出火竈注係縛也縛馬舌恐有聲也按馬舌非可縛者此卽銜枚耳

賢賢易色

漢書李尋傳。尋上封事云。書云。天聰明。蓋言紫宮極樞。通位帝紀。太微四門。廣開大道。五經六緯。尊術顯士。翼舒張布。燭臨四海。少微處士。爲比爲輔。故次帝廷。女宮在後。聖人承天。賢賢易色。取法於此。顏師古注云。賢賢。尊上賢人。易色。輕略於色。不貴之也。按此以賢賢爲一事。易色爲一事。斯爲古誼。

吾十有五而志于學三十而立

漢書食貨志。八歲入小學。學六甲五方書計之事。始知家室長幼之節。十五入大學。學先聖禮樂。而知朝廷君臣之禮。藝文志。古之學者。耕且養。三年而通一藝。存其大體。玩經文而已。是故用日少而畜德多。三十而五經立也。鹽鐵論未通篇。古者十五入太學。與小役。按此卽十有五志于學三十而立之說也。

不踰矩

後漢書班固傳。故司空掾施梁。宿儒盛名。德冠州里。七十從心。行不踰矩。按此用論語而增一行字。其意乃足。

子游問孝節

包咸注云。一曰。人之所養。乃至於犬馬。不敬則無以別。孟子曰。食而不愛。豕交之。愛而不敬。獸畜之。此朱子集註所本。按禮記內則云。父母之所愛亦愛之。父母之所敬亦敬之。至於犬馬。盡然而況於人乎。又坊記云。小人皆能養其親。君子不敬何以辨。正與論語相發明。孔子之意。蓋言今之孝者。僅能養而不能敬。能養者卽如親有犬馬。人子亦必養之。然祇是愛父母之所愛。彼小人亦能之。必敬父母而并敬父母之

所敬斯與。小人有別耳。大戴禮曾子大孝篇。曾子曰。孝有三。其下能養。又曰。養可能也。敬爲難。亦論語意也。又鹽鐵論孝養篇。文學曰。善養者不必芻豢也。歡菽飲水。足以致其敬。孔子曰。今之孝者。是謂能養。不敬何以別乎。意雖微異。然亦與包注不同。

舉善而教不能

古讀以舉善而教爲句。風俗通。汝南太守歐陽歆下教云。蓋舉善以教。則不能者勸。後漢書卓茂傳。舉善而教。口無惡言。三國志徐邈傳云。舉善而教。仲尼所美。顧劭傳。舉善以教。風化大行。陸績傳。裴松之注云。臣聞唐虞之政。舉善而教。

人而不仁節

漢書翟方進傳。孔子曰。人而不仁。如禮何。人而不仁。如樂何。言不仁之人。無所施用。此古誼。

繪事後素

攷工記。凡畫繪之事。後素功。注。素。白彩。後布之。謂其易漬污也。鄭司農說。以論語曰。繪事後素。儀禮鄉射記云。凡畫者。丹質。古人畫法。實是先施五采。而施粉在後。史繩祖學齋佔畢。孔子以後素而發明。子夏以禮後而答問。其言亦是以素比禮。按集註。謂先以粉地爲質。而後施五采。是將攷工記。凡繪畫之事。五字讀斷。而解後素功爲後於素。非也。

以約失之者鮮矣

約讀爲不仁者不可以久。處約之約。漢書外戚傳。成帝報許后曰。傳不云乎。以約失之者鮮。審皇后欲從其奢。與朕亦當法孝武皇帝也。師古曰。論語載孔子之言。謂能行儉約而有過失之事。如此者少也。後漢書王龔傳。王囑曰。昔公儀休在魯。拔園葵。去織婦。孫叔敖相楚。其子披裘刈薪。夫以約失之者鮮矣。虞延傳。太守富宗聞延名。召署功曹。宗性奢靡。延諫曰。昔晏嬰輔齊。鹿裘不完。季文子相魯。妾不衣帛。以約失之者鮮矣。凡此當是古來相承訓解。

使驕且吝

逸周書寤敬解。周公曰。不驕不恠。時乃無敵。按此孔子之言所本也。恠俗字。

恠恠而不信

呂氏春秋下賢篇。空空乎。其不爲巧故也。高誘注。空空。慙也。巧故詐僞。按此卽論語恠恠而不信之誼。恠俗字。

舜禹之有天下也而不與焉

漢書王莽傳。太后不宜親省小事。令太后下詔曰。皇帝幼年。朕且統政。比加元服。今衆事煩碎。朕春秋高。精氣不堪。殆非所以安躬體而育養皇帝者也。故選忠賢。立四輔。羣下勸職。永以康寧。孔子曰。巍巍乎舜禹之有天下而不與焉。自今以來。惟封爵乃以聞。他事安漢公四輔平決。又別詔曰。是以孔子見南子。周公居攝。蓋權時也。此皆古誼。

孔安國注以緇布冠釋麻冕。非也。按禮首服有冕。有弁。有冠。其制不同。周禮弁師掌王之五冕。皆元冕。朱裏。延紐五采。纁十有二就。皆五采。玉十有二。玉笄朱紘。蓋冕之爲制。以木爲幹。以元布衣其上。故曰元冕。以五采纁繩。貫五采玉。垂於延前後。爲之遽延。袞冕十二旒。鷩冕九旒。毳冕七旒。希冕五旒。元冕三旒。至天子祭天大裘之冕。無旒。則不在五冕之數。諸公旒九。就以下。諸侯以下。遞殺一命之大夫冕。而無旒。士變冕爲爵弁。弁服有爵弁制。略同於冕。惟無旒。又爲爵頭色耳。冕者俛也。低前一寸二分。爵弁前後平。故不得冕稱。又有皮弁。會五采玉。象邸玉笄。又有韋弁。以韎韋爲之。若冠則以緇布。儀禮士冠禮云。缺項青組。纓屬於缺。緇纁廣長六尺。是也。蓋緇布冠始冠之冠。凡士以上。始冠冠之。冠訖不復用。惟庶人猶著之。卽詩都人士之緇撮。禮記謂不韎委武元縞而後韎是也。

固天縱之將聖

北宋以前皆訓將爲大。本爾雅釋詁文。按舊唐書姚崇傳。崇曰。趙宣。至賢也。恨用其犬。孔某。將聖也。不愛其羊。惟論衡知寶篇。將者且也。不言已聖言且聖者。以爲孔子聖未就也。此集註所本。

闕聞 侃侃

漢書公孫劉車等傳贊。辯者聘其辭。斷斷焉。行行焉。趙尹韓張兩王傳贊。張敞衍衍。履忠進言。按斷斷卽闕聞之異文。衍衍卽侃侃之異文。

珍絺綌

禮記玉藻作振絺綌。按說文珍重文作振。玉藻振字疑振之誤。

人不問於其父母昆弟之言

漢書杜鄴傳昔曾子問從令之義。孔子曰是何言歟。美閔子騫守禮不苟從親所行無非理者。故無可問也。此古說。

魯衛之政兄弟也

漢書馮奉世傳野王立相代爲上郡太守。歌之曰大馮君小馮君。兄弟繼踵相因循。聰明賢知惠吏民。政如魯衛德化鈞。周公康叔猶二君。按此古訓也。包注亦云周公康叔既爲兄弟。康叔睦於周公。其國之政亦如兄弟。

怡怡

大戴禮曾子立事篇兄弟悌悌。朋友切切。悌悌卽怡怡之異文。

硜硜

今讀硜如鏗。非也。按說文磬古文作硜。是硜磬同物。硜硜者禮記樂記所謂石聲磬是也。

闕黨

漢書古今人表作闕黨。闕皆從激聲也。說文蹶重文作闕。

吾猶及史之闕文也

漢書藝文志古制書必同文不知則闕問諸故老至於衰世是非無正人用其私故孔子曰吾猶及史之闕文也今亡矣夫蓋傷其寔不正

植其杖而芸

俗解以植爲植立之植按喜平石經作置置含也書金縢植璧秉珪鄭康成注云植古置字釋文徐仙民亦音置史記賈生傳方正倒植倒植卽倒置植與置皆從直聲故兩字可互借論語之植其杖金縢之植璧借植爲置也詩商頌那置我鞀鼓箋云置讀曰植爲植貫而樹之韓非子安危篇韓詩外傳荀子非十二子篇皆云無置錐之地借置爲植也

無求備於一人

漢書東平王傳元帝賜王太后璽書云昔周公戒伯禽曰故舊無大故則不棄也毋求備於一人按璽書前後文義似毋求備卽指不棄故舊之意顏師古注亦云言人有小惡當思其善不可責以備行而卽棄之耳

若大旱之望雲霓也

孟子趙岐注霓虹也雨則虹見故大雨而思見之按詩朝濟于西崇朝其雨亦是虹見而雨曰望雲霓則雲霓皆在所望之中集註謂雲合則雨虹見則止恐非經文望字之意

噓

說文有噓無噓。論衡刺孟篇引作歸噓。文選魏都賦注。緒白馬賦注。讌曲水詩注三引孟子行者亦必噓。

狼戾

淮南覽冥訓。孟嘗君爲之增歎歔。流涕狼戾不可止。高注。狼戾猶交橫。按趙岐注孟子。以狼戾爲狼藉。似不及高誘之說爲允。

圭田

說文。畦田五十畝也。圭卽畦之省。

殺伐用張

晚出古文作我伐用張。按說文。我從戈從手。手一曰古殺字。然則我伐乃手伐之譌。後儒罕見手也。

涕出而女於吳

說苑權謀篇。齊景公以其子妻闔廡。送諸郊。泣曰。余死不女見矣。高夢子曰。齊負海而縣山。縱不能全收天下。誰干我君。愛則勿行。公曰。余有齊國之固。不能以令諸侯。又不聽。是生亂也。寡人聞之。不能令則莫若從。且夫吳若蜂螫然。不棄毒於人。則不靜。余恐棄毒於我也。按此所載較孟子爲詳。

孩提

趙注云。知孩笑可提抱。按顏氏家訓教子篇云。生子咳嗔。注一本作孩提。丁度集韻。嗔。曲黎切。與噉同。謂

孩子噉笑韻似較長。

而何其血之流杵也。

論衡語增篇引孟子曰：吾於武成，取二三策耳。以至仁伐不仁，如何其血之浮杵也。按古如而字通，浮字之誼似長於流。又藝增篇，恢國篇俱云武成篇言周伐紂血流浮杵。

逝往也。

釋詁：逝往也。按呂氏春秋疑似篇：其真子恐其父之不能反也，遂逝迎之。高注同。邵氏正義未引及。

窠

漢書刑法志：此卿大夫采地之大者。師古注：爾雅曰：采，寮官也。按今釋詁作窠，說文無窠字。此涉寮字而加六耳。小顏引爾雅猶是古本。

蠶沒

釋詁：蠶沒，勉也。說文無蠶字，乃蠶字之譌。

樊駟也。

當據釋文所載孫、樊二本將且也。詩：郡風簡兮，方將萬舞。小雅：谷風，將恐將懼。鄭箋：皆訓將爲且。卽本雅訓。論衡知實篇亦曰：將者且也。

窟繹

釋魚鼈。鱉。諸說文。鼈。鼈。皆諸也。詩曰。得此鼈鼈。蓋卽新臺得此戚施之異文。鼈從會聲。會與戚雙聲。故鼈可轉作會。歷切。鼈從爾聲。從爾之字如纒亦音式支切。故亦得與施同音。據說文。鼈卽鼈之本字。自爾雅。鼈爲鼈。陸德明卽音爲起。據反非也。又按。鼈乃鼈字之譌。鼈本爾下著。鼈。然亦可移爾於左。如玉簫。鼈字亦作鼈。因此致譌耳。

駒駘

釋畧。駒駘馬。野馬。按說文。駒駘。北野之良馬。爾雅。邢疏。引字林云。駒駘。北狄良馬也。一曰野馬。則似爾雅以野馬二字釋駒駘馬。或當是駒駘野馬。而誤衍一馬字。

騅

釋畧。蒼白雜毛。騅。說文作蒼黑雜毛。按史記有烏騅馬。似蒼黑爲長。

粉羊

釋畧。羊牡粉牝。是粉爲羊之牡者。然元史太宗紀。敕蒙古民有馬者輸牝馬一。牛百者輸牝牛一。羊百者輸粉羊一。是又以粉爲牝羊。

炳燭編卷二

古字通段舉例

古書字多通段。隨舉數十條以見例。間及省文。藉資攷訂。

棗爲綠。禮記大學。棗竹猗猗。說文同。詩借綠字。

寮爲遼。楊君石門頌。百遼咸從。

遙爲姚。荀子榮辱篇。其功盛姚遠矣。注。姚與遙同。漢禮樂志。雅聲遠姚。

鳴爲漚。列子黃帝篇。海上之人有好漚鳥者。注。漚卽鳴也。

鄒爲驕。孟子。鄒與魯閔。說文。鄒。魯縣。古邾國。漢書地理志。後漢郡國志。皆作驕。史記吳世家。爲驕伐魯。

魯世家。吳爲鄒伐魯。

更爲庚。列子黃帝篇。心庚念是非。口庚言利害。注。庚當作更。

蝸爲瓜。魏志楊沛傳。起瓜牛廬。止其中。管寧傳。焦先自作一瓜牛廬。裴松之注云。瓜當作蝸。先等作圓。

舍形如蝸牛。故謂之蝸牛廬。

弑爲試。漢石經公羊隱十一年。何隱爾。試也。今本作弑。

效爲肴。易繫辭上傳。效法謂之坤。蜀才作肴。

傲爲辱 書呂刑。奪攘矯虔。說文作傲。云。彊取也。

老爲眊 書呂刑。耄荒。漢書刑法志作眊荒。

營爲營 說文。營。惑也。淮南鴻烈。漢書皆假營爲之。

睨爲倪 禮記禮運釋文。倪。視也。爾雅釋魚。左倪不類。右倪不若。倪與睨同。

馘爲伐 詩秦風小戎。蒙伐有苑。釋文本又作馘。

噓爲室 禮記月令。民多飢噓。淮南時則訓作飢室。

翔爲祥 易豐。天際翔也。鄭。王作祥。

紺爲紺 詩大雅板。辭之紺矣。說文作紺。

詔爲招 書益稷。簫詔九成。孟子梁惠王篇。蓋徵招。角招是也。漢禮樂志。舜作招。

楸爲樊 詩小雅青蠅。止於樊。說文引作楸。

吓爲稽 書洪範。七稽疑。說文。吓。卜以問疑也。讀與稽同。

解爲悔 洪範。曰。貞曰悔。說文引作解。

敕爲策 論語。策其馬。說文云。敕。擊馬也。

敝爲杜 書費誓。杜乃樓。周禮雍氏注。引作敝。說文。敝。閉也。讀若杜。

繫爲繫 易訟。或錫之繫帶。釋文。王肅本作繫。

爪爲蚤 禮記曲禮不蚤鬚注蚤讀爲爪

卑爲埤 易繫辭上傳天尊地卑釋文本又作埤

翁爲翁 王莽傳動靜辟翁萬物生焉師古曰易上繫之辭曰夫坤其動也闢其靜也翁是以廣生焉翁

脅聲相近義則同

告爲省 春秋肆大眚公羊作大省

洊爲荐 易坎水洊至釋文干寶作荐

綱爲亢 周禮馬質綱惡馬鄭司農云讀爲其亢其讎之亢書亦或爲亢

蕞爲賁 攷工記鞀人鼓四尺中罔加三之一謂之蕞鼓詩大雅靈臺作賁

只爲旨 詩樂只君子衡方碑作樂旨

苴爲組 呂覽分職今民衣弊不補履決不組新序作苴

紉爲物 呂覽別類篇白所以爲堅也黃所以爲物也

一爲壹 儀禮士冠禮注古文壹皆作一

珣爲宣 爾雅釋器璧大六寸謂之宣說文珣周書所謂夷玉也一曰玉器珣讀若宣

躡爲顛 漢書貢禹傳誠恐一旦顛仆左傳杜回躡而顛

保爲葆 呂覽直諫篇葆申注葆太葆官也申名也說苑正諫篇作保

是爲氏。甄禮太史是右注是古文爲氏。曲禮是職方注或爲氏。漢書地理志西河郡陂是縣。說文作陂氏。又至元孫氏爲莊公師古曰氏與是同。張遷碑張是輔漢。

十爲仕。禮記曲禮前有士師注士或爲仕。

中爲衷。周語其君齊明衷正。呂覽仲夏紀適音篇。故太鉅太小太清太濁皆非適也。何謂適衷音之適也。何爲衷大不出鈞重不過石小大輕重之中也。黃鍾之宮音之本也。清濁之衷也。衷也者適也。

籩爲箴。曲禮注犬豕鬻人釋文本亦作箴。

蕩爲竹。詩衛風淇澳綠竹猗猗。韓詩作綠蕩。

蔞爲寘。詩鄆風載馳言采其寘。傳寘貝母。說文作蔞。

置爲植。論語植其杖。漢石經作置。

構爲穀。說苑奉使篇秦楚穀兵。

澧爲醴。書禹貢又東至于澧。史記夏本紀漢書地理志皆作醴。

絡爲落。莊子秋水篇落馬首。

澗爲澤。史記貨殖傳地澗鹵何渠書。澗澤鹵之地。

弟爲地。漢書丙吉傳西曹地忍之注李奇曰地猶弟也。師古曰地亦但也。語聲之急耳。

棧爲剗。史記田叔傳谷口蜀剗道近山正義曰按行谷有棧道也。

娠爲身 漢書高帝紀已有娠 史記作身

胙爲胙 荀子哀公篇君入廟門而右登自胙階 注胙與胙同

柴爲柴 說文柴引虞書曰至于岱宗柴

獻爲桓 周禮大宗伯公執桓圭 說文作獻

璫爲騏 詩曹風鳴鳩其弁伊騏箋騏當爲璫

醢爲熏 詩大雅鳧鷖公尸來止熏熏釋文熏說文作醢

荷爲荷 禹貢導荷澤 史記作荷

淒爲淒 詩小雅大田有淒萋萋 說文作淒

璊爲璊 詩王風大車毳衣如璊 說文作璊

綱爲綱 公羊駢綱明堂位作綱

車爲居 禮記禮運以德爲車 注車或爲居

輶爲輶 說文輶蓋弓也 淮南淑真訓作輶

輶爲藩 說文輶車耳反出也 左傳以藩車載欒益 卽此

眉爲麋 儀禮少牢饋食禮眉壽萬年 注古文眉作麋 士冠禮眉壽 注古文作麋

黼爲楚 詩曹風蜉蝣衣裳楚楚 說文引作黼

舟爲周 攷工記作舟以行水注故書作周鄭司農云周當爲舟

棋爲期 說文棋引虞書曰棋三百有六句

鈴爲鈴 周禮巾車鳴鈴以應難人故注書鈴或爲鈴杜子春云當爲鈴

璽爲皇 周禮舞師教皇舞注故書或爲璽

形爲邢 侯成碑惟想邢景司馬季德碑消邢幽門孔耽碑消邢瘦腊

靈爲零 吳仲山碑神零有知洪适隸釋云以零爲靈

靈爲庭 朱龜碑威神庭電隸釋云以庭爲靈

覘爲沾 禮記檀弓噫母曰我喪也斯沾注沾讀爲覘視也

攸爲綏 詩衛風有狐有狐綏綏齊詩作攸攸

縹爲昆 說文縹周人謂兄曰縹從弟從累玉篇通作昆

輪爲倫 易說卦傳爲弓輪姚信本作弓倫

蕭爲淵 詩執鼓淵淵說文作淵

館爲管 儀禮聘禮管人鄭注管猶館也

鞞爲鬯 說文鞞弓衣也詩秦風虎鞞鏗膺交鞞二弓鄭風太叔于田抑鬯弓忌

鞞爲皇 爾雅釋艸皇華也說文引作鞞

鞞爲坎 詩小雅坎坎鼓我 說文引作鞞

默爲墨 漢書李陵傳陵墨不應 執視而自循其髮

職爲識 周禮職方氏 漢華嶽碑作識方 史記屈原傳章書職墨兮 楚詞作志墨 志卽識之古文

賁爲理 書甘誓予其大賁女 史記殷本紀作理

輯爲掛 書舜典輯五瑞 史記五帝紀作掛

迭爲軼 漢書司馬相如傳迭興迭衰 史記封禪書作軼與軼衰

鏹爲形 李斯傳啜土鏹 秦始皇紀作形

飛爲蜚 書序有飛雉升鼎耳而雝 左氏僖十六年六鷁退飛 漢書五行志並作蜚

狡爲郊 史記淮陰侯傳狡兔死小司馬本 吳越春秋並作郊

臙爲禮 詩鄭風大叔于田禮揚暴虎 說文引作臙云肉臙也

柄爲秉 史記天官書斗秉兼之

塿爲抑 漢書溝洫志禹塿鴻水 史記河渠書作禹抑鴻水 孟子禹抑洪水

正爲迤 史記河渠書迤道弛兮離常流 徐廣曰迤一作正 漢書溝洫志作正 封禪書正伯僑揚雄傳作

征案說文征或作迤

李爲菲 史記齊太公世家菲星將出

胙爲藉 史記商君列傳集解引新序論曰周官歸藉索隱云藉音胙字合作胙

媵爲錄 史記平原君傳公等錄錄索隱曰說文云錄錄隨從之貌案說文女部媵隨從也

太爲突 易離突如說文作去

罍爲斗 說文罍酒器也詩大雅敦章酌以大斗借斗爲罍

俎爲苴 禮記禮運苴執注苴或爲俎

銀爲琅 說文銀鑑鎗也西域傳作琅當

鏃爲遂 說文鏃陽鏃也周禮司烜氏作陽遂

斛爲角 說文斛平斗斛也月令角斗甬鄭注角謂平之

所爲許 詩小雅伐木伐木許許說文引作所

參爲隱 說文參所依據也孟子莊子俱作隱几

溺爲弱 書禹貢弱水既西說文作溺

驂爲參 漢書張釋之傳上就車召釋之驂乘史記作參

祥爲羊 隸續載漢元嘉刀銘云宜侯王大吉羊

潭爲覃 漢書揚雄傳而大潭思渾天師古曰潭深也孔安國書序研精覃思

皇爲王 洪範皇極書大傳史記並作王極聘禮注古文皇作王

增爲會 漢書司馬相如傳。登入會宮之嵯峨。文選思辛賦。登閭風之會城兮。後漢書張衡傳作增。
掖爲夜 說苑建武篇。今將軍東有掖邑之封。齊策作夜。

蒼爲倉 詩王風黍離。悠悠蒼天。釋文。本亦作倉。北海相景君碑。于何穹倉。堯廟碑。思如浩倉。月令。鯨倉。
龍。漢書禮樂志郊祀歌。左倉龍。

姻爲因 詩小雅。我行其野。不思舊姻。白虎通作因。

徐爲余 易。來徐徐。王肅作余余。

瞻爲詹 詩小雅采芣。六日不詹。傳。詹同瞻。史記周本紀。顧詹有河。又云。粵詹洛。伊。

滄爲倉 漢書揚雄傳。甘泉賦。東燭倉海。文選作滄。

甞爲牟 詩頌思文。詒我來牟。說文。作來甞。

修爲攸 隸釋。載張良碑。令德攸兮。

評爲平 後漢書霍諝傳。前者溫教。許爲平議。三國費禕傳注。禕設甲乙論。平其是非。

鏡爲竟 隸續。載鏡銘。曰。騶氏作竟。四夷服。

羶爲羶 周禮鼈人。凡羶物。注。自羶藏伏於泥中者。

廡爲會 詩大雅大明。其會如林。說文。作廡。

撥爲發 詩長發。元王桓撥。釋文。韓詩作發。

整爲敎 詩周頌小毖。自求辛整。釋文。韓說作敎。

譚爲草 詩碩人。譚公維私。白虎通號篇作草。

圃爲甫 爾雅釋地。鄭有圃田。左傳及圃田之北。竟。釋文。甫本又作圃。詩車攻。東有甫草。韓詩作圃草。

渡爲度 漢書賈誼傳。是猶度江河無舟楫。

攝爲聶 士冠禮。再醮攝酒。注。今文攝爲聶。

僭爲替 漢書王子侯表。替差失軌。

附爲付 周禮小司寇。聽萬民之獄。訟附于刑。故書附作付。又八辟麗邦。灋。附刑罰。故書附爲付。

邇爲爾 儀禮燕禮。君爾卿。注。爾。近也。漢楊統碑。猥爾莫不隕涕。繁楊令碑。猥爾僉服。

特爲字 史記平準書。乘字牝者。價而不得聚。漢書食貨志作特牝。

拊爲付 周禮大師。令奏擊拊。故書拊爲付。鄭司農云。當爲拊。

舞爲無 周禮鄉大夫。五曰興無。故書舞爲無。杜子春讀無爲舞。

管爲官 聘禮。管人布幕于寢門外。注。古文管作官。

兌爲兌 史記天官書。參下三星。兌曰罰。孟康曰。上小下大曰銳。漢書天文志作兌。管子小匡篇。巧轉而

兌利。荀子議兵篇。仁人之兵兌。

綏爲妥 士相見禮。妥而後傳言。注。古文妥爲綏。

璆爲綦 說文引詩其弁伊璆周禮弁師注作綦

歌爲麗 詩大雅文王其麗不億說文歌數也

齋爲爾 詩小雅采芣彼爾維何說文作齋

穉爲齋 詩魏風伐檀不稼不穉漢石經魯詩作齋尙書湯誓舍我穉事史記殷本紀作齋

誦爲喜 論衡逢遇篇伍員帛喜俱事夫差

切爲刃 攷工記士喪禮疏引禮緯天子之旗九刃

櫛爲節 儀禮士冠禮贊者奠笄纒櫛于筵南端注古文櫛爲節

鑑爲監 詩邶風柏舟我心匪鑒釋文單行本作監大雅蕩殷鑒不遠劉向傳作監

鑊爲盧 史記司馬相如傳文君當盧食貨志古令官作酒以二千五百石爲一均率開一盧以賣

錡爲奇 詩爾風破斧又缺我錡釋文本或作奇

鏃爲莫 文選揚雄羽獵賦注引說文莫邪大戟也

程爲呈 史記秦始皇本紀上至以衡石量書日夜有呈不中呈不得休息樊安碑作呈作式

胎爲台 釋詁元胎釋文本或作台

胎爲台 漢書地理志臨淮郡盱眙史記建元以來王子侯者年表作盱台

怡爲台 史記五帝本紀舜讓於德不慳徐廣曰今文尙書作不怡太史公自序虞舜不台

越爲次 易姤其行次且說文作越。

殃爲央 無極山碑來福除央。隸釋云以央爲殃。吳仲山碑而遭禍央。嚴訢碑君獲其央。

迂爲于 禮記文王世子于其身以善其君。注于讀爲迂。論語子之迂也。鄭康成作于。

蕉爲焦 三輔黃圖有甘焦十二本。

既爲兀 鄧析子無厚篇責兀者以及走免。

誠爲成 禮記經解故衡誠縣注誠或作成。

悵爲炎 詩如悵如焚。後漢書肅宗紀作炎。

謂爲胥 周禮序官注胥讀如謂說文作謂。

寮爲寮 祝穆後碑寮屬欽熙。魏元不碑酬咨羣寮。隸釋云以寮爲寮。

驄爲皇 詩魯頌駟有驄有皇說文作驄。

懲爲微 易損君子以懲忿窒欲釋文作微。荀子正論篇且微其未也。注微讀爲懲。詩荆舒是懲。史記建

元以來侯者年表作荆荼是微。漢書溝洫志穿渠自微。

頰爲卑 易頰復鄭作卑。

枝爲支 詩衛風芄蘭芃蘭之支說文作枝。

杝爲天 詩桃之天天說文作杝。

繇爲希 周禮司服祭社稷五祀則希冕注希讀爲繇

儀爲義 周禮大司徒以儀辨等小宗伯肆儀爲位注故書儀爲義杜子春讀爲儀

浮爲孚 禮聘義孚尹旁達注孚讀爲浮

仍爲乃 司几筵凶事仍几故書仍爲乃鄭司農云乃讀爲仍仍因也

游爲旃 庠彰長田君碑乃始旃學武斑碑久旃太學

簿爲博 論語不有博弈者乎說文簿局戲也

麓爲鹿 易屯卽鹿無虞虞翻曰山足稱鹿鹿林也

緇爲重 儀禮士冠禮緇裳注今文緇爲重

餘爲余 周禮委人凡其余聚以待頒賜注余當爲餘

縫爲逢 禮玉藻縫齊倍要注縫或爲逢

曆爲辰 左昭七年傳日月之會是謂辰說文作曆

墟爲庸 易同人乘其墟鄭作庸

廕爲危 周禮牧人凡外祭毀事用危注故書危作廕

嗣爲司 尚書商書王司敬民史記作王嗣

輶爲巢 左成十六年傳楚子登巢車以望晉軍說文作輶

隈爲畏 攷工記。恆當弓之畏。注。畏讀如秦師入隈之隈。

倡爲昌 周禮樂師。教愷歌。遂倡之。注。故書倡作昌。鄭司農云。昌當爲倡。

房爲方 商書女鳩。女方。史記作房。

功爲工 周禮肆師。凡師不功。注。故書功爲工。鄭司農云。功讀爲工。

歌爲哥 書。歌永言。藝文志。作哥。說文。哥。古文以爲歌字。

顰爲須 說文。顰。待也。左傳。寡君須矣。

吳爲虞 詩。不吳不敖。史記。孝武本紀。不虞不驚。

縱爲從 漢書王吉傳。其後放從自若。

澈爲攸 漢書敍傳。其欲澈澈。師古曰。澈音滌。子夏易傳。攸攸。蘇林音迪。

勉爲免 漢書谷永傳。閔免近樂。師古曰。閔免猶勉也。

搢爲晉 周禮典瑞。王晉大圭。鄭司農讀爲搢紳之搢。攷工記。盧人五分其晉。注。讀如王搢大圭之搢。

滌爲條 周禮條狼氏。杜子春讀爲滌器之滌。

醴爲會 周禮弁師。王之皮弁。會五采玉琕。注。故書會爲醴。

饜爲鄉 儀禮聘禮。壹食再饜。注。今文饜皆爲鄉。公食大夫禮。設洗如饜。注。古文饜或作鄉。

顆爲果 顏氏家訓。書證篇。三輔決錄云。前隊大夫范仲公鹽鼓蒜果共一筥。果當作魏顆之顆。北土通。

呼物一由改爲一顆。蒜顆是俗間常語耳。

悠爲攸。詩邶風終風。悠悠我思。爾雅釋文。樊光作攸攸。

晷爲旦。詩衛風氓。信誓旦旦。說文作晷。

隄爲是。說文引爾雅。隄則也。今本作是。

甞爲將。詩周頌執競。擊筦將將。說文作甞。

輶爲直。周禮小胥。士輶縣。釋文。本亦作特。詩實維我特。韓詩作直。郊特牲。首也者直也。注。直或爲輶。

趣爲取。史記李斯傳。異趣以爲高。秦始皇本紀作異取。

啐爲卒。大戴禮禮三本。利爵之不卒也。樂書作啐。

姬爲原。詩姜姬。論奇怪篇作姜原。

竿爲干。詩鄘風干旄。子子干旄。左宣九年傳引作竿。

佚爲失。荀子哀公篇。其馬將失。韓詩外傳。劉向新序雜事篇竝作佚。

鷓爲服。史記賈生列傳。楚人命鷓曰服。

純爲屯。左襄十八年傳。執孫蒯于純留。漢書地理志。上黨郡屯留縣。

鍾爲連。說文。鍾。銅屬。史記貨殖傳。長沙出連錫。漢書食貨志。穀以連錫。

畦爲圭。說文。畦。田五十畝。孟子。圭田五十畝。

劫爲去。韓非外儲說篇：子罕遂劫宋君而專其政。韓詩外傳：劫作去。髮爲毛。儀禮既夕記：馬不齊髮。注：今文髮爲毛。

文字證古

禰。說文新增。古作昵。尚書高宗彤日：典祀無豐于昵。馬融云：昵，考也。謂禰廟也。案：考廟最近，故謂之禰。

廟。古或止作爾。昵從尼。尼有近義。故訓近以昵爲禰。聲義俱可通也。呂忱字林始有禰字。

禰。說文新增。古作濯。周禮守禘。鄭注云：故書禘作濯。鄭司農：濯讀爲禘。案：禘無本字，其借濯者，蓋濯從

翟聲。禘亦翟之轉也。玉篇有禘字云：古文禘。此必因濯字偏旁篆文從示而譌耳。

璞。說文無。古作樸。說文：鑿銅鐵樸也。爾雅釋器釋文：璞字又作樸。又作朴。史記范雎傳：楚有和朴。

左昭十六年傳：杜注：玉環同工其朴。自共爲雙。案：朴，調木皮。璞亦玉之皮也。聲義俱可借。

藏。說文新增。古作臧。漢書禮樂志：陰入伏臧於下。又：臧於理官。師古曰：古書懷藏之字本皆作臧。漢書

例爲臧耳。律歷志：該臧萬物。又：物終臧乃可稱。武斑碑：勳臧王府。案：臧者伏臧也。臧字從臣者伏也。是臧

有伏誼。孫叔敖：孔耽神祠碑有藏字。

芭。說文無。古作巴。漢書司馬相如傳：諸柘巴且。文穎曰：巴且一名芭蕉。案：艸木之名，每多聲借。後人輒

加艸木旁。此陸德明所以有艸類皆從兩中之譏。

萬。說文無。古作昌。漢書司馬相如傳：穹窮昌蒲。

衡說文無古作衡。漢書司馬相如傳其東則有蕙圃衡蘭。

遑說文新增古作皇。漢書律厯志秦兼天下未皇暇也。儒林傳亦未皇庠序之事也。師古曰皇暇也。哀

帝紀未皇甯息。周愷功勳銘懜寒慄兮不皇計。呂氏春秋先己篇督聽則姦寒不皇。高注皇暇也。

遐說文新增古作假。漢書禮樂志假狄合處。師古曰假即遐字。楊統碑假爾莫不隕涕。縣陽令楊君碑

假爾僉服。武斑碑商周假貌。又作瑕。詩邯風泉水不瑕有害。毛傳遠也。小雅隰桑遐不謂矣。禮記表

記引作瑕。案是彳誼通。是部之延返亦從彳旁。彳部之往復可加是字。遐假亦此例。平都相蔣君碑復民

租碑魯峻碑費鳳別碑北海相景君碑有遐字。

齡說文新增古作零。斥彭長田君碑身沒名立永載萬零。隸續曰以零爲齡。又作輪。樊毅修華嶽

碑。丞曜善輪。縣陽令楊君碑俾延僭輪。魯峻碑有齡字。

趾說文無古作止。儀禮士昏禮北止。鄭注止足也。古文止作趾。漢書禮樂志爰五止。師古曰止足也。食

貨志引詩曰四之日舉止。易噬嗑履校滅止。釋文本亦作趾。案止本趾之正字。故鍾距字皆從止。不必更

增足旁。

嘲說文新增古作啍。漢書東方朔傳俱在左右恢啍而已。師古曰啍與嘲同。音竹交反。案或作言旁嘲。

玉篇有嘲字。

認說文無古作仞。漢書儒林傳喜因不肯仞。淮南人間訓非其事者勿仞也。又仞人之事者敗。皆借仞。

玉篇有認字。

韻說文新増古作均。鷓冠子五聲不同均其可喜一也。文選成公綏嘯賦音均不恆。曲無定制。李善注。

均古韻字。

鞘說文新増古作削。漢書貨殖傳質氏以酒削而鼎食。師古曰削謂刀劍室也。衆經音義引倉頡篇削。

盛刀者也。思諒反。

眸說文新増古作牟。荀子非相篇堯舜參牟子注牟與眸同。

瞶說文無古作盧。漢書揚雄傳玉女無所眺其清盧兮。

舜說文無古作爰。孟子野有餓莩說文莩艸也。此借用。漢書食貨志贊野有餓莩而不知發。鄭氏曰莩。

音葉有梅之葉零落也。然說文亦無莩字。莩當爲爰。說文爰物落上下相付也。讀若標有梅。鄭德漢書注。

必本是說後人加艸作莩耳。玉篇有莩字云落也。正作爰。

肱說文無古作光。說文脰勝光也。淮南說林訓旁光不升俎。

脰說文無古作挺。儀禮士虞禮脯四脰注古文脰爲挺。又鄉飲酒禮薦脯五挺案脯乃乾肉其形挺然。

不必從肉。

臙說文無古作臙。漢書藝文志經方有客疾五臙顛狂病方十七卷。又王吉傳吸新吐故以練臙。師古。

曰臙五臙也。案古臙字本作臙。心肝脾肺腎五者皆臙于內。故謂之臙。不必加肉。

篋說文新增古作比。史記索隱引倉頡篇蟲者爲梳密者爲比急就篇鏡斂疏比各異工注櫛之小而細所以去蟻蝨者謂之比說文櫛梳比之總名也釋名比言細相比也案比者密也以其齒密故謂之比不必作篋玉篇有篋字。

簣說文無古作箇。漢書禮樂志引論語未成一匱今本論語作簣案匱者受物之器故匱從之不必從竹。

簿說文無古作薄。漢郃陽令曹全碑諸國禮遺且二百萬悉以薄官又云主薄王歷案隸書艸竹無別如荅苻之類譌艸爲竹箸字誤竹爲艸。

榴說文無古作留。文選張衡南都賦栲棗若留。

櫟說文新增古作𣎵。左宣十六年傳宣榭火公羊傳作榭襄三十一年傳無觀臺榭釋文音𣎵本亦作𣎵禮記禮運以爲臺榭宮室牖戶釋文榭本亦作榭荀子王霸篇臺𣎵甚高楊注與櫟同呂氏春秋聽言篇修其臺謝苑囿。

櫻說文新增古作鶯。呂氏春秋仲夏紀羞以含桃高注鶯鳥所含食故言含桃說文無鶯集韻鶯或作鶯知古作鶯。

權說文新增古作漑。漢書百官公卿表上林苑有輯漑令丞師古曰輯與楫同漑集孝反皆所以行船也元后傳輯漑越歌案漑漑聲近從水誼通。

梵說文新增古作兀。隸釋云街彈碑梵梵黍稷以梵梵爲兀兀。

暈說文新增古作輝。周禮眠侵掌十輝之法。釋文輝音運。又作運。淮南覽冥訓畫隨灰而月運闕。

又作暉。錢詹事說北齊張景暉造像記景暉亦作景暈。可徵暈暉本是一字。

幟說文新增古作織。公羊莊三十一年傳旗獲而過我也。何休注旗軍幟名。釋文幟本又作織。同。漢書

食貨志治樓船十餘丈。旗織加其上。又作識。志。漢書高帝紀注師古曰幟幟也。史家字或作識。或作

志。音義皆同。

帑說文新增古作奔。逸周書王會解。壇上張赤奔陰羽。孔晁注奔帳也。

低說文新增古作氏。漢書食貨志封君皆氏首印給焉。師古曰氏首猶俯首也。又其價氏賤減平者聽

民自相與市。

僮說文無古作焦。說文南方有焦僮人。長三尺。短之極。

倅說文新增古作卒。禮記燕義庶子官職諸侯卿大夫士之庶子之卒。鄭注卒讀爲倅。又作萃。周

禮車僕掌戎路之萃。鄭注萃猶副也。

儻說文新增古作儻。漢書禮樂志儻稱權奇。史記封禪書儻黨窮變。

儻說文新增古作黨。史記封禪書儻黨窮變。漢書儒林傳黨焦延壽獨得隱士之說。注師古曰黨讀曰

儻。于定國傳答黨在是乎。

侏說文無古作朱。漢書刑法志師朱儒。東方朔傳給驕朱儒。

佻說文無古作陽。漢書東方朔傳箕子被髮陽狂。

債說文新增古作責。史記高帝紀歲竟此兩家常折券棄責。漢書食貨志於是有賣田宅鬻子孫以償責者矣。

侑說文新增古作溢。漢書禮樂志千童羅舞成八溢。師古曰溢與侑同。

屣說文無古作躡。漢書地理志女子彈絃踏躡如淳曰躡音屣。師古曰躡字與屣同。呂氏春秋長見篇。

視釋天下若釋躡。又作鞮。毛居正六書正譌鞮從革。尅聲。別作屣非。

屨說文新增古作婁。禮記禮運孔子婁歎之。釋文本又作屨。漢書食貨志然婁敕有司以農爲務。師古。

曰婁古屨字也。藝文志及至衰世解於齋戒而婁煩卜筮。師古曰婁讀曰屨。

飲說文新增古作侑。漢書禮樂志巴俞鼓員三十六人。又作渝。徐鉉曰案史記渝水之人善歌舞。

漢高祖采其聲。

頤說文無古作權。漢書高帝紀隆準注準頰權準也。文選曹植洛神賦鬢輔承權。

嶂說文無古作靖。文選宋玉高唐賦俯仰靖嶂白石神君碑有嶂字。

嶺說文新增古作領。漢書溝洫志東至山領十餘里閒。又開大山上領。晉灼曰上領山頭也。嚴助傳輿。

輻而踰領。項昭曰領山領也。地理志禹貢雒水出冢領山。水經作冢嶺。

囑說文無古作解。漢書律歷志自大夏之西昆侖之陰取竹之解谷。

廡說文新增古作箱。儀禮公食大夫禮公揖退于箱覲禮視于東箱。漢書量錯傳趨避東箱。楊敞傳敞夫人違從東箱。周昌傳呂后側耳於東箱聽師古曰正寢之東西室皆曰箱言似箱篋之形。東方朔傳起之東箱。

廊說文新增古作郎。逸周書作維解咸有四阿反坩重亢重郎注重郎累屋也。漢書董仲舒傳游於巖郎之上。晉灼曰堂邊巖巖郎謂巖巖之郎也。東方朔傳今陛下累郎臺師古曰郎堂下周屋。韓勅後碑庫室中郎。隸釋云以郎爲廊。曹全碑有廊字。

廈說文新增古作夏。詩秦風權輿夏屋渠渠。漢書揚雄傳於是大夏雲譎波詭。

廠說文無古作敖。水經沔水篇漢水又東歷敖頭。酈道元注舊立倉儲之所。

殿說文新增古作祈。江聲說考工記祈沈釋文祈音九委反卽爾雅祭山曰殿縣之殿也。

礮說文新增古作踏。左隱三年傳石礮石經作礮。

炬說文無古作苴。後漢書皇甫嵩傳束苴乘城。

爍說文新增古作粲。詩唐風角枕粲兮。漢書揚雄傳粲以成章。

熟說文無古作執。禮記禮運然後飯腥而直執。漢書食貨志是故善平糶者必謹觀歲有上中下執。嚴安傳五穀蕃執。

懇。說文新増。古作懇。漢書劉向傳。故狠狠數奸死亡之誅。

擇。說文新増。古作釋。書顧命。王不擇。釋文云。馬本作不釋。

憤。說文無。古作齋。錢詹事說。雖爲舍人。注爾雅云。憤。怒聲。據楚詞。信讒齋怒之文。則憤當爲齋。

憾。說文無。古作感。左隱三年傳。降而不憾。釋文本又作感。同。昭十一年傳。唯蔡於感。釋文感。戶暗反。禮

記中庸。天地之大也。人猶有所憾。釋文本又作感。胡暗反。恨也。漢書張安世傳。何感而上書。歸衛將軍富

平侯印。師古曰。感。恨也。音胡關反。

潔。說文新増。古作絜。詩序。白華。孝子之絜白也。小雅楚茨。絜爾牛羊。禮記。絜靜精微。易教也。易說卦傳。

齊也者。言萬物之絜齊也。左桓六年傳。絜粢豐盛。論語。人潔己以進。石經作絜。漢書律歷志。姑洗。洗絜也。

言陽氣洗物。辜絜之也。高帝紀。及擇寬惠。修絜者。呂氏春秋尊師篇。臨飲食。必鬪絜。

洲。說文無。古作州。漢書地理志。自合浦。徐聞。南入海。得大州。東西南北方千里。

灞。說文無。古作霸。漢書高帝紀。沛公至霸上。師古曰。霸水上。故曰霸上。地理志。霸水。古曰茲水。秦穆公

更名。以章霸功。

滌。說文新増。古作豬。作都。書禹貢。大野既豬。史記作都。

泯。說文新増。古作泯。周禮小宗伯。王崩。大肆。以秬鬯泯。注。杜子春讀泯爲泯。

霞。說文新増。古作瑕。漢書揚雄傳。噲清雲之流瑕。師古曰。瑕。謂日旁赤氣也。文選甘泉賦。李善注。霞與

瑕古字通。又作蝦。史記天官書雷電蝦虹。

闕說文新增古作伐。漢書車千秋傳無伐闕功勞。

閱說文新增古作伉。作亢。詩大雅縣泉門有伉。釋文韓詩作閱。本又作亢。

抹說文無古作末。漢書谷永傳末殺災異。師古曰末殺。掃滅。

擒說文無古作禽。左僖二十一年傳不禽二毛。史記五帝紀遂禽殺蚩尤。漢書高帝紀此所以爲我禽。

也。漢書刑法志皆禽敵立勝。校官碑禽姦。滑易師田有禽。徐本作擒。呂氏春秋簡選篇遂禽移犧。順民。

篇禽夫差。

捌說文新增古作拔。急就篇摺獲乘把。番捌杷。王應麟補注碑本插捌作番拔。

蠟說文無古作蔑。漢書揚雄傳浮蔑蠟而撒天。

螢說文無古作熒。爾雅釋蟲熒火卽炤。釋文本作螢。後漢書靈帝紀帝與陳留王夜步逐熒火行數里。

游說文無古作游。淮南子詮言訓浮游不過三日。高誘注浮游渠略也。又覽冥訓浮游不知所求。

墩說文無古作敦。爾雅釋邱郭注今江東呼地高堆者爲敦。

場說文新增古作易。漢書禮樂志吾易久遠。晉灼曰易疆易也。食貨志殖於疆易。荀子富國篇至于疆。

易楊倞注易與場同。楊統碑疆易不爭。魏呂君碑疆易失守。

堰說文無古作偃。周禮馭人鄭注梁水偃也。

塘、說文新增古作唐。說文隄唐也。四聲本如是。汲古閣本已改爲塘。逸周書作雒解。隄唐。呂氏春秋尊師篇。治唐闢注。

唐、隄以壅水。

涂、說文新增古作涂。周禮遂人。溝上有涂。司險。設國之五溝五涂。攷工記。經涂九軌。漢書禮樂志。大朱涂廣。師古曰。涂。道路也。釋名。涂。度也。人所由得通度也。漢周憬碑。行旅語于涂。郟令景君闕銘。假涂郟。魏大饗碑。陳兵清涂。張平子碑。垂名于一涂。史晨後碑。李翊夫人碑。有涂字。

壅、說文無古作醜。漢書溝洫志。治水有決河深川。而無隄防壅塞之文。師古曰。讀曰壅。又。雍防百川。境。說文新增古作竟。公羊隱二年。釋文。踰竟音境。今本多卽作境字。更不音。漢郃陽令曹全碑。世宗廓土。厘竟。

銘、說文新增古作名。春官小祝。設熬置銘。鄭注。銘。今書或作名。儀禮既夕禮。取銘置于重。鄭注。今文銘皆作名。

鎔、說文新增古作瑣。說文。銀鎔。瑣也。鎔。大瑣也。

鎔、說文無古作溢。禮喪大記。朝一溢米。莫一溢米。鄭注。二十兩爲一溢。戰國策。黃金萬溢。高誘注。同。荀子。儒效篇。有人於此。肩然藏千溢之寶。韓非子。五蠹篇。鑠金千溢。漢書食貨志。黃金以溢爲名。上幣。孟康曰。二十兩爲溢。文選。阮籍詠懷詩。黃金百溢盡。

轍、說文新增古作徹。考工記。徹廣六尺。兩長六尺。漢書文帝紀。行徹于道。又作軼。莊子人間世。螳

蠅怒臂以當車軼。釋文音轍。戰國策。車軼之所至。史記文帝紀。結軼于道。

采。說文新增。古作采。書堯典。鬻咨。若子采。馬融曰。采。官也。漢書刑法志。師古注。采。官也。爾雅曰。采。寮官也。今本爾雅作采。

也。今本爾雅作采。

贖。說文新增。古作況。漢書禮樂志。天地並況。師古曰。況。賜也。又曰。太乙況。天馬下。

贄。說文無。古作摯。周禮大宗伯。以禽作六摯。禮記曲禮。凡摯。天子鬯。儀禮士相見禮。贄。冬用雉。釋文。本

又作摯。

贍。說文新增。古作澹。荀子王制篇。物不能澹。則必爭。楊倞注。澹。讀爲贍。漢書食貨志。猶未足以澹其欲

也。師古曰。澹。古贍字。又見司馬相如。司馬遷等傳。鹽鐵論。飢寒于邊。將何以澹之。

賻。說文新增。古作傅。周禮小行人。若國札喪。令賻補之。鄭注。故書賻作傅。

賽。說文新增。古作塞。漢書郊祀志。冬塞禱祠。

贖。說文無。古作賈。作進。漢書高帝紀。蕭何爲主吏。主進。師古曰。進者。會禮之財也。字本作賈。又作贖。

贓。說文無。古作臧。漢書景帝紀。皆坐臧爲盜。沒入臧縣官。食貨志。有司請令民得買爵。及贖禁錮。免臧

罪。又見薛宣傳。

瘡。說文無。古作創。禮記曲禮。有創則沐。

陡。說文無。古作斗。史記封禪書。成山斗入海。索隱謂斗絕曲入海也。

詎說文新增古作巨。漢書高帝紀公巨能入乎。師古曰巨讀曰詎。詎猶豈也。

贅說文新增古作贅。韓詩外傳鄰之贅婦。漢書西羌傳兄亡則納其贅嫂。

妙說文無古作眇。漢書藝文志樂尤微眇以音律爲節。師古曰眇亦讀曰妙。儒林傳嚴然總五經之眇。

論師古曰眇讀曰妙。律歷志究其微眇急就篇秦妙房王應麟補注妙一作眇。

挖說文無古作槩。文選曹植詩承露挖太清。李善注挖摩也與槩同。

無說文無古作廡。儀禮士虞禮尊兩無于廟門外之右。少南鄭注古文無爲廡。

驩說文無古作華。漢書地理志得華驩綠耳之乘。

媛說文無古作媛。漢書揚雄傳媛狄擬而不敢下。淮南說山訓楚王有白媛王自射之則搏矢而熙說

林訓媛狄之捷來乍爾雅釋獸獫狁善援。又作爰。漢書李廣傳爲人長爰臂如淳曰臂如媛臂通肩

也。

磁說文無古作慈。漢書藝文志猶慈石取鐵。淮南說山訓慈石能引鐵。

擢說文無古作離。詩王風兔爰逢此百擢。釋文本亦作離。

拋說文新增古作抱。史記三代世表抱之山中注音普茅反。

鬻說文無古作橫。後漢書鮑永傳乃修起橫舍注橫學也。又作鬻。朱浮傳造立橫舍。

旒說文無古作柅。漢書揚雄傳乘雲蜺之旒柅兮。又曰夫何旗旒邛偁之旒柅也。

紗說文無古作沙。周禮內司服辨內外命婦之服鞠衣、展衣、綠衣、素沙。案沙之爲言疏也。

辨說文新附古作辦。考工記或審曲面勢以飭五材以辨民器。鄭注辨猶具也。釋文辨皮莧反具也。戴

震考工記圖辨辦古今字易剝牀以辨徐音辨具之辨儀禮特牲饋食禮宗人告有司具注具猶辨也。案

辨辦本一字耳隸變勿或作刀或作力而刀又譌爲力遂以辨爲辨論之辨以辨爲辨具之辨大謬。

售說文無古作讎。史記高祖紀每酤留飲酒讎數倍。索隱曰樂彥云借讎爲售蓋古字少假借耳。漢書

食貨志周有泉府之官收不讎與欲得師古曰讎讀曰售又云周於民用而不讎者。

艘說文無古作梭。說文梭船總名也。漢書溝洫志發河南以東漕船五百梭。案梭本艘之正字剝木爲

舟故棹、撥等字從木。

逍遙說文新附古作消搖。詩鄭風清人河上乎逍遙。釋文本又作消搖。禮記檀弓消搖于門。楚詞離騷

消搖以相羊。莊子逍遙遊。釋文一作消搖。漢書司馬相如傳消搖乎襄羊。文選同。

瑋瑁說文無古作毒冒。漢書地理志粵處近海多犀象毒冒珠璣銀銅果布之湊。

徘徊說文無古作裴回。漢書禮樂志神裴回若留放。

崑崙說文無古作昆侖。漢書禮樂志溝洫志律歷志揚雄傳張騫傳俱作昆侖。張休崖淡銘宜乎昆侖。

又作混淪。周禮大司樂釋文崑崙本作混淪。

芙蓉說文新附古作夫容。漢書司馬相如傳外發夫容。揚雄傳被夫容之朱裳。

首宿。說文無。古作目宿。說文芸艸也。似目宿。漢書西域傳。大宛國馬善目宿。又罽賓有目宿雜艸。

磅礴。說文無。古作旁魄。文選左思吳都賦。旁魄而論都。

崆峒。說文無。古作空同。逸周書王會解。正北空同。莊子在宥篇。開廣成子在於空同之上。漢書武帝紀。

遂踰隴登空同。又作空桐。爾雅釋地。北戴斗極爲空桐。史記五帝紀。黃帝西至於空桐。漢書武帝紀。

西登空桐。又幸甘泉空桐。

蜿蜒。說文無。古作宛延。文選揚雄甘泉賦。巖翠氣之宛延。又作宛延。漢書揚雄傳作宛延。又作

死螻。說文螻。死螻也。文選王延壽魯靈光殿賦。虬龍騰驤以死螻。

玻璃。說文無。古作頗黎。郭璞元中記。大秦國有五色頗黎。

徜徉。說文無。古作常羊。漢書禮樂志。幡比掖回集。武雙飛常羊。又周流常羊。思所并。

瑪瑙。說文無。古作馬瑙。御覽引魏文帝馬腦勒賦曰。馬腦玉屬也。出自西域。文理交錯。有似馬腦。故其

方人。因以名之。案腦本作瑙。隸變爲腦。

琉璃。說文無。古作流離。漢書地理志。入海市明珠璧流離。奇石異物。西域傳。罽賓國出流離。

輓轡。說文無。古作鹿盧。禮記喪大記。鄭注。以紼繞碑間之鹿盧。輓車而下之。

說文後人所加

說文邦。琅邪縣。一名純德。按漢書地理志。邦。莽曰純德。但王莽所取郡縣名。說文例皆不取此四字。是後

者當是黠字脫去右半也。

詒

說文詒相欺語也。然自史漢而下皆用糸旁給字。說文給絲勞也。與詒字異義。惟列子黃帝篇既而狎侮欺詒仲尼篤吾笑龍之詒孔穿猶存言旁本字。

它也

它與也二字形既不同聲亦不一。然篆形相似古音相轉。後來未免混淆。如詒之爲池。沱之爲池。佗之爲他。此皆當從它。而今易从也。非也。隄之爲陀。當從也。而今易从它。亦非也。段氏玉裁六書音均表於第十七部歌麻韻內謂池字也聲。在此部。今入支。殆忘說文之無池字也。然段氏謂也聲亦入歌戈韻。猶未的確。蓋也字音近毆。而從也之字。若毆爲錫之重文。豈。鷺之重文。易聲在五寘。弛重文作𦉳。𦉳聲在五支。地。籀文作墜。漢碑及漢書皆用籀文墜字。乃从昌从土。象聲。說文象讀若弟。象聲在十二霽。漢書丙吉傳。西曹地忍之。借地爲弟。明古地弟同聲。弟聲在霽。皆不得入歌戈韻也。由斯例之。則也聲當入支韻無疑矣。毛詩如鄜風柏舟之死矢靡他。他當作佗。與河儀叶。小雅小旻六章。頌弁首章。漸漸之石三章。同。陳風東門之池。篇首句亦當作沱。小雅無羊二章。大雅皇矣六章。同。然亦有從也之字。與歌戈韻叶者。若邶風新臺得此戚施。施與離叶。王風邱中有麻。首章將其來施。施與麻。嗟叶。小雅車攻六章。不失其馳。與駕。猗。破叶。大雅卷阿十章。亦同。小雅小弁六章。析薪柅矣。與倚。佗叶。禹聲。麻聲。差聲。加聲。奇聲。皮聲。它聲。皆歌

也。漢書劉向傳作大人聚也。釋文同。是又取與造聲近之證。造俗作慥。越絕書。越王慥然避位。禮記中庸。君子胡不慥慥爾。皆造之俗字也。慥又與縮通。儀禮大射禮。鄉射禮注。古文縮皆爲慥。春秋衛大夫孫林父封邑。左傳作戚。史記衛世家。吳世家皆作宿。呂氏春秋遇合篇。縮額而食之。縮額卽孟子之慥額也。戚又與蹴通。新序作靈公蹴然易容。

賣單善廩且丹字通

周禮大司馬。暴內陵外則壇之。注。壇讀如同壇之壇。鄭司農云。壇讀從憚之以威之憚。儀禮士冠禮。嘉賣時。注。古文賣爲瘰。史記鄭世家。厲公突因櫟人殺其大夫單伯。左傳作檀伯。呂氏春秋具備篇。宓子賤治賣父。淮南秦族訓。密子治賣父。呂覽察賢篇。說苑政理篇。又作治單父。漢書地理志。山陽郡有賣父。書盤庚。誕告用賣。釋文。馬本賣作單。此賣單相通之證。周禮載師。以廩里任國中之地。注。故書廩或作壇。鄭司農云。壇讀爲廩。說文。鶴。籀文作鷓。此廩賣相通之證。周禮廩人。凡珍異之有滯者。注。故書滯或作廩。泉府。貨之滯於民用者。注。故書滯爲瘰。此廩單相通之證。儀禮既夕記。載廩。注。古文廩爲膳。聘禮。使者載廩。注。古文廩皆爲膳。此賣善相通之證。攷工記。矢人。句兵欲無彈。注。故書彈或作但。說文引作憚。又矢人亦弗之能憚矣。注。故書憚或作但。史記呂后紀。爲劉氏左袒。袒卽但。賈誼傳。非賣倒垂而已。賣卽但。詩鄭風大叔于田。禮裼暴虎。孟子公孫丑篇。作袒裼。此賣且相通之證。說文。重文作旃。漢書王吉傳。細旃之上旃。卽氈。此賣丹相通之證。漢書王莽傳。強立以爲須卜善于後安公。師古曰。善于者。匈奴之號也。善于卽單。

于此善單相通之證。

虔虔

逸周書祭公解次予小子虔虔在位虔虔卽乾乾之異文。

炳燭編卷三

轉音相近

務讀如蒙。詩小雅常棣。兄弟閱于牆。外禦其務。每有良朋。烝也無戎。按此以務叶戎。務从攷。攷又从矛。與蒙通。或疑誼當從左傳作禦侮。不知侮从每聲。每聲之敏與蒙亦相通。

申讀如司。史記留侯世家。以良爲韓申徒。集解徐廣曰。卽司徒耳。

泥讀如甯。續漢書郡國志。方與縣名有泥母亭。或曰古甯母。公羊作甯母。

勒讀如期。禮記射義。施期稱道不亂者。注。施期。或作施勤。

貉讀如禡。周禮句祝。表貉之祝號。杜子春讀貉爲百爾所思之百。書亦或爲禡。大司馬有司表貉。鄭司

農讀爲禡。書亦或爲禡。詩大雅皇矣。是類是禡。

龍讀如遊。楚辭天問篇。焉有虬龍。負熊以遊。此與蹶融之作。歷由。衡從之爲衡由同。

史讀如容。漢書古今人表。鬼史區。師古曰。卽鬼容區也。史容聲相近。漢書藝文志。鬼容區三篇。師古曰。

卽鬼史區也。衡山王賜傳。日夜縱史王謀反事。如淳曰。史讀曰勇。

肥讀如賁。說文。肥。重文作贖。漢書地理志。東海郡襄贛。應劭曰。賁音肥。史記黥布傳。賁赫。徐廣曰。賁音

肥。

禫讀爲導。儀禮士虞禮注。禫。古文或爲導。禮記檀弓。喪大記注。禫。或作道。說文谷部。函下。木部。棧下。穴部。突下。俱云。讀若三年導服之導。

東冬與陽庚通

呂氏春秋執一覽。變化應求。而皆有章。因性任物。而莫不宜當。彭祖以壽。三代以昌。五帝以昭。神農以鴻。鴻與章。當昌韻。淮南時則訓。繩之爲度也。直而不爭。備而不窮。久而不弊。遠而不忘。與天合德。與神合明。所顯則得。所惡則亡。自古及今。不可移匡。厥德孔密。廣大以容。是故上帝以爲物宗。以窮容。宗與忘。明亡匡韻。又精神訓。以死生爲一化。以萬物爲一方。同精於太清之本。而游於忽區之旁。有精而不使。有神而不行。契大渾之樸。而立至清之中。中與方。旁行韻。此毛詩。易傳之所無。而後世合東冬於陽庚者。所藉口也。

冬與清通

左傳。晉大夫伯宗。殺梁作伯尊。大戴禮禮三本篇。宗。事先祖而寵君師。史記禮書作尊。先祖而隆君師。太元進測。以進不中。君道隆。制于尊。讀尊爲宗。與中隆韻。

之支與歌戈通

左襄二十九年傳。欲之而言叛。祇見疏也。服虔本作祇。杜本作多。正義曰。古人多祇同音。論語。多見其不知量也。

微與文通

听从斤聲。說文讀若希。左成十三年傳。公子欣時。公羊昭二十年傳。作公子喜時。漢書古今人表。作劓時。禮記樂記。天地訢合。注。訢讀爲熹。六書音均表。斤聲在十三部。希聲在十五部。喜聲在一部。似與古音不合。

齊皆與真諄通

大戴禮五帝德篇。黃帝幼而慧齊。史記五帝本紀。作幼而徇齊。大戴禮作叡。一本作慧齊。索隱曰。古字假借。素問上古天真論。昔在黃帝。幼而徇齊。禮記中庸。爲能聰明睿知。足以有臨也。史記趙世家。中國者聰明徇智之所居也。國策作聰明睿知。按說文。叡部。叡。深明也。通也。从収。从目。从谷。省。以芮切。古文作容。籀文作齷。谷部。容。深通川也。从白。谷。虞書曰。容。畎澮。鉅川。私閏切。或作濬。古文作濬。口部。谷。山間陷泥地。讀若沈州。以轉切。古文作容。廣芸謂容。容。叡。濬。濬一字數體。許氏分入三部。疏矣。谷下文古文作容。更復重出。恐係後人殺亂。當以私潤切爲正音。故與徇通轉。而爲以芮切耳。叡亦當有濬音。故走部趨字。讀若糰也。

齊與先仙通

爾雅釋地。北陵西俞。史記趙世家。反壘分先俞於趙。集解。徐廣曰。爾雅西俞。雁門是。正義曰。西。先聲相近。孟子。西子蒙不潔。趙注。西子古之好女。西施也。戰國策。魯仲連謂孟嘗君曰。君後室十妃。皆衣縞紵。食梁肉。豈毛鷹先施哉。文選枚乘七發。使先施。微舒。陽文。段干。漢書趙充國傳。先零。水經注。晉書阮种傳。宋書

鮮卑吐谷渾傳。魏書薛虎子傳俱作西零。

爾雅釋畜疏。魏時西卑獻千里馬。西卑卽鮮卑。

史記貨殖列傳。乃用范蠡計然集解。徐廣曰。計然名研。索隱曰。吳越春秋謂之計倪。倪之與研是一人聲相近而亂耳。廣芸案。此音相通轉也。莊子齊物論。和之以天倪。釋文。班固云天研。

真與庚清通

荀子末篇。孫卿迫於亂世。縮於嚴刑。上無賢主。下遇暴秦。禮義不行。教化不成。仁者緇約。天下冥冥。行全刺之。諸侯大傾。按刑成。冥傾皆清青韻字。獨秦字爲真韻字。此與易乾象傳以元天刑成。天淵韻。坤象傳以元生天韻。革象傳以信正韻。成命人韻一例。

桓寒與歌戈通

說文。萑。讀若和。書。禹貢。和夷底績。鄭康成讀和爲桓。漢書尹賞傳。瘞寺門桓東。如淳曰。縣所治夾兩邊各一桓。陳宋之俗言桓聲如和。

周禮大宗伯。小宗伯注。果讀爲裸。大行人注。故書裸作果。鄭司農讀裸爲灌。攷工記玉人注。裸或作深。或作果。說文。裸。灌祭也。从前果聲。

史記夏本紀。索隱云。斟戈氏。左傳。系本皆云斟灌氏。

羅。今讀徒何切。然字从單聲。詩魯頌。駟有騶。爾雅釋畜。青驪驪。亦當讀如羅。

詩四牡。嘒嘒駉馬。說文作彥彥。史記高祖功臣侯者表。縹子紹封鄂。如淳引關駉音多。漢書地理志。沛郡
鄆縣。孟康音多。

周禮占夢。遂令始難。毆疫。注。故書難或爲難。杜子春讀爲難。問之難。其字當作難。禮記月令。命國難。天子
乃難。命有司大難。論語。呂覽。淮南子皆作難。釋文。難。咸乃多反。劉依杜乃旦反。

番。从采聲。史記六國年表。秦拔我鄆。吾索隱云。音婆。又音盤。伍子胥傳。闔閭使太子夫差將兵伐楚。取番。
集解。音普寒反。又音婆。索隱曰。蓋鄆陽也。

漢書地理志。魯國蕃縣。應劭曰。音皮。按古讀皮如婆。儀禮大射儀。兩壺獻酒。注。獻讀爲沙。周禮司尊彝。用
兩獻尊。鄭司農讀獻爲犧。又鬱齊獻酌。注。鄭司農讀爲儀。

詩小雅桑扈。受福不郇。說文引作不儺。儺。从難聲。寒桓韻也。郇。从扌聲。侵覃韻也。

蒸登與庚清通

左傳。敬嬴。公羊。穀梁皆作頃熊。列子。湯問篇。甘蠅。古之善射者。戰國策。作更羸。虛發而鳥下。是熊蠅可借
羸也。管子。牧民篇。見其可也。喜之有徵。見其不可也。惡之有刑。徵刑韻。

尤幽與侵覃通

呂覽。貴直篇。狐援曰。殷之鼎。陳於周之廷。其社蓋於周之屏。其干戚之音。在人之游。又云。其無使齊之大
呂陳之廷。無使太公之社。蓋之屏。無使齊音充人之游。此廷與屏韻。音與游韻。攷古游字。每與沈字。潭字

通如荀子勸學篇流魚出聽大戴禮作沈論衡率性篇作潭韓詩外傳作潛淮南子注作淫說文作鯁一也游轉音爲淫與音字叶儀禮士虞禮中月而禱鄭注禱讀爲導古文禱或爲導說文三言讀若三年導服之導史記禮書函及士大夫大戴禮禮三本函作導游流導尤幽韻字淫覃音核侵覃韻字

東冬鍾江有入聲

東冬鍾江一類顧炎武謂無入聲非也案說文櫛重文作讀易蒙董蒙馬融云董猶獨也爾雅釋詁董督正也董獨董督皆雙聲左傳卜不襲吉襲訓重莊子緣督以爲經司馬彪訓督爲中詩頌烈祖嚴格無言禮記中庸引作奏格奏轉爲族周禮大司馬三鼓攬鐸鄭司農讀攬如弄左傳齊之丙歌水經注作丙戎弔从豕聲豈音苦江切古讀爲工而從𠂔之聲音苦角切餘如穀穀穀穀穀穀穀穀穀穀之類又皆从𠂔聲而生也充从育省聲容从谷古讀如浴聲蓋東冬鍾江之入聲也

佳皆哈三韻古音

廣韻佳皆哈三韻之字古音本斂後乃轉而侈耳何以明之如台古音如怡凡胎哀息殆等音皆當讀如怡或如怡之上去二聲台本從目聲論語多見闕殆與悔字韻荀子榮辱篇巨塗則讓小塗則殆雖欲不謹若云不使殆與使韻也開古音近欺或作闔論衡偶會篇二龍之馭當效周厲適闔櫛奇怪篇禹离逆生闔母背而出開从开聲闔从豈聲也哀古音近衣孝經哭不哀說文引作恹許君所據古文也來古音如釐詩頌思文貽我來牟漢書劉向傳引作怡我益姓儀禮少牢饋食禮來女孝孫注來讀如釐釐賜也

史記陳杞世家，平公饗，索隱曰：一作郁釐。謹周云：名鬱來。又攷說苑政理篇：尊天效鬼，則日月當時，善爲刑罰，則聖人自來，尚賢使能，則官府治。時來，治皆韻也。依災、災、裁、哉，古皆讀如濫。蓄、溜也。禮記中庸：故栽者培之，注：栽或爲茲。說苑正諫篇：枚乘曰：福生有基，禍生有胎，納其基，絕其胎，禍何從來哉。此胎讀怡。哉讀蓄。故與基韻。廣韻則截然兩部矣。它如賁讀理，書甘誓：予其大賁女。史記股本紀作大理女。詩大雅既醉：釐爾女士。毛傳云：釐，賜也。正義以爲出釋詁。今本爾雅釐作賁。公羊傳：登來之。禮記大學鄭注引作登戾之。六書音均表：來聲在第一都之咍類。戾聲在第十五部脂微齊皆灰類。亥古音如己。詩魏風陟岵：陟彼屺兮。毛傳云：山有草木曰屺。說文云：屺，無艸木也。爾雅釋山：作無艸木岵。是亥與己聲相近也。岵字說文無。亥讀如箕。易明夷：箕子之明夷。釋文：劉向云：今易箕子作亥。滋。漢書儒林傳：趙賓以爲箕子明夷。陰陽氣亡，箕子，箕子者，萬物亥滋也。史記律書：箕者言萬物根。根，根即根亥也。漢書五行志：孕毓根核。師古曰：核，亦亥字也。論衡超奇篇：無根核之深。說文：趕，讀若小兒孩。賴之古音如厲。春秋昭四年：遂滅賴。公穀作厲。釋名：臺，持也。臺字當从屺聲。故與持近。古人讀臺如持也。戴之古音如載。載之古音如止。春秋僖公五年：會王世子于首止。公穀作首戴。凡此之類，皆古音也。

俛

俯，俗字也。說文作類，重文作俛。有無辯，方矩二切。玉篇：俛，俯俛也。說文音俯。低頭也。亦作類。是玉篇以勉音居前也。廣韻九變云：類，說文低頭也。太史公類仰字如此。俯上同。漢書又作俛。今音免。二十八緡，俛俯

俛案詩郡風谷風。黽勉求之。文選陸士衡文賦。李注引作僂。僂。攷工記。矢人前弱則僂。唐開成石經作勉。是僂仰之僂。可讀如勉。因得借勉爲僂。又按白虎通。十一月之時。陽氣冕仰。黃泉之下。萬物被施。前冕而後仰。冕仰卽僂仰。荀子非相篇。其冠纒。其纒禁緩。其容簡連。楊注。纒當爲僂。太向前而低俯也。據注釋爲俯。此三句有韻。當讀如免。蓋古書僂仰僂字。或借勉。或借冕。或借纒。可見本當讀無辨切。轉音爲方矩切耳。又有借免爲僂者。管子小問篇。由由乎茲免。何其君子也。茲免者。言其穗下垂而類也。錢詹事云。古免免本只一字。後來隸變。或省去一筆。其說最精。惟免免同物。斯免與俯聲近。而亦轉爲脫字。論衡道虛篇。再言免去皮膚。此借免爲脫也。免訓脫。見廣雅釋詁。廣韻二十八獮皆當作免。免脫雙聲。又按錢媿卽免身之免。而皆从免。玉篇亦以媿爲免。冤音於袁切。鞅於元。於阮二切。其重文作鞅。此類字皆从狐兔之免。而皆音近無辨切。蓋可知免與免之非二字矣。

薄

老子論德章。夫禮者忠信之薄。而亂之首。前識者道之華。而愚之始。是以大丈夫處其厚。不居其薄。處其實。不處其華。按薄與華韻。首與始韻。古讀華如專。公羊哀四年。蒲社吳穀梁。左氏皆作毫社。禮記郊特性。薄社北屬。釋文云。本又作毫。是蒲卽毫之證也。

晉

晉卽刃切。與進同。易曰。晉者進也。案說文。晉。从日。從彡。此徐鼎臣所改。當作从日。發聲。彡。从二。至。則从至。

聲可知。是以部字从邑。晉聲。讀卽移切。晉奇字作晉。晉亦从二子字。

辱

說苑敬慎篇。諺曰。誠無垢。思無辱。垢與辱韻。案轉音近。與肉好之肉一例。

駟

駟。說文从馬且聲。大徐子朗切。廣韻在上聲三十七蕩。非也。案墨子非命篇。上以說王公大人。下以駟百姓之從事。此借駟以爲阻。攷工記玉人。駟琮。釋文亦音祖。是駟字當以祖音爲正。

韞

呂氏春秋樂成篇。魯人驚誦之曰。庸裘而韞。投之無戾。韞而庸裘。投之無郵。二句一轉韻也。孔叢子陳士義篇。韞作苦。苦。說文作市。詩召南甘棠。蔽苦甘棠。作方味切。正與戾韻。韞與苦同物。冕服謂之苦。它服謂之韞。庸裘固宜苦。韞字古音亦不與戾叶。

菑

說文。苜音末。苜部。菑。目不明也。从苜从旬。旬。目數搖也。木空切。案此字廣韻莫中切。在一束。玉篇有莫登。莫中二切。而莫登切爲正音。應入登韻。其字當从目夢省聲。

折

禮記檀弓。吉事欲其折折爾。注。折折。安舒貌。詩云。好人提提。釋文。折。大兮反。案說文。斲。从斤斲艸。譚長說。

篆文作折从手於例當云从手斤聲斤聲故轉爲大兮反猶折圻等字之從斤聲道誓等字又从折聲也

涸

管子牧民篇持滿者與天安危者與人天與人韻也失天之度難滿必涸度與涸韻也上下不和難安必危和與危韻也涸从固聲轉入藥韻廣韻十暮不收禮部韻略暮部有涸字明故切

敏

敏在廣韻上聲十六軫眉殞切此轉音也敏从每聲每从母聲本音當無鄙切漢書敍傳不疑膚敏應變當理又云宣之四子淮南聽敏舅氏蓬除幾陷大理皆以敏韻理

斲

斲在廣韻入聲四覺竹角切案斲从斤盟聲今本無聲字必徐鼎臣所刪也設文鑿酒器也象酒器形此卽毛詩酌以大斗之斗斗爲借字盟爲正字既是象形盟字當爲建首鑿字金旁後儒所加宜爲重文也說文如鬪字从鬥斲聲斲字从見盟聲讀若兜皆一例老子制惑章夫代司殺者是謂代大匠斲夫代大匠斲者希有不傷手者矣斲與手韻呂氏春秋貴可篇故曰大匠不斲大庖不豆大勇不鬪大兵不寇淮南說林訓略同是斲之本音當與鬪同竹角切者其轉音也

愚

列子黃帝篇子其愚我也子其聾我也子其盲我也案愚聾盲三字皆韻愚讀魚容切盲讀若蒙韓詩外

傳。商容曰。吾嘗馮於馬。徒欲以伐紂而不能。愚也。不爭而隱。無勇也。愚且無勇。不足以備乎三公。愚。勇。公。皆韻也。

待

待。从彳。寺聲。古讀如恃。韓詩外傳。樹木欲茂。霜露不使。賢士欲成其名。二親不待。家貧親老。不擇官而仕。待。與使。仕韻。又云。夫樹欲靜而風不止。子欲養而親不待。待與止韻。是皆讀恃之證。廣韻在去聲十九代者。轉音也。

𧈧

廣韻。𧈧。苦堅切。又古奚切。呂氏春秋。季夏紀。腐艸化爲𧈧。高注。𧈧讀如蹊徑之蹊。淮南子。時則訓。同。說文。引明堂月令。腐艸爲𧈧。古讀𧈧如圭。圭聲。哇字。說文云。讀若醫。與蹊聲近。是假𧈧以爲𧈧也。𧈧。音古奚切。𧈧。音如圭。同在齊韻。𧈧。音苦堅切。𧈧。音古乎切。同在先韻。

祝

禮記樂記。封帝堯之後於祝。祝。或爲鑄。呂氏春秋。慎大覽。命封黃帝之後於鑄。周禮。瘍醫注。祝讀如注。病之注。淮南。倣真訓。冶工之鑄器。注。鑄讀如唾。祝之祝。按。祝本之六切。轉音如鑄。如注。今河南息縣人讀祝如朱。說文。罍。呼雞聲。之六切。而風俗通曰。呼雞。朱。朱。皆轉音也。

錄

漢書雋不疑傳。每行縣錄囚徒還。師古曰。省錄之。知情狀有寃滯與不。今云慮囚。按慮與錄一聲之轉。莊子天地篇。無落吾事。呂氏春秋長利篇。作無慮吾農事。落亦轉爲慮也。今京師人讀綠如慮。漢書百官表。諸侯王金璽。繡綬如淳曰。熬音戾。綠也。蓋亦與慮聲相近耳。

敵

淮南原道訓。故兵絕必滅。木絕則折。革固則裂。齒堅於舌。而先之敵。按滅折裂舌敵韻也。敵讀如蹇。

講

講字爲廣韻上聲之第三部。讀古項切。此轉音也。字从莠聲。正音當與媾。媾。觀。甯。構。造。溝等字同。韓非子內儲篇。韓王謂樓緩曰。寡人欲割河東而講。講字从言。又云。翟璜因請爲魏王構。字从木。戰國策。西講於秦。注當从媾。讀史記韓世家。將西購於秦。刺客傳。北購於單于。國策並作講。甘茂傳。栲里子與魏講罷兵。索隱曰。鄒氏云。講讀曰媾。此从言莠聲之字。宜以古候切爲正音。廣韻五十候不收。非也。隸釋載童子逢盛碑。才亞后秦。卽戰國秦策之項秦。是其例。講從莠聲。故又轉爲較。史記作顛。

臚

臚从虫朕聲。在廣韻十七登。臚蛇此正音也。詩小雅大田。去其螟臚。與賊韻。蓋借作蠓字。

龜

莊子逍遙遊篇。宋人有善爲不龜手之藥者。釋文。龜。愧悲反。徐舉倫反。李居危反。今吳人讀龜如居。因轉

爲舉倫反。然則龜字讀居追反，恐非古音。

契

老子任契章，有德司契，無德司微。按契，微韻也。契當讀入聲如挈。廣韻契在十六屑，微在十七辭，屑、辭通也。六書音均表·切聲契聲在第十五部術物迄月沒。葛未點歸辭韻·微字在第十二部質歸屑韻。

泛

泛在廣韻六十梵。史記呂后紀，自起泛孝惠后，索隱曰：泛，音捧。漢書食貨志，大命將泛。孟康音方勇反。是梵韻轉入宋送用絳韻也。

般

說文，月，歸也。於機切。禮記中庸，壹戎衣。鄭注，衣讀若般。齊人言般聲如衣。今姓有衣者，般之冑。康誥，禮戎般，卽壹戎衣也。呂氏春秋慎大覽，湯爲天子，夏民大說，視郭如夏。注，郭讀如衣。今兗州人謂般氏皆曰衣。白虎通，衣隱也。所以隱形。春秋季孫意如，公衣作隱。如莊子齊物論，大塊噫氣，釋文，噫，一音蔭，皆轉音也。意字亦當从心音聲。今說文爲大徐所刪。

丙

周禮太宰，以八柄詔王，馭羣臣。內史掌王之八枋之灋。八柄，八枋一也。儀禮士冠禮，加柎面枋。士昏禮，加勺皆南枋。注並云，今文枋作柄。春秋隱八年，鄭伯使宛來歸枋。公羊，穀梁二傳枋皆作郟。又隱九年，公會

齊侯于防。公羊防作郚。說文仿籀文作柄。是方丙同物。宜顧氏炎武唐韻正以丙爲其往切也。然從丙聲之字。後儒咸讀兵永反。而說文柄重文作棟。春秋郚意茲。史記齊世家作乘意茲。乘字不得讀爲其往切也。詩小雅大田。乘畀炎火。韓詩作卜畀炎火。又彼有遺乘。毛傳。乘謂之把。攷工記廬人。戈秘六尺有六寸。注。秘猶柄也。乘。把也。乘。卜也。皆雙聲也。雙聲乘柄。若讀其往切。則不得轉爲卜。轉爲把。轉爲秘矣。蓋丙字正音兵永切。轉音爲其往切。說文丙字从一入门。似當从日得聲。

令

令字。毛詩齊風東方未明與裳韻。盧令與仁韻。秦風車鄰與鄰顛韻。从令之零。衛風定之方中。與人田淵。千韻。荅。都風簡兮與榛人韻。唐風采芡與顛韻。是真臻韻。字與庚清韻叶也。然令字本音當在庚清韻。詩零雨其濛。說文作荅。爾雅釋詁。蓋落也。釋文云。或作荅。釋艸。蓋大苦。說文作荅。漢書李陵傳。衛律爲丁靈王。蘇武傳。其冬。丁令盜武牛羊。師古曰。令。音零。丁令卽上所云丁靈。說文。幹。司馬相如說作韞。六書音均表以令字本音當在眞臻韻似拘。

末

老子守微章。合抱之木。生於毫末。九層之臺。起於累土。千里之行。始於足下。按。末。土。下。皆韻也。末字當讀上聲如姆。而廣韻十姥不收。

易

漢書古今人表簡邊師古曰卽簡狄楚辭天問大戴禮帝繫皆作簡狄史記索隱引史舊本又作易淮南墜形訓又作簡翟左傳十七年傳公羊傳易牙賈子胎教大戴禮保傅法言問神論衡譴告自紀文選琴賦北齊書顏之推傳皆作狄牙按說文述古文作邊惕或作愁白虎通禮樂篇狄者易也意古人讀易如惕。

賁

賁卦之賁今皆讀作彼義切釋文賁李軌府發反傅氏云賁古斑字王肅符文反案份頒等字與斑音同而皆从分聲分轉音如斑斑轉音如賁然則賁卦賁字亦可讀博昆切也呂氏春秋壹行篇孔子卜易得賁曰不吉子貢曰夫賁亦好矣何謂不吉孔子曰夫白而白黑而黑又何好乎注賁色不純也說苑反質篇載此事則曰賁非正色也白當正白黑當正黑較呂覽文尤明顯蓋賁固色之不一者故亦讀爲斑所謂斑駁是也斑說文作辨从文辨聲又按賁戮奔等字皆从𠂔聲𠂔隸變作轉音爲博昆切如𠂔之爲𠂔匪之爲分衣之爲殷威之爲君也說文於鼓部戮天部弄皆云賁省聲疑徐鼎臣所改繫傳本皆作弁聲

者

荀子大略篇語曰流丸止於甌臬流言止於知者丸與言韻臬與者韻者讀如諸

背

向背之背蒲昧切在廣韻去聲十八隊後世作備古只作北說文北菴也从二人相背

報

周赧王之報。今皆讀奴板反。案說文。報。从赤。反聲。反。柔皮也。其音讀如僕。人扇切。見周本紀。案隱。此古音也。

益

太元增測。開貞增默。識內也。不增其方。徒飾外也。木止漸增。不可益也。要不克。可敗也。澤庵其容。謙虛大也。益讀去聲如隘。

叢

今在廣韻一東。徂紅切。他書或徂公切。或才公切。然非古音也。說文。叢。聚也。从艸。取聲。正音也。徂紅等切。轉音也。韓非揚權篇。主施其法。大虎將怯。主施其刑。大虎自甯。法刑狗信。虎化爲人。復反其真。欲爲其國。必伐其聚。不伐其聚。彼將聚衆。欲爲其地。必適其賜。不適其賜。亂人求益。後人不知。何以失此。讀。惜先秦。兩漢無協叢韻之文。可攷。然春秋僖三十三年。公伐邾。取訾婁。公羊作叢。可證。急言之爲叢。緩言之爲訾。婁。訾。婁。猶叢字之反切也。尙書叢。勝字。馬季長訓叢爲總。勝爲小。鄭司農訓叢爲總。聚總與徂公切相近。此其轉音之故歟。

實

廣韻在四質。神質切。非本音也。說文。實。富也。从宀。从貫。貫。貨貝也。先師錢少詹說。謂从貫聲。古正音讀如

滿轉爲神質切。易蒙象傳行不順也。與獨遠實也。順以巽也。上下順也。韻秦象傳皆失實也。與中心願也。中以行願也。其命亂也。韻此讀爲貫聲之確證。而轉爲神質。亦是古音。如以實訓日。不得讀如滿也。又如書秦誓。是能容之。禮記大學引作實能容之。儀禮覲禮。伯父實來。注。今文實作寔。此亦不得讀如滿也。

炳燭編卷四

荀子成相篇

荀子成相全篇用韻之文，計分五段，每段分章，第一段凡十三章，第二段凡九章，第三段凡十一章，第四段凡十一章，第五段凡十二章，章凡七句，首句次句皆三字爲韻，第三句四字不韻，第四句三字韻，第五句第六句皆四字不韻，第七句三字韻，謝塘校某本謂此篇通例兩三字句，一七字句，一四字句，又一七字句，誤也，又只分四段，亦誤也，每二十四字一易韻，或上一章與下一章偶然同韻，要亦各章各韻，謂願陳辭至何覺時四十五字中，以辭治災時韻，而不數先謀二字，尤誤也，今列於左而考之。

請成相

世之殃

愚闇愚闇

墮賢良

人主無賢

如瞽無相

何俛偃

如瞽無相，相字不入韻，人讀如時，猶實轉爲

請布基

慎聖人

愚而自專

事不治

主忌苟勝

羣臣莫諫

必逢災

人讀如時，振轉爲稽與紙。

論臣過

反其施

尊主安國

尙賢義

拒諫飾非

愚而上同

國必禍

曷謂罷

國多私

比周還主

黨與施

遠賢近讒

忠臣蔽塞

主執移

私微韻與歌戈韻叶，此戰國時音，與詩經韻不同，愛下民似當作下愛民，乃與上一句一例。

曷謂賢

明君臣

上能尊主

愛下民

主誠聽之

天下爲一

海內賓

如此章下十一字，斷不能謂四字一句，七字一句也，能讀奴來切，爲正音，本从呂聲音轉入蒸登韻，三

主之孽

讒人達

賢能遁逃

國乃歷

愚以重愚

關以重關

成爲桀

能讀奴來切，爲正音，本从呂聲音轉入蒸登韻，三

世之災

妒賢能

飛廉知政

任惡來

卑其志意

大其園囿

高其臺

能讀奴來切，爲正音，本从呂聲音轉入蒸登韻，三

合·也記天官書、漢書郊祀志皆作三能·卑其下十一字·然三句·不可作二句也·

武王怒 師牧野 紂卒易鄉 啓乃下 武王善之 封之於宋 立其祖

紂卒易鄉·啓乃下·釋其文義·不可爲一句·

世之良 讒人歸 比干見剖 箕子累 武王誅之 呂尙招麾 殷民懷

百里徒三字·亦不能連子胥四字爲一句·

世之禍 惡賢士 子胥見殺 百里徒 穆公任之 強配五伯 六卿施

連子胥四字爲一句·

世之愚 惡大儒 逆斥不通 孔子拘 展禽三絀 春申道緹 基畢輸

此之疑

請牧基 賢者施 堯在萬世 如見之 讒人罔極 險陂傾側 此之疑

由之下十一字亦顯然爲三句·

基必施 辨賢罷 文武之道 同伏戲 由之者治 不由者亂 何疑爲

此別爲一段·不

凡成相 辦法方 至治之極 復後王 慎墨季惠 百家之說 誠不詳

當上文相連·

治復一 修之吉 君子執之 心如結 衆人貳之 讒夫棄之 形是詰

衆人下十一字亦爲三句·

水至平 端不傾 心術如此 象聖人 而有執 直而用措 必參天

第四句本作仁人

世無王 窮賢良 暴人芻豢 仁糟糠 禮樂滅息 聖人隱伏 墨術行

糟糠·哲人字·

治之經 禮與刑 君子以修 百姓甯 明德慎罰 國家既治 四海平

治之志 後教富 君子誠之 好以待 處之敦固 有深藏之 能遠思

思乃精 志之榮 好而壹之 神以成 精神相反 一而不貳 爲聖人

治之道 美不老 君子由之 俊以好 下以教誨子弟 上以事祖考

此章字數相同·惟下以下十

成相竭 辭不廢 君子道之 順以達 宗其賢良 辨其殃孽

此章與三字·以韻攷之·辨其殃孽下闕二字·殃孽上闕一字·

請成相 道聖王 堯舜尚賢 身辭讓 許由善卷 重義輕利 行顯明

堯讓賢 以爲民 汜利兼愛 德施均 辨治上下 貴賤有等 明君臣

堯授能 舜遇時 尚賢推德 天下治 雖有賢聖 適不遇世 孰知之

能讀奴來切·

堯不德 舜不辭 妻以二女 任以事 大人哉舜 南面而立 萬物備

德讀如直去聲·古作惠·從心直聲·直亦有直吏切·

音值·廣韻收六下·

舜授禹 以天下 尚得推賢 不失序 外不避仇 內不阿親 賢者子

禹勞力 堯有德 干戈不用 三苗服 舉舜嚳臯 任之天下 身体息

禹勞下本衍心字·力與德韻·

得后稷 五穀殖 變爲樂正 鳥獸服 契爲司徒 民知孝弟 尊有德

禹有功 抑下鴻 辟除民害 逐其工 北決九河 通十二渚 疏三江

爲上闕一字·或爲輔輔上闕一字·

禹傅土 平天下 躬親爲民 行勞苦 得益皋陶 橫革直成 是成湯

契予王 生昭明 居于砥石 遷于商 十有四世 乃有天乙 基必張

道古賢聖上闕四字·或闕在下·

天乙湯 論舉當 身讓卞隨 舉牟光

道古賢聖

□□□ 顧陳辭 世亂惡善 不此治

鮮無災

患難哉 阪爲先 聖知不用 愚者謀 前車已覆 後未知更 何覺時

先讀爲先稍切·與哉謀時韻·此亦戰國時音·

不覺悟 不知苦 迷惑失指 易上下 中不上達 蒙掩耳目 塞門戶

門戶塞 大迷惑 悖亂昏莫 不終極 是非反易 比周欺上 惡正直

正直惡 心無度 邪枉辟回 失道途 已無郵人 我獨自美 豈無故

豈字下本有獨字。因上文獨字衍。

不知戒 後必有 恨後遂過 不肯悔 讒夫多進 反覆言語 生詐態

人之態 不如備 爭寵疾賢 利惡忌 妒功毀賢 下效黨與 上蔽匿

匿讀去聲。設文从匿之類。重文作呢。

上壅蔽 失輔執 任用讒夫 不能制 孰公長父 之難厲王 流於堯

之類之字疑有誤。

周幽厲 所以敗 不聽規諫 忠是害 嗟我何人 獨不遇時 當亂世

欲對衷 言不從 恐爲子胥 身離凶 進諫不聽 到而獨鹿 乘之江

首句衷字與從凶江韻。舊作欲衷對。注已誤。

觀往事 以自戒 治亂是非 亦可識 □□□ 託於成相 以喻意

託於成相上。闕四字。

請成相 言治方 君論有五 約以明 君謹守之 下皆平正 國乃昌

臣下職 莫游食 務本節用 財無極 事業聽上 莫得相使 一民力

守其職 足衣食 厚薄有等 明爵服 利往印上 莫得擅與 孰私得

君法明 論有常 表儀既設 民知方 進退有律 莫得貴賤 孰私王

君法儀 禁不爲 莫不說教 名不移 修之者榮 離之者辱 孰它師

古師字不與儀爲移叶。竊疑當作孰師它。它與儀爲

移叶。餘之下十。一字顯然三句。

刑稱陳 守其銀 下不得用 輕私門 罪禍有律 莫得輕重 威不分

請牧祺 明有基 主好論議 必善謀 五聽修領 莫不理續 主執持

聽之經 明其請 參伍明謹 施賞刑 顯者必得 隱者復顯 民反誠顯者下十一字明是三句

言有節 稽其實 信誕以分 賞罰必 下不欺上 皆以情言 明若日

上通利 隱遠至 觀法不法 見不視 耳目既顯 吏敬法令 莫敢恣

君教出 行有律 吏謹將之 無鉅滑 下不私請 各以宜各以宜宜字之上假

臣謹修 君制變 公察善思 論不亂 以治天下 後世法之 成律貫闕一字或闕在下

老子國字

老子德經修之於身其德乃真修之於家其德乃餘修之於鄉其德乃長修之於國其德乃豐此八句四易韻國本邦字與豐協又管子牧民篇毋曰不同生遠者不聽毋曰不同鄉遠者不行毋曰不同國遠者不從國亦邦字與從協也漢人避高祖諱改爲國後人不知更正沿之至今

呂覽斂字

呂氏春秋不屈篇入於門門中有斂陷注斂讀曰脅按斂脅聲甚遠疑斂之譌

說苑鳴字

說苑說叢篇蒲且修繳鳧雁悲鳴逢蒙撫弓虎豹晨噪河以委蛇故能遠山以陵遲故能高道以優游故

能化德以純厚故能豪凡四韻鳴字恐是號字之譌。

漢書地理志

京兆尹華陰。按宣帝紀本始元年注師古曰三輔郡皆有都尉如諸郡左輔都尉治高陵右輔都尉治鄠京輔都尉治華陰灌北地理志于左馮翊高陵曰左輔都尉治于右扶風鄠曰右輔都尉治是京兆尹華陰下當有京輔都尉治五字。

南陵沂水出藍田谷北至霸陵入霸水亦出藍田谷北入渭師古曰沂音先歷反

按水經澧水注澧水出南陵縣之藍田谷又引志云澧

水北至霸陵入澧水說文亦云澧水出京兆藍田谷入澧然則志沂字當作澧師古之音非也。

右扶風鄠鄠水出東南又有灃水皆北過上林苑入渭

按水經渭水注云灃水又北流注渭亦謂是水爲灃水也是灃水一名

灃水

弘農郡丹水水出上雒冢嶺山東至析入鈞師古曰鈞亦水名也音均

按水經丹水云丹水入于鈞鄭注亦作鈞

析音曰君按水經丹水注引作古亭

河東郡左邑音曰兆開喜故曲沃晉武公自晉陽徙此武帝元鼎六年行過更名應劭曰今曲沃也秦改爲左邑武帝於此開南越破改曰開喜

按水經涑水注引司

馬彪曰涑水出開喜縣故王莽以縣爲涑亭也又云漢書曰漢武帝元鼎六年將幸緄氏至左邑桐鄉開

南越破以爲開喜縣又云涑水又西南逕左邑縣故城南故曲沃也晉武公自晉陽徙此秦改爲左邑縣

春秋傳曰下國有宗廟謂之國在絳曰下國矣王莽之涑亭也漢書武帝紀亦稱將幸緄氏至左邑桐鄉

聞南越破目爲聞喜縣師古曰左邑河東之縣也桐鄉其鄉名也據此則左邑聞喜本爲一縣在春秋時爲晉之曲沃秦時改爲左邑至漢元鼎又析左邑之桐鄉置聞喜縣而王莽乃改左邑爲洮亭志於左邑下當云故曲沃也晉武公自晉陽徙此秦改爲左邑莽曰洮亭于聞喜當云故曲沃武帝元鼎六年行過更名應劭曰武帝于此聞南越破改曰聞喜始得其實今據水經注是正但酈以聞喜爲洮亭則亦微誤平陽應劭曰洮亭也按水經汾水注引應劭曰縣在平河之陽堯舜並都之也蓋舜都平陽古有其說故應劭用之今志注疑有脫文

襄陵有班氏鄉亭按班當爲犖字之誤也水經汾水注云汾水又南歷襄陵縣故城西晉大夫卻犖之邑也故其地有犖氏鄉亭矣俗本鄉語作香

河內郡州共故國應劭曰共伯入爲三公者也按河內郡屬縣十八今止十七傳寫者誤合州與共爲一也水經清水注云蔡溝水上承州縣北白馬溝東分謂之蔡溝水經又云沁水又東過周縣北酈注縣故周也春秋左傳隱公十有一年周以賜鄭公孫段六國時韓宣子徙居之有白馬溝水注之此卽河內之州縣也周古通經作周字故酈以縣故州也釋之傳寫者改注中州字作周則此注爲贅辭矣若所引左傳以昭公三年爲隱公十一年韓宣子爲六國人則酈氏之誤也水經注又云重門城在共縣故城西北二十里漢高帝八年封旅罷師爲共嚴侯國卽共和之故國也此卽河內之共縣也

河南郡偃師莽曰師成按水經穀水注云穀水又東逕偃師城南引志云王莽之所謂師氏者也與今本

漢志異。

潁川郡秦置。高帝五年爲韓國。六年復故。

按水經潁水注云潁川郡漢高帝二年以爲韓國。攷諸高帝紀二年使韓太尉

韓信擊韓。韓王鄭昌降。十一月立韓太尉信爲韓王。信傳亦同。然則志中五年當作二年。

汝南郡博陽莽曰樂家。

按水經潁水注作樂嘉。

廬江郡雩婁決水北至廬入淮。又有灌水。亦北至廬入決。

按說文灌水出廬江雩婁北入淮。志稱灌亦北至廬入決。決字恐

是淮字之譌。其曰亦者承上決水入淮言之也。水經決水注引地理志曰決水北注注疑當作至。廬入灌。灌水

於廬亦入決。與今本不同。要之廬者爲淮水所逕之地。決於此注灌。灌亦於此注淮。決既注淮。則決爲淮

矣。故謂灌入決可也。卽謂灌入淮亦可。漢志說文水經注三書雖異。然於水道並不乖背。

山陽郡平樂淮水東北至沛入泗。

按水經泗水注引志云平樂侯國也。泡水所出。又引志云泡水自平樂縣東北

至沛入泗。說文亦云泡水出山陽平樂東北入泗。然則今志譌泡爲淮。譌沛爲沛矣。

濟陰郡稅。按說文广部有廐字。許君曰从广秝聲。沛陰有廐縣。今志作从禾从宅。譌也。說文無稅字。

濟南郡陽丘。按王子侯表有楊丘共侯安。作楊丘。

泰山郡剛故剛。應劭曰春秋秋取郡及剛。今剛亭是也。

按哀公春秋八年夏齊人取謹及剛。應注不當刪去齊人。又譌夏爲

秋。此傳寫脫誤也。水經汶水注引志云應劭曰春秋經書齊人取謹及剛亭是也。可知應注本作春秋經書齊人取謹及剛亭是也。鄭氏所引亦必如是。但水經譌脫更甚。故取謹及下又闕剛今二字矣。

車。故國。應劭曰。附庸也。師古曰。春秋桓十五年。卒人來朝。卽此也。

按水經汶水注云。牟縣。古牟國也。春秋時。牟人朝魯。故應劭曰。魯

附庸也。然則志附庸也。上脫一魯字。

琅邪郡靈門。靈山。沂水所出。東北入淮。按水經濰水注引志作入濰。志譌。

柎。根艾水東入海。按水經膠水注引志云。瑯邪有柎縣。柎艾水出焉。東入海。志譌。柎艾爲根艾。而又有脫文。

橫。故山。久台水所出。東南至東武入淮。按水經濰水注引志作入濰。志譌。

箕。高箕。維水北至昌都入海。按昌都當作都昌。

東海郡容丘。泗水東南至下邳入泗。按水經泗水注作桐水。

臨淮郡下相。應劭曰。相水出沛國。故加下。按此注文義不明。京兆尹下邳。應劭曰。秦武公伐邾戎。置有上邳。故加河

東郡下北屈。應劭曰。有南故稱北。東郡東阿。應劭曰。有西故稱東。陳留郡外黃。張晏曰。魏郡有內黃。故加

外。鉅鹿郡下曲陽。師古曰。常山有上曲陽。故此云下。東海郡下邳。臣瓚曰。有上邳。故曰下邳也。雲中郡北

與。關驪云。廣陵有輿。故此加北。甯川國東安平。關驪云。博陵有安平。故此加東。此當云下相水所出。沛國

有相縣。故此加下。斯與他處一例矣。水經睢水注云。睢水又東南流。逕下相縣。故城南。應劭曰。下相水出

沛國相縣。故此加下也。據此足以取證。但鄭注沛國之下。似脫一有字。

蜀郡青衣。萬貢。蒙山。大渡水東南至南安入漢。師古曰。漢音說。汶江。漢水出徼外。南至南安東入江。按說文云。汶水出蜀汶江徼外。東南入江。从

水我聲。錢詹事據說文以改漢志。江聲據漢志以改說文。攷水經江水注云。蒙水卽大渡水也。水發蒙谿。

東南流與澁水合。水出微外。逕汶江道。呂忱曰。澁水出蜀。許慎以爲澁水也。从水我聲。與今本說文同。師古承譌而音之。非也。至戴侗六書故。澁澁兩收。尤謬。

澁爲郡符。澁水南至潯入澁。按說文曰。溫水出澁爲潯。南入黔水。澁爲無潯縣。乃符字之譌。對與黔同聲假借。班

許合也。水經延江水注。亦云溫水一曰煥水。出澁爲符縣。

隴西郡。應劭曰。有隴坻在其西也。師古曰。此郡在隴之西。故曰隴西。按郡旣在隴之西。則隴當在郡之東矣。烏得云有隴坻在其西哉。

西者東之譌也。水經河水注。引應說曰。有隴坻在其東。故曰隴西。

西。按水經漾水注云。西漢水又西南逕宕備戍南。右則鹽官水入焉。水北有鹽官。在蟠冢西五十許里。

故地理志云。西縣有鹽官。是也。按今志無鹽官。文脫。

代郡平舒。郗夷水北至桑乾入沽。按水經灤水注云。郗夷水又北逕桑乾故城東。而北流注於灤水。地理志云。郗夷

水出平舒縣。北至桑乾入灤。是也。據此則今志入沽。沽字乃灤字之譌。

上谷郡軍都。灤餘水東至潯南入沽。按水經灤餘水注。引志云。灤餘水自軍都縣東至潯南入沽。疑今志注有譌。

漁陽郡。順曰北。秦曰得。路。秦曰通。按水經鮑邱水注云。漁陽。秦始皇二十二年置。王莽更名

通潯。縣曰得漁。又云潯縣。王莽之通路亭也。與志異。

白檀。澁水出北蠻夷。師古曰。澁音呼。鵠反。按水經注有濡水。酈引志云。濡水出縣北蠻夷中。據此則澁字當作濡。幽州有

兩濡水。一出故安。一出白檀。

右北平郡石成。按水經遼水注引作石城。

遼西郡肥如。應劭曰：肥子奔燕。燕封於此也。

按水經濡水注引應劭曰：晉滅肥。肥子奔燕。燕封於此。今志注脫晉滅肥

字。

交趾郡蒼冷縣。其字从米从鹿。卽麋鹿字而倒之。師古音麋。容祥。柯郡西隨縣。麋水西受徼外。東至麋伶。入尙龍谿。都夢縣。壺水東南至麋伶。入尙龍谿。益州郡來唯縣。勞水出徼外。東至麋伶。入南海。其麋冷麋字。又从麻从米。水經及注則又作糜字矣。要之皆傳寫之誤也。說文米部有羗字。云：潰米也。疑是潰米之誤。从米尼聲。交趾有蒼冷縣。班在許前。其書必作羗字。乃一誤而羗。再誤而爲糜。糜矣。

廣平國。

武帝征和二年。置爲平于國。宣帝五年。廢。二年。復故。莽曰富昌。屬冀州。

按此文有脫誤。攷廣平本趙國。秦爲鉅鹿郡。漢景帝中元年。

改名廣平。武帝征和二年。以封趙敬肅王子偃爲平于王國。宣帝五鳳二年。偃子繆王元坐殺謁者。會薨。不得代。國除。復爲廣平郡。至哀帝建平三年正月。又封廣德夷王之弟廣漢爲廣平王。據此則當云故趙。秦置鉅鹿郡。景帝中元年更爲廣平郡。武帝征和二年置爲平于國。宣帝五鳳二年復爲廣平郡。哀帝建平三年更爲國。始爲詳。平于之廢置沿革。見於武帝紀及諸侯王表。景十三王傳。廣平王之封。亦見諸侯王表。景十三王傳。哀帝紀。而廣平之爲秦鉅鹿。見水經濁漳水注。惟鄴注云。征和三年。封趙敬肅王子爲廣平侯國。則誤以二爲三。以平于爲廣平。以王爲侯。其攷據疎矣。諸侯王表。景十三王傳。俱作平于。志作平于。譌也。酷吏傳。王溫舒曾爲廣平都尉。當在未建平于之前。若班稱以西河屬國都尉遷廣平相。

此廣漢出封之後也。功臣表。辭歐封廣平侯。景帝時。侯澤有罪免。則又臨淮郡之廣平也。

留川國劇。應劭曰。故肥國。今肥亭是。

按。水經巨洋水注云。劇縣古紀國也。春秋莊公四年。紀侯不能下齊。以與弟

季。大去其國。遠齊難也。後改曰劇。據此。則應注二肥字。俱當作紀。留川國尚有東安平縣。注孟康曰。紀季以鄆入于齊。今鄆亭是也。

魯國蕃。應劭曰。蕃國也。

按。水經泗水注云。蕃縣。應劭曰。縣古小邾邑也。攷志。魯國有驕縣。班云。故邾國曹姓。邾

地小。不得跨二縣境。則蕃爲小邾無疑。志自脫小字耳。其稱邑者。或鄆氏之誤也。

長沙國臨湘。應劭曰。臨湘。水經湘水注作撫陸。

按。水經湘水注作撫陸。

收鄆。按。長沙國屬縣十三。今止十二。傳寫者誤合收與鄆爲一也。收當爲攸。桂陽郡未陽縣。春水所出。北至鄆。入湖。水經云。湘水又東北過鄆縣。西承水從東南來注之。鄆注云。武水至重安縣。注於承水。至湘東臨承縣。北東注於湘。臨承卽故鄆縣也。又云。耒水又北過鄆縣。東說文。鄆。長沙縣。此鄆爲一縣之證也。又云。沅水西北過攸縣。南鄆注云。漢武帝元朔四年。封長沙定王子。則爲攸與侯。卽地理志所謂攸縣者也。此攸爲一縣之證也。

承陽。應劭曰。承水之陽。

按。志引應說在某水之陽者甚多。此必曰在承水之陽。傳寫脫去耳。

漢書曹窋行御史大夫誤

漢書高后紀。平陽侯窋行御史大夫事。按。此班氏措語之誤。當云。御史大夫平陽侯窋也。蓋如趙廣漢以

京輔都尉行京兆事。韓安國以御史大夫行丞相事。任宏以執金吾守大鴻臚少府忠行廷尉事之等。此以它官暫攝。未經正授之語。若曹窋者。據本傳及公卿表。皆言窋爲御史大夫。不云行大夫事。又任敖傳云。初任敖免。平陽侯曹窋代敖爲御史大夫。高后崩。與大臣共誅諸呂。後坐事免。以淮南相張蒼爲御史大夫。可見窋眞授大夫。非以列侯行大夫事也。

舊唐書順宗紀誤

舊唐書順宗紀。永貞元年八月壬寅。貶右前作左散騎常侍王伾爲開州司馬。丁曆傳翰林學士承旨壁記作司戶。誤。前戶部侍郎度支鹽鐵轉運使王叔文爲開州司戶。按是年二月壬寅。王叔文以前司功爲翰林待詔。爲起居舍人。充翰林學士。三月戊子。爲度支鹽鐵轉運使副。五月辛卯。遷爲戶部侍郎。皆依前充翰林學士。而以戶部侍郎潘孟陽爲度支鹽鐵轉運使副。而叔文旋丁憂。其貶也。以前戶部侍郎貶。非以度支鹽鐵使副貶也。此史所不照處。

鄭綱傳駁文

唐時翰林院學士無單稱翰林者。以在翰林待詔之人非止學士也。是以史書或云召爲翰林學士。或云召入翰林爲學士。或云召充翰林學士。以其立言當如此也。惟鄭綱傳云。無幾擢爲翰林。此史之不檢。所謂駁文也。又云。綱子祇德。祇德子顥。登進士第。結綬宏文館校書。結綬二字。乃當時誌傳儷體之文。史家仍而未改。亦非體也。舊唐書屢用之。而於此傳最不稱。攷司馬溫公資治通鑑。祇德爲江西觀察使時。嘗

以其子顯尙主通顯，固求散地，改太子賓客分司。鄭顯以戶部侍郎判戶部，而營求作相甚切。祇德子之書曰：開汝已判戶部，是吾必死之年。又聞欲求宰相，是吾必死之日。顯懼，累表辭劇務，改祕書監。祇德後又爲浙東觀察使，裘甫亂，不能平，徵爲太子賓客。此皆見於通鑑，而史不之及。其新書鄭綱傳，并不見祇德之名，僅於世系表載之。云：祇德兵部尙書。據通鑑所載，祇德之謹畏，顯之改過，在唐人中皆可稱也。

新唐書杜審權傳誤

新唐書杜審權傳，審權清重寡言，性長厚，居翰林最久，終不漏禁中近語。在方鎮，按丁居晦學士承旨壁記，審權以大中十二年入翰林充學士，十三年卽拜相。于宣宗朝，諸學士中最不久，傳語不謬。

韋表微傳誤

新唐書韋表微傳，俄爲翰林學士，是時李紳忤宰相，貶端州，龐嚴、蔣防皆謫去，學士缺，人人爭薦宰相所善者。表微獨薦韋處厚，人服其公。進知制誥，後與處厚議增選學士，復薦路隋。處厚以諸父事表微，因曰：隋位崇，入且居翁右，奈何。按韋表微以長慶二年壬寅二月充內職，而處厚先於元和十五年庚子二月入路隋，又與處厚同日充內職。至李紳以三年癸卯二月出院，蔣防、龐嚴之貶，更在四年甲辰二月。此大誤也。

權文公集序楊嗣復結銜

近年都下公卿新刊唐權文公集，簡首有楊嗣復序，結銜題銀青光祿大夫充集賢殿大學士。案此展轉

刪削不全之銜，最可笑者也。唐宋人題銜，階官勳爵邑賜，無不備列。攷兩書志，開元十三年，改麗正修書院爲集賢殿書院，宰相一人爲學士，知院事。至德二年，置大學士。又云，唐學士宏文、集賢分隸中書門下省。蓋此二學士無品秩，而門下相例領宏文，中書例領集賢，此一定之制。新書宰相表，嗣復於開成三年正月，以戶部尚書諸道鹽鐵轉運使除同中書門下平章事。九月，爲中書侍郎。此其後來所以充集賢殿大學士也。蓋初相亦不遽兼大學士。唐表可攷。據唐大詔令載，嗣復拜相制，前云，正議大夫守戶部尚書上柱國宏農郡開國伯食邑七百戶賜紫金魚袋。後云，可守本官同中書門下平章事。勳賜如故。蓋正議階正四品上，故金紫必賜而後服。迨晉銀青階從三品，或在晉中書侍郎時，而旋充集賢殿大學士，但傳表均無可攷矣。嗣後進門下侍郎，在四年。舊傳謂嗣復拜相後，晉階金紫。庸或有之，謂拜相後始封宏農伯，則亦誤。

唐大詔令伐默啜制誤

唐大詔令有景龍四年五月十五日命呂休璟等北伐制。蓋伐突厥默啜制，中有金山道行軍大總管右武衛大將軍攝右臺大夫同中書門下三品上柱國韓國公張仁贖銜名。攷之舊唐書，張仁贖仁贖卽傳神龍二年，拜左屯衛大將軍。三年，攝御史大夫，伐沙吒忠義，爲朔方軍總管。景龍二年，拜左衛大將軍，同中書門下三品。累封韓國公。春，還朝。秋，復督軍備邊，尋加鎮軍將軍。睿宗卽位，以老致仕。又攷中宗紀，神龍二年十二月，突厥默啜寇靈州鳴沙縣。靈武軍大總管沙吒忠義逆擊之，敗績，死者三萬人。三年正月，

以默啜寇邊募猛士武藝超絕者各令自舉內外羣官各進破突厥之策五月左屯衛大將軍兼檢校路州長史張仁亶爲朔州大總管以備突厥九月改元景龍景龍元年即神龍元年次年三月朔方道大總管張仁亶築受降城于河上七月左屯衛大將軍攝右御史大夫臺朔方道行臺常是行大總管韓國公張仁亶同中書門下三品三年八月上親送朔方軍總管韓國公張仁亶於通化門外製序賦詩至四年五月紀無遣將北伐之事通鑑大略相同其六月中宗被鴆矣豈草制後不果行歟又仁亶未嘗爲金山道行軍大總管當是朔方道因制中有金山道行軍大總管北庭副都護敦虔謹因而致誤耳

金石萃編苻璘碑跋誤

王氏昶金石萃編苻璘碑跋謂柳公權傳有遷諫議大夫之文而書碑結銜稱朝議大夫碑傳不同按王說非也諫議大夫者職事官屬門下省朝議大夫者散官正第五品下階亦曰階官二者迥然不同不可溷而一之也按誠懸書苻璘碑時結銜稱朝議大夫守尚書工部侍郎在後之書也書馮宿碑時結銜稱朝議大夫守諫議大夫在前之書也其不同如是誠懸以開成二年四月由中書舍人改諫議大夫三年九月遷工部侍郎加承旨後會昌元年書元祕塔碑結銜稱正議大夫守散騎常侍充集賢殿學士兼判院事正議大夫者亦階官正第四品上階也

關中金石記馮宿碑跋誤

畢氏沅關中金石記馮宿碑跋謂馮宿官終吏部非也按宿終于劍南東川節度副大使之任副大使者

唐制諸王拜節度大使者不之鎮而以副大使知節度事宿階至銀青光祿大夫官至檢校禮部尚書御史大夫勳至上柱國爵至長樂縣開國公食邑一千五百戶而節度副大使爲差遣若吏部尚書則其贈官生時未任此官也。

潛研堂金石文字跋尾誤字

錢詹事曹全碑跋尾云予以四分術推之是歲入庚子葭四十年積月五百有七閏餘三積日十萬四千九百七十二小餘一百三十三天正壬申朔庶芸按閏餘三當作閏餘二積日十萬四千當作積日一萬四千此寫者之誤非推者之誤也何以明之置章月二百三十五乘四十一九千六百三十五又以章法十九除之得五百零七爲積月餘閏二也非三以葭日二萬七千七百五十九乘積月得一千四百零七萬三千八百一十三又以葭月九百四十除之得一萬四千九百七十二爲積日非十不盡一百三十二爲小餘又以六十除積日得數棄之不盡三十二爲大餘數從庚子起算外得天正壬申朔又唐虞公溫彥博碑跋尾云歐陽信本借逸爲速此卻不然率更作速字只是一直短耳其作彳不作亠猶今人寫隸字作彳也。

宋高宗孝宗生日誤

宋高宗以徽宗大觀元年五月乙巳生宮中卽位後以五月廿一日爲天申節按是年四月丁巳朔小建五月丙戌朔則乙巳乃廿日非廿一日也宋史紀高宗以建炎元年五月庚寅朔卽位癸卯天申節罷百

官上壽。夫朔日庚寅，則癸卯乃十四日，非廿日。廿日是己酉，此誤。又孝宗隆興元年，以十月戊寅爲會慶節，是戊午朔，則戊寅乃廿一日，非廿二日，而會慶節之爲廿二日，見周益公年譜。

宋瀛國公生日誤

宋瀛國公以度宗咸淳六年九月二十八日生，是年八月、十月皆戊辰朔，則九月當是戊戌朔，二十八日爲乙丑。宋史本紀作己丑，誤。

甯化縣李忠定公祠石刻

嘉慶十八年十月廿有八日，行縣過甯化。邑人伊秉綬偕至南郊謁宋李忠定祠，祠東壁有石刻云：不愁芒屨長南滿，滿願靈旗助北征。酌徹一椀揩淚眼，烟雲何處是三京。跋云：舊歲新皇光嗣寶祿，予被命拜相，獻恢復中原之策，上不採用。兩閱月，予以觀文殿學士出知潭州，今改洪州，復又改福州，自洪抵吉，贛來福道甯化，行倦憩草倉祠下，因拜神，坐閒思憶二帝有感，作一絕寫懷，兼寓行蹤云。時大宋紹興二年壬子夏五月吉日，金紫光祿大夫平章政事樞川李某書。廣芸讀而疑之，既旋郡，檢宋史及公弟綸所撰公行狀攷之，乃知其果僞也。爰爲之辨曰：公以建炎元年丁未六月一日除正議大夫尚書右僕射，兼中書侍郎，封隴西郡開國公。六日轉正奉大夫，進封開國公，兼充御營使。八月五日轉銀青光祿大夫尚書右僕射，兼門下侍郎，是公拜相誠然在高宗卽位之初，但至紹興二年已閱六載，似未可以爲舊歲也。八月十八日公罷相，計在政地七十餘日，亦不止兩閱月。公既罷相，除觀文殿大學士，提舉杭州洞霄宮，是

公罷相卽子祠。無知潭州之命。且大學士非學士。當時所稱爲大觀文者是也。九月公行次鎮江府。又被
讒落職。以宮祠令鄂州居住。落職者。落去大觀文。宋制自觀文殿大學士以下。至諸閣待制。謂之貼職。亦
曰職名。亦單稱職也。二年戊申十月。以謫降官不許同住一州。移公澧州。十一月。復爲人論列。謫單州團
練副使。萬安軍安置。三年己酉。行次瓊管。三日。德音放還。任便居住。四年庚戌七月。復銀青階。明年辛亥。
改元紹興。三月。又提舉杭州洞霄宮。九月。復資政殿大學士。此公在欽宗時所除職名也。二年壬子二月
八日。除觀文殿學士。充荆湖廣南路宣撫使。兼知潭州。公辭免。四月七日。內侍于蓋傳宣撫問。敦迫上道。
密院差任仕安兵三千人。以廿四日假福州貢院開司。五月六日啓行。則公之潭州歲月。雖與壁記日月
頗合。朕起于奉祠。初非由洪改福。且公從未知福州。其知洪州。亦尙在五年乙卯之十月也。由洪之福。不
當取道吉贛。又廿二年始改虔州爲贛州。是時不應有贛之僞。唐宋宰相有同平章事。無平章政事。自元
豐五年改官制後。直至建炎二年。宰相繫銜。無平章之僞。迨建炎三年四月。始復令左右兩僕射皆帶同
中書門下平章事。而改門下。中書兩侍郎爲參知政事。則正在公遷謫之時。所題金紫等十字。殊謬。況元
年已詔寄祿官依元祐法分左右。豈公于二年署銜而不遵。惟公是時寄祿官止於銀青。其轉左金紫光
祿大夫。則尙在七年四月十六日。宋人所到之處。每有題名。刻於山石。有日者。有不日者。而從無吉日之
僞。公自拜相。至知潭州。中遭讒謗。非一次。又嘗南竄渡海。壁記蓋無一合者。公終於福州。葬於福州。似從
瓊海北還。卽移家於福。故帥潭之日。自福州開司就道。其途出甯化者。當由袁州入長沙。再公之行蹤。庸

或曾至甯化而刊壁之記出於後人之依託固自顯然行狀謂公政和二年上舍及第而史謂登政和二年進士則本傳之誤蓋宋時科目最多進士上舍居其二每致譌舛如李士美邦彥本上舍狀元而王明清揮塵前錄亦誤以爲進士狀元是其證也

唐節度軍號

唐初兵之戍邊者大曰軍如平盧軍橫海軍天雄軍之等是也其官曰某軍使如天德軍使江甯軍使餘杭軍使之等是也自睿宗景雲二年始置節度使至玄宗開元時已有八九鎮安史亂後所置益多或以道名如隴右劍南之等是也或以州名如邠甯汴滑之等是也厥後又有軍額之賜然用地名者少以嘉名者多每每更改或易帥則去之茲取唐書方鎮表所載羅列於左以前後爲次數以紀傳並以資治通鑑訂焉

平盧 開元七年
治營州

天兵 開元八年
井州長史天兵節度大使張說

朔方 開元九年
是歲置朔方軍節度使領單于都護府夏、鹽等六州、定遠、安豐、二年三受降城

興平 至德元載
治上洛

振武 乾元元年
領鎮北大都護府、麟、勝二州

鎮國 上元二年
治華州亦曰關內節度

成德 寶曆元年。治恆州。王溥唐會要。鎮州節度使。大祿十四年四月名曰成德。

昭義 大祿元年。治邢州。至中和三年。有兩昭義。一治邢州。一治濬州。

永平 大祿七年。賜滑亳節度使號。貞元元年更號。

淮甯 大祿十四年。賜號淮甯軍。尋號中光蔡。

鎮海 建中元年。賜浙江東西二道節度使號。治潤州。貞元三年。罷。會要。六月以國總爲節度。尋改軍。

宣武 建中二年。賜宋毫節度使號。治宋州。會要。宋類毫節度。建中三年二月二日。名其軍曰宣武。按。罷成德軍而析其所

義武 建中三年置。領之易。定二州置也。會要。五月。按。罷成德軍而析其所

保義 建中四年。賜興鳳隴節度使號。貞元三年。罷。

奉義 建中四年以隴州置。尋廢。

保甯 興元元年。賜河東節度號。貞元三年。復爲河東。

奉誠 興元元年。以同州置。當年罷。

義成 貞元元年更永平號。會要。四月。

橫海 貞元三年置。領滄、景。治滄州。大和三年罷。會要。貞元二年二月改淮西。

忠武 貞元十年。賜陳許節度號。會要。貞元二十年四月。

彰義 貞元十四年。賜中光蔡節度號。元和十二年。改淮西。會要。正月。

奉義

貞元十九年。賜安黃節度號。
元和元年罷。會要。二月。

武昌

武昌軍節度使。五年罷。

保義

元和元年。升隴右經略為
節度。賜號。尋復舊名。

武甯

元和元年置。領徐、泗、濠。治徐州。會要。貞元二十一
年三月。名徐州軍。咸通四年四月。降為支郡。隸兗州。

鎮海

元和二年。升浙江西道都團練
使為鎮海軍節度使。四年廢。

保信

元和四年置。領德、棣二州。(此蓋
升都團練守提使為之。)五年廢。

天平

元和十五年。賜曹濮節度使號。會要。十年三月
。平李師道。以十二州分三節度。馬總為天平軍。

保義

大和元年。升晉慈觀察使為
保義軍節度。是年即罷。

義昌

大和五年。賜齊德滄節度號。會要
。大和五年正月。以滄、景、德置。

鎮海

大和九年復置。數日廢。
既而復置。數月又廢。

歸義

會昌二年。升天德軍使為歸義軍節度使。尋廢。會要。四月。天德部防禦使田牟又天德部團練副使。據道
。六月甲申。以嗚沒斯所部為歸義軍。以嗚沒斯為左金吾大將軍。充軍使。三年二月。停歸義軍。以其士卒

分隸諸

道。

武昌

大中元年復置
。三年罷。

武昌

大中四年復置
。六年罷。

歸義

大中五年。置歸義軍節度使。領沙、瓜、甘、肅、鄆、伊、西、河、蘭、岷、廓十一州。治沙州。十
月。沙州防禦使張義潮以河湟十一州歸。十一月。置軍沙州。以義潮為節度觀察使。會要作八月。

鎮海 大中十

鎮海 成通三年復置

天雄 成通五年。升秦成兩州經略天雄軍使爲天雄軍節度觀察處置禁田押蕃落等使。

鎮南 成通六年。升江南西道關隴觀察使爲鎮南軍節度使。乾符元年廢。五月辛丑置。壬申。以桂管觀察使嚴讓爲使。

淨海 成通七年。升安南都護爲淨海軍節度使。十一月置。淨作靜。仍以高駘爲使。

定邊 成通八年。置定邊軍節度觀察處置統押近界諸蠻并統領諸道行營兵馬制置等使。鎮萬、眉、蜀、邛、雅、嘉、黎七州。治邛州。十一年廢。九年六月。以鳳翔少尹李師望之奏。置於邛州。卽以師望爲邛州刺史。充節度使。十一一年正月癸酉。

大同 成通十年十月。上嘉朱邪赤心之功。置大同軍於雲州。以赤心爲使。注。會昌中已置大同軍。隸使。

感化 成通十一年。升徐泗觀察使爲感化軍節度使。光化元年罷。舊記。其徐州都團練使改爲感化軍節度使。會要。十一月。成通十一年復置。景福二年。徙治杭州。

鎮海 光化元年二月。錢鏐請徙鎮海軍於杭州。

秦甯 乾符三年正月。賜竟海號。

定難 中和二年。賜夏州節度號。會要。元年十二月。

保大 中和二年。賜渭北節度號。三。月。賜鄜坊號。渭北卽鄜坊。

鎮南 中和二年五月復置。以湖南觀察使閔勣爲使。因高安人鍾傳逐江西觀察使高茂弼據洪州也。勣辭不行。

保塞 中和二年。以延州置。光化元年更名。五月置。以授保大行軍司馬延州刺史李孝恭。賞破黃巢復京城之功。通鑑作三年。

奉國 中和二年。升蔡州防禦使爲奉國軍節度使。元年八月。楊復光

代北 中和三年。賜

欽化 中和三年。升湖南觀察使爲欽化軍節度使。光

義勝 中和三年。升浙江東道觀察使爲義勝軍節度使。

昭義 中和四年八月。李克用請以弟克終爲昭義軍節度使。由是昭

武安 光啓元年。改欽化軍爲武安軍。二

武定 光啓元年

感義 光啓二年。升興鳳二州防禦使爲感義軍節度使。乾甯四年

護國 光啓元年。賜河

靜難 光啓元年。賜鄆節度使

宣義 光啓二年。改義成軍節度使

感義 光啓二

佑國 光啓三年。升東畿觀察兼防遏使爲佑國軍節度使。光化三年

忠義 文德元年。賜山南東道號。天祐三年復舊名。五月。趙德諱以山南東道

威勝 光啓三年。改義

勝軍爲威勝。

永平 文德元年置。領邛、蜀、黎、雅四州。治邛州。大順元年廢。十二月丁亥置。以授王建。大順二年十月癸未廢。以王建爲四川節度使。其志也。

威戎 文德元年。升彭州節度使爲威戎軍節度使。領彭、文、成、龍、茂五州。治彭州。十二月。田令孜假威戎節度使。使守彭州。

忠國 文德元年置。治湖州。乾寧三年十一月。湖州刺史李師悅求旌節。乃置忠國軍。告身旌節。未入境。師悅卒。

保義 龍紀元年。賜陝虢節度號。四月。

鎮南 龍紀元年。復升江南四道觀察使爲鎮南軍節度使。

宣義 大順元年六月。更義成名。

武泰 大順元年。升黔州觀察使爲武泰軍節度使。天復三年徙治口州。

甯國 景福元年。升宣歙兩鎮使爲甯國軍節度使。天復三年。廢爲都頭練觀察使。大順元年三月賜號。以楊行密爲使。景福二年九月。以繆爲鎮海軍節度。升武勝防禦也。

威勝 乾寧元年以乾州置。

匡國 乾寧二年以同州置。四年四月。賜同州號。以防察李遷瑋爲節度。注。王行約已爲匡國節度。行約死。復爲防禦使耳。

彰義 乾寧元年。賜涇原號。通鑑。大順二年。賜涇原號。

清海 乾寧元年。賜嶺南東道節度使號。七月。以薛王知柔爲使同平章事。仍權知京兆尹。判度支。充鹽鐵轉運使。俟反正日赴鎮。時昭宗駐石門鎮。

甯國 乾寧元年。升容管觀察使爲甯國軍節度使。

鎮東 乾寧三年十月。錢鏐請兼浙東。乃以爲鎮海威勝兩鎮使。丙子。更威勝曰鎮東。

昭武 乾寧四年。更感義軍名。三月。更名。治利州。以前靜難節度使蘇文建爲使。

武信 乾寧四年置。領蓬、合、昌、渝、瀘五州。
光化元年五月甲午置于遂州。王建之志也。

秦甯 乾寧四年。
非沂海號。

甯遠 乾寧四年六月。置甯遠於容州。以
李克用大將容管觀察蓋寓爲節度。

威武 乾寧四年。升福建都團練觀察盧置使爲威武軍節度使。三年九月庚
申升。以觀察使王潮爲節度。按瑛克家淳熙三山志。亦以爲三年。

昭信 光化元年。升昭信軍防
禦使爲節度。治金州。

甯塞 光化元年。更保塞
軍名。又更衛國。

衛國 光化元年。
更甯塞名。

鎮國 光化元年。以華州置。兼興德尹。
天祐三年。閏十二月。

武貞 光化元年置。領澧、朗
、淑三州。治澧州。

靜江 光化二年。升桂管經略使爲靜江軍節度
使。九月升。以經略使劉士政節度。

保勝 天復元年。升隴州防禦
使爲保勝軍節度。號。

佑國 天祐元年。以京畿置。領金、商二州。二年三月。朱全忠奏以長安爲佑國軍。以
韓建爲使。三年閏十二月乙丑。廢佑國軍。以金、商隸佑國。以華州隸匡國。

天雄 天祐元年。
魏馬號。

戎昭 天祐二年。賜昭信軍號。十月。木置金州。時已爲土建所有。
會要云。天祐二年九月。以金州置。三年四月。復以爲州。

武安 天祐二年。
更戎昭號。

武順 天祐二年，更成德號。十月，以朱全忠父名諱也。 會要云九月。

義勝 天祐三年置。領

縣。隸二州。

大學士

唐制，門下省有門下侍郎、中書門下平章事，所謂門下相也。例兼宏文館、崇文館、太學士。中書省有中書侍郎、中書門下平章事，所謂中書相也。例兼集賢殿、崇文館、太學士。宋初之制，首相兼昭文館、太學士。時人稱昭文相公。次相兼集賢殿、太學士。時人稱集賢相公。後來以太學士爲宰相之稱，權輿於此。

明文華殿大學士

欽定明史職官志：洪武十五年，倣宋制，置華蓋殿、武英殿、文淵閣、東閣諸大學士。又置文華殿大學士，以輔導太子。按：洪武十五年，徵著儒鮑恂、全思誠、余詮、張長年四人至，俱命爲文華殿大學士。職官志：洪熙元年，權謹以孝行由光祿丞授文華殿大學士。九月，以通政司左參議致仕。餘大學士無授文華殿者。

臺與諫不同

臺是臺，諫是諫，其官不同。御史大夫、御史中丞、侍御史、殿中侍御史、監察御史爲臺官，主糾彈。左右散騎常侍、左右諫議大夫、司諫、左右正言、左右補闕、拾遺爲諫官。左闕門下省，右屬中書省，唐爲補闕、拾遺，宋改司諫、正言。主諫諍。至前明始不設諫官也。白氏長慶集有哭孔戡詩云：或望居諫司，有事戡必言，或望居憲府，有邪戡必彈。揮塵後錄載范忠宣公遺表云：粵自治平，擢爲御史，繼逢神考，進列諫垣，亦足證臺諫之職，似同而異。

紫微省

唐改內書省爲中書省。龍朔元年改曰西臺。光宅元年又改曰鳳閣。開元元年改曰紫微省。中書令曰紫微令。中書侍郎曰紫微侍郎。中書舍人曰紫微舍人。紫微者取天象之紫微垣也。今詞人稱紫薇無所本。

綱轄

宋人稱尙書左右丞爲綱轄。陸游老學庵筆記。張達明雖早歷清顯。致位綱轄是也。按唐大詔令載廣德二年南郊赦文云。尙書省理政所繫。左右丞綱轄攸歸。此綱轄二字所本。左丞爲左轄。右丞爲右轄。

大坡小坡

宋人稱諫議大夫爲大坡。司諫爲小坡。程大昌雍錄。唐制。龍尾道上。兩省供奉官立班。諫議大夫在給事中上。今世通呼諫議爲諫坡。蓋坡者含元殿前龍尾道。陔陀而高者也。按宋都于汴。無龍尾道。諫坡之名。殆失其實矣。

子將

唐大曆十三年。震佛頂事勝陀羅尼幢讚。後列子將試殿中監。王斌子將試光祿卿麴宗。金石萃編。不知子將之稱。按通鑑。鄭祗德遣子將沈君繼。副將張公署。望海鎮將李珪。將新卒五百擊裘甫。注。子將。小將也。

本兵

明代稱兵部尚書爲本兵。按宋史職官志，惟樞密本兵，與中書對掌機密，號爲東西二府。朱弁曲洧舊聞，厚陵初，張康節預政，屢請老，不許。詔三日一至樞密院，張曰：本兵之地，豈容尸祿養疾，遂力求去。陳鵠者，舊續聞，昭文相呂申公兼判樞密院，宋元憲知維揚，作啓賀之，有云：惟是本兵，別歸謀幄。是宋代以西府爲本兵也。

南贛巡撫

明史職官志：巡撫南贛汀韶等處地方一員。宏治十年始設巡撫。正德十一年改提督軍務兼巡撫。嘉靖四十五年定巡撫銜，所轄南安、贛州、南雄、韶州、汀州、郴州地方。駐贛州。按王文成公集有巡撫南贛道行各屬檄云：節該欽奉勅諭，江西、福建、廣東、湖廣各布政司地方交界去處，累有盜賊生發，因地連各境，事無統屬，特命爾前去巡撫江西南安、贛州、福建汀州、漳州、廣東南雄、韶州、惠州、潮州各府及湖廣郴州地方，是所轄凡八府一州，爲四布政使司之境，恐後來未必有所裁併也。又按集中再請疏通鹽法疏內稱：提督南贛汀漳等處軍務都察院左僉都御史王某云：集中開報征藩功次，賊仗咨內計開一提督領兵官一員，欽差提督南贛汀漳等處軍務都察院右副都御史王不稱兼巡撫也。左僉都御史恐當是右僉都御史。

都堂

徐度卻掃編：唐之政令雖出於中書門下，然定於宰相治事之地，號曰政事堂。猶今之都堂，故號令四方。

其所下書曰堂帖。此言未甚謬也。攷唐李華撰中書政事堂記云。自武德已來。嘗於中書省議事。謂之政事堂。故長孫無忌起復授司空。房元齡授左僕射。魏徵授太子太保。皆知門下省事。至高宗光宅元年。裴炎自侍中門下省長官。除中書令。執宰相筆。乃移政事堂於中書。是光宅以前之政事堂在門下省。光宅以後之政事堂在中書省。非於二省之外。別有一政事堂也。蓋唐三省治事之堂。皆曰都堂。如唐詩有都堂試貢士。日慶春雪題。此試士爲尙書省之事。可見尙書門下中書三省之堂。同稱都堂也。

唐兵馬使

唐肅宗乾元二年。九節度之師討安慶緒。潰於相州。九節度者。朔方郭子儀。河東李光弼。滑澤許叔冀。鄭蔡李度。環關內王思禮。海西魯炅。北庭行營李嗣榮。興平李奂。凡八節度使。其一平盧軍兵馬使董秦。非節度使也。兵馬使之官。職官志不載。攷肅宗初。卽位於靈武。以河西隴右兵馬使周泌。彭元暉。俱爲節度使。是兵馬使亞於節度。新唐書方鎮表。朔方節度兼隴右兵馬使。天寶八載。隴右節度副使兼關西兵馬使。開元十三年。河西諸軍州節度支度營田督察九姓部落赤水軍兵馬大使副使。領都知河西兵馬使。景雲元年。是其官職與節度不甚懸也。

典史

古之縣。有令。有丞。有簿。有尉。至明改尉爲典史。或遂謂典史之官。始於明。非也。元時錄事司有典史。明革錄事司。而以典史易尉。元鄭玉師山文集有送趙典史序。

宋殿閣官

觀文

資政觀文。資政二殿有大學士。又有學士。

端明政和四年。改名廷康。

述古政和四年。改樞密直學士爲述古。直學士。王建炎戊申年。復舊名。

宣和政和五年置。宣和元年。改爲保和殿學士。宣和之末。

集賢本名右文殿。政和五年。改爲集賢。除學士。洎建殿。則易學士爲修撰。

集賢正署修撰。

以上殿名

龍圖奉藏太宗御書御等物。

天章奉藏眞宗御製。

寶文奉藏神宗御書御集。

顯謨奉藏神宗御集。建中靖國元年。改名熙明。旋復舊額。

徽猷奉藏哲宗御集。

敷文奉藏徽宗御集。

煥章

奉藏高宗御牙

華文

奉藏孝宗御集

寶謨

奉藏光宗御集

寶章

奉藏宣宗御集

顯文

奉藏理宗御集

以上閣名

按太祖欽宗度宗無藏集之閣。英宗御書附于寶文。不專建閣。卻掃編閣皆置學士。直學士待制。而龍圖有直閣。凡館職之久次。與帥臣監司之有勤勞者皆得之。初無班綴。其後諸閣皆置直閣。始編入雜壓。與修撰通謂貼職。爲之者衆矣。方勺泊宅編龍圖閣學士近歲朝廷尤重。少曾除授。

次對

宋人每稱待制爲次對。按宋時龍圖等閣皆有待制一官。在直閣之下。而唐制有百官入閣待制。次對之語。待制猶言待詔。因避武氏則天嫌名。故曰制。次對者。輪次召對。待制非官名。次對更非官名。戴埴鼠璞及雍錄譏之。是也。

唐禮儀使

金石萃編跋顏氏家廟碑曰。魯公本傳云。帝崩。以爲禮儀使。代宗以大歷十四年五月辛酉崩。十日己酉。

葬此碑立于建中元年七月。距葬後已踰年而結銜尚云充禮儀使。殆未解此職也。按此誤以禮儀使爲國有大喪始置也。新舊唐書開元十年以國子司業竇綽爲禮儀使以掌五禮云。五禮則不止凶禮矣。禮儀使并有判官二人。寶應元年薛頤歸宗爲之。又按通鑑開元十一年十一月有禮儀使張說注。因郊祀置也。

中司

劉荀明本釋。正名分者爲政之本一條。注云中丞原本作中司。考劉摯傳元祐初爲御史中丞。中司應是中丞之誤。改正不知宋時通稱御史中丞爲中司也。宋史職官志馬端臨文獻通考總閣學士直學一門皆云中興後學士率以授中司。列曹尚書翰林學士之補外者。周密齊東野語自序曾大父扈蹕南來受高宗皇帝特知。遍歷三院。宋以監察御史、殿中御史、侍御史、御史中丞、御史大夫爲五院。此云三院。蓋指監察御史、殿中御史、侍御史而言。竟躋中司。呂本中紫微詩話。正獻公也。呂公著也。自中司罷後數年起知河陽。謝表云。三學士之職嘗忝兼榮。中執法之司亦蒙直授。蓋

公嘗爲翰林學士兼侍讀學士。寶文閣學士。官至侍郎。拜中丞銜內不帶權字。葉紹翁四朝聞見錄。何澹爲中丞。侂冑密諭之曰。德謙苦要節鉞。上重違之。已草制。中丞宜卷班以出。又云。節鉞輕授。甚至致仕。亦有封駁者。有正授而中司卷班以出者。揮麈前錄跋。李森爲中司。不肯觀望王黼窮鄧之綱之獄。後錄李端叔之儀弟之純爲中司八座。終以老龍。宋人俗稱龍圖閣學士爲老龍。又云。石豫者崇甯初以交通宦寺姓名。遂達於崇恩。繇是至位中司。又云。建炎中張激。字達明。爲中丞。又云。御史中丞舒亶雖得罪。而御史張汝賢、楊畏先

後論和諷有司陷中司罪。又云靖康中，秦會之自御史勾祠歸，建康次年入爲中司，金拘北去。道山堂清話：李之純爲中司，來之邵、楊、畏、虞，策爲諫官。老學庵筆記：豐相之爲中司時，猶力薦舒信道。邵博聞見後錄：客問劉貢父曰：某人有隱過否？中司將鳴鼓而攻之，謝俛四六談塵。辛炳爲中司，又云周子武祕自中司帥越。

宋貼職

王祿燕翼貽謀錄：舊貼職止於直祕閣、直龍圖、右文殿、即東賢政、修撰三等。政和六年九月，增置徽猷、顯

謨、寶文、天章、四直閣、祕閣、修撰、集英殿、撰修、凡九等。南渡增敷文、煥章、華文、寶謨、寶章、五閣，等級既多，遷

轉亦易，非舊比也。清波雜志與此微異。趙昇朝野類要：貼職宰執資格者，帶觀文、資政、端明學士、侍從資格者，帶諸

閣學士。以次侍從，帶待制、卿監資格者，帶修撰、直閣、京官帶直祕閣、四朝聞見錄：呂成公編文鑑，旣成，除

公直祕閣，陳騷時爲中書舍人，以爲賞太厚。成公遂力辭貼職，葉夢得避暑錄話：觀文、資政二殿，皆有大

學士。觀文稱大觀文，資政稱大資政。此何理耶？宣和間，蔡居安除宣和殿大學士，稱大宣。時方重道術，嚙

唱聲于路聽者，認爲大仙人，以爲笑。遂改爲大學。大學士有三，而此獨以大何所別耶？龍圖閣學士，舊謂

之老龍，但稱龍閣。宣和以前，直學士、宣閣同此稱。陳亨伯爲發運使，以捕方賊功，進直學士，佞之者稱爲

龍學，而顯謨、徽猷二閣直學士，欲效之，難稱謨學、猷學，乃易爲閣學。閣學士有三，亦何所別耶？又按泊宅

編：朱行中自右文帶假龍，出典數郡。假龍，龍圖閣待制也。舊制，直龍圖閣謂之假龍，待制謂之小龍，直學

士謂之大龍，學士謂之老龍。

同中書門下三品

唐書中書省門下長官爲中書令，門下省長官爲侍中，皆正三品，品位既崇，不輕授人，故常以他官兼宰相職，謂之同中書門下三品，謂同中書令、侍中也。蓋始於貞觀十七年，大祿二年十一月九日，改中書令、侍中爲從二品，而不聞有以同中書門下二品稱者，則以大祿以後皆稱同中書門下平章事也。惟宋初吳廷祚加中書門下二品，以其父諱璋也。同中書門下平章事之稱，始於永淳中葉，以後但稱平章事而已。

唐宋翰林與史官不同

唐、宋時翰林爲翰林，史官爲史官，翰林者防于開元，初爲供奉，繼稱學士，後又以資深者爲承旨，元和之末，韋處厚則稱講學士，後加承旨，拜平章事，柳公權則充侍書學士，後出守本官，右補闕，再入院，仍充侍書學士，後以庫部郎中，改右司郎中，出院，路隨亦充侍講學士，後改學士，加承旨，拜相，宋申錫亦充侍講學士，後以中書舍人，遷尚書右丞，出院，餘如高重、崔暉、鄭澣、許康佐、丁公著、鄭覃、路羣、高元裕、王起、高少逸、鄭朗皆充侍講學士，鄭注則充侍讀學士，自會昌後，則入院者又皆充學士矣。宋則學士外有曰權直學士院者，有曰翰林權直者，有曰學士院權直者，各以其官分輕重焉。唐之學士無品秩，各以它官入院，而遷轉各就其官，宋之學士正三品，則有品秩，是唐、宋翰林亦有不同也。至修史則別有史館修撰，唐時韋處厚、路隨曾以翰林兼史館修撰，以修憲宗實錄，命二人分日入內，則仍翰林

自翰林史官自史官分而非合也。宋有史館修撰、有實錄院修撰、有實錄院同修撰、有實錄院編修、有實錄院檢討。此宋之史官也。又有祕閣修撰、集賢殿修撰、右文殿修撰，則貼職而非史官。又有樞密院編修，則爲館職，非史官。至明而翰林史官始合爲一。

宋殿前承旨

劉昌詩蘆浦筆記：舊有殿前承旨。淳化二年，蘇易簡除翰林學士承旨，詔改殿前承旨爲三班奉職。或曰：晉天福五年改。攷禹州善才寺觀音院記碑末名，有殿前承旨監許州陽翟縣鹽麴商稅董泉、錢詹事、跋尾云：殿前承旨之名，不見于史，疑卽所謂內殿承旨者。視供奉官差貴爾。蓋筆記刻出時，先師已不及見也。碑刻于淳化元年五年，記稱二年改者，適合，非改于石晉也。

四川宣撫司

四川有宣撫司，自張浚始。本稱川陝宣撫司。浚以經略陝西，駐軍秦州，及富平之敗，退屯閬中。後浚召還，設兩副使。王象之輿地紀勝云：唐宣撫司率居緜、閬之間。旋置司河池。紹興十四年三月，改川陝宣撫司爲四川宣撫司，以和議成，避金太祖嫌名也。司治或移利州，或移興元府。中間屢廢屢置，今攷之如左。

張浚

建炎三年除，紹興三年召還。按：建炎三年五月，帝次常州，以知樞密院張浚爲宣撫處置使，以川陝

院。三年五月始解使事。

王似

按：紹興二年九月，以知興元府除川陝宣撫處置副使。三年五月，與盧法原同至閬州視事。時設兩副使同治司事，而不除正使。

王 似按。紹興四年三月。進寶政殿學士。除川陝宣撫使。八月罷。

盧法原按。紹興四年三月。王似既除正使。法原亦進端明殿學士。與吳玠同爲副。

吳 玠 紹興四年爲川陝宣撫副使置司河池之。按。自王似由副使進除正使。乃以盧法原及玠副之。時玠以檢校少保利州路階成鳳州制置使除。

趙 鼎 紹興四年八月都督川陝荆襄軍務不果行。按。紹興四年八月。鼎以知樞密院事。充川陝宣撫使。未行。改命都督川陝荆襄諸軍事。

邵 溥按。紹興五年三月。以都督府參議軍事兼樞密院副使。又按。高宗本紀。是年五月。命邵溥與吳玠同充副使。常是盧法原卒。以溥代之也。溥何年月罷。未詳。

吳 玠 紹興九年爲宣撫使尋卒。按。紹興九年正月。以檢校少師保平靜軍節度使川陝宣撫副使進特進開府儀同三司。充川陝宣撫使。六月卒。又按。自四年八月除趙鼎爲宣

撫使。不果行。嗣後四載有餘。以本紀度之。亦如王似、盧法原故事。以兩副使同治司事。至是年始以玠除使。

胡世將 吳玠卒以世將代仍治河池。按。紹興九年七月。以兵部侍郎川陝安撫制置使兼權主管宣撫司事。十年閏六月。進端明殿學士。十二年三月卒。

鄭剛中 十二年和議成移司于利川以剛中爲使十七年罷。按。紹興十二年五月。以禮部侍郎除川陝宣撫副使。十四年三月。以避金太祖嫌名。改

川陝宣撫司爲四川宣撫使司。十七年七月召。

李 璆 剛中罷以知成都府李璆爲四川制置使治成都自是不設宣撫司。按。紹興十七年七月。璆以徽猷閣待制知成都府。

權四川宣撫使。十八年五月。罷宣撫司。以璆爲四川安撫制置使。

吳 璠 三十一年復以璠爲宣撫使判興州乾道三年四月卒。按。紹興三十一年五月。璠以開府儀同三司少保領興州駐劄御前諸軍都統制。判興

州。拜四川宣撫司。三十二年三月。加少傅。孝宗卽位。八月。加少師。乾道元年五月。加太傅。封新安郡王。改判興安府。三年五月卒。

汪應辰 璠卒以應辰主管宣撫司事移於利州。按。乾道三年五月。以敷文閣直學士四川制置使主管宣撫司事。

虞允文 六月以允文爲宣撫使五年召還按乾道三年六月以知樞密院事改資政殿大學士充四川宣撫使數日依舊以知樞密院事充五年三月召

王炎 允文召以炎代之移治興元府按乾道五年三月以中大夫參知政事除四川宣撫使七年七月加樞密使大中大夫八年九月召赴都堂治事

虞允文 八年允文再出爲使仍治興元按乾道八年九月以少保武安軍節度使封雍國公再出爲四川宣撫使淳熙元年二月卒

鄭聞 淳熙元年允文卒開代之按淳熙元年二月以資政殿大學士充四川宣撫使七月以開參知政事罷四川宣撫使

沈夏 鄭聞召還以夏代之二年夏召還遂罷宣撫司按淳熙元年七月以知江陵府資政殿學士陞大學士充四川宣撫使二年六月召爲同知樞密院

罷四川宣撫司

程松 開禧用兵以松爲宣撫使吳曦副之曦叛松遁還按開禧二年三月以四川制置使兼知成都府除四川宣撫使十二月吳曦叛松遁三年二月

月罷

吳曦 曦興州未幾又兼陝西河東招討使十二月教按興州州西路安撫使除四川宣撫副使四月仍知興州未幾又兼陝西河東招討使十二月教又按慶元黨禁開禧二年丙寅春三月十二日癸巳命

吳曦爲四川宣撫副使夏四月十日戊辰兼陝西招討使

楊輔 按開禧三年三月以敷文閣直學士知成都府兼本路安撫使除四川宣撫使四月召輔赴行在又按有劉甲者以知興元利東路安撫使按開禧三年三月以敷文閣直學士知成都府兼本路安撫使除四川宣撫使四月召輔赴行在又按有劉甲者以知興元利東路安撫使

安丙 吳曦叛程松遁還安丙爲宣撫治利州丙卒仍省宣撫按開禧三年三月以端明殿學士中大夫知興州四川安撫使除兼四川宣撫副使嘉

定二年八月改四川宣撫使又罷宣撫使

安丙 按嘉定十二年四月以崇信軍節度使開禧同三司高壽觀使除四川宣撫使尋授保寧按嘉定十二年四月以崇信軍節度使開禧同三司高壽觀使除四川宣撫使尋授保寧

李臺 按嘉熙元年正月以同知樞密院事爲四川宣撫使四月兼知成都府二年四月召爲同知樞密院事按嘉熙元年正月以同知樞密院事爲四川宣撫使四月兼知成都府二年四月召爲同知樞密院事

查視江淮京湖軍馬

孟 珙按：嘉熙四年二月，以甯武軍節度使除四川宣撫使，兼知夔州。淳祐二年十二月，加檢校少保，爲京湖安撫使。又按：珙本傳有進封漢東郡侯兼京湖安撫使之文，似以四川宣撫兼京湖安撫。

傳又有四年兼知江陵府之文，竊意當是以四川宣撫改京湖安撫制置使耳。

李會伯按：寶祐二年閏六月，以資政殿學士除四川宣撫使，兼京湖制置大使。進司夔路。五年正月，以資政殿學士改荆湖南路安撫使，兼知潭州。

宋宰相領二館職

程大昌續演繁露明道二年集賢平章事張士遜加門下侍郎昭文館大學士監修國史不知併加二館職何也按宋史宰輔年表太祖乾德二年正月庚寅趙普以門下侍郎平章事集賢殿大學士壬寅加監修國史宰相加二館職實始於此蓋普獨相也真宗天禧四年有二相則李迪集賢丁謂昭文兼修史仁宗天聖元年二相則王曾集賢王欽若昭文兼修史三年二相則王曾昭文兼修史張知白集賢明道二年張士遜與李迪亦二相故士遜加二館職循故事也

貼麻

齊東野語嘉定初元史彌遠拜右丞相相麻翰林權直陳晦有昆命元龜使宅百揆之語時倪文節思知福州卽具省乞行貼麻時陳晦已除侍御史遂具奏末云凡從所陳事理甚明所有已降相麻卽不合貼改蓋貼麻者改貼之謂洪邁容齋三筆陳執中爲昭文相夏竦爲集賢相御史言向在陝西議論不協不可同寅政地於是貼麻改命以竦爲樞密使

碑版結銜

唐、宋職官有官階。有勳有爵。宋制則又有貼職。其品不必同。後人修史。往往傳中多所遺漏。惟碑版結銜。則無所不備。今舉數條于左。以諗世之攷官制者。

唐王忠嗣碑大略

銀青光祿大夫此為散官。亦為階。從三品。守中書侍郎此為職事官。正三品。舊書志。貞觀令以職事高者為守。職事卑者為行。同中書門下平章事

無品秩。尚書令、侍中、中書令。宰相之職也。左右僕射為尚書令之貳。後以太宗嘗為尚書令。人臣辭不敢居。遂以兩僕射為尚書省長官。史稱品位既崇。不欲輕以授人。常以他官居宰相職。或曰參預朝政。或曰參議得失。參知政事之類。而平章事之名。起於僕射李靖。至永淳元年。郭待舉始以黃門侍郎同中書門下事入銜。中書侍郎。中書令之貳。門下侍郎。侍中之貳。門下書開元元年曾改為黃門省。集賢殿崇文館大

學士。皆賢。殿大學士大字。崇文館大學士亦準此。勳依是。舊書志。重拱以後。皆宰相兼領。修國史。亦中書相例。志。貞觀以後。多以宰相兼修國史。遂成故事。穎川郡開國公正二品元載

按元載官則正三品。階則從三品。爵則正二品。唐制章服皆從階。而官則以宰相為要也。不列勳。未詳。

金紫光祿大夫階正三品門下侍郎職正三品同中書門下平章事太微宮使會要。天寶二年三月制。在東京元宮改為太清宮。東都改。

文崇館大學士中書相兼下柱國勳正二品齊國公爵從一品王縉

按王縉階與官皆正三品。爵從一品。勳正二品。階與官同品。故不言守。

大中大夫階從四品上行少府少監官從四品下。階高。故曰行。集賢殿學士新書志。五品以上為學士。舊書志。初定制。以五品以上為學士。趙基

按基有階有官有兼職。

宗聖觀記武德九年二月

給事中

官正五品上

騎都尉

勳從五品上

歐陽詢

侍中

官正三品

柱國

階從二品

江國公

爵從一品

陳叔達

叔達傳武德初授黃門侍郎判納言此云侍中者武德□年改納言爲侍中也

等慈寺塔記銘

通議大夫

階正四品下

行祕書少監

官從四品上

輕車都尉

勳從四品上

琅邪縣開國子

爵正五品上

顏師古

商州昭仁寺碑

守諫議大夫

官正五品上

騎都尉

勳從五品上

朱子奢

子奢散官當是

九成宮醴泉銘

貞觀六年四月

祕書監

官從三品

檢校侍中

官正三品非正授之官

檢校

鉅鹿郡公

爵正二品

魏徵

兼太子率更令

官從四品上

勃海男

爵從五品

歐陽詢

皇甫誕碑

銀青光祿大夫

階從三品

行太子左庶子

官正四品上

上柱國

勳從二品

黎陽縣開國公

爵從一品

于志寧

銀青光祿大夫歐陽詢

太宗祭比干文後諸臣銜名貞觀十九年二月

司徒官正一品·太子太師官從一品·趙國公爵從一品·無忌

開府儀同三司階從一品·申國公爵從一品·士廉

光祿大夫階從二品·民部尙書官正三品·莒國公爵從一品·唐儉

吏部尙書官正三品·駙馬都尉從五品·柱國勳從二品·安德郡開國公爵正二品·楊師道

中書令官正三品·江陵縣開國子爵正五品·岑文本

正議大夫階正四品上·守中書令官正三品·兼太子左庶子正四品上·馬周

中大夫階從四品下·守黃門侍郎官正四品·褚遂良

按長孫無忌官司徒三公也官高故不書姓高士廉太宗紀士廉以尙書右僕射請致仕詔以爲開府儀同三司同中書門下三品平章政事宰相也以階高故亦不書姓其時例也萬年宮銘碑陰題名正如此士廉之同中書門下三品平章政事及遂良之參豫朝政其時猶不以爲官名也文本周遂良亦皆宰相之職與表俱合

晉祠銘碑陰貞觀二十一年七月

司徒太子太師上柱國勳正二品·申國公臣·無忌較祭比干文題多上柱國·餘同

太子太保官從一品·上柱國公臣·瑀

特進官正二品太子詹事官正三品兼左衛率正四品上東宮武官上柱國英國公臣勳

光祿大夫刑部尚書上柱國鄆國公臣張亮

禮部尚書上柱國江夏郡王爵從一品道宗臣

太常卿官正三品駙馬都尉柱國安德郡公臣楊師道以吏部尚書監工部改太常卿品同而班後

正議大夫守中書令太子左庶子兼攝吏部尚書護軍勳從三品馬周臣

按宰相表張亮以貞觀二十年三月誅則蕭瑀以四月罷太子太保此碑之建定在二十年正月矣開府儀同三司從一品特進正二品爲文散官之最高者不帶職事官朝參俸祿並同職事爲文散官之最貴者故不書姓道宗以郡王禮部尚書而列于刑部尚書張亮之下豈以亮爲宰相歟

參知政事

宋初趙普獨相九年後設參知政事則普之眷稍衰也宋史職官志云仍令不押班不知印不升政事堂殿廷別設專位敕尾署銜降宰相月俸雜給半之御掃編云仍令不宣制不知印不升政事堂止令就宣徽使廳上事殿廷別設專位于宰相後敕尾署銜降宰相數事是說部所載詳于正史也御掃編又云開寶六年詔於都堂同議政文獻通考謂至道元年詔宰相與參政輪班知印同升政事堂二年詔復如舊制下注云押齊銜行並馬自寇準始按萊公參預在淳化五年九月至道改元之前一年也

員外

唐中宗神龍二年三月大置員外官自京諸司及諸州佐凡二千餘人超授闕官七品以上及員外者千餘人如節愍太子授衛尉員外少卿孝明時葉法善鴻臚卿員外乙速孤行儼右武衛將軍員外置同正員是也此皆由墨制濫賞也若謫官則皆屬員外偶舉一二如左散騎常侍譙王重福貶濮州員外刺史不知州事顏魯公貶峽州員外別駕柳子厚爲永州司馬員外置同正員李德裕崖州司戶參軍員外置同正員第五騎爲忠州長史員外置同正員李吉甫出爲明州員外長史之類是也唐大詔令廣德元年尊號赦文云員外及攝試官不得釐務釐務者治事也蓋唐制如此

制科三等

卻掃編舊制進士第三人以上及第一人一任回並召試館職制科第三人一任回亦然仍並升通判資序然則制科第三等竟視進士科之三魁是以東坡除西掖以古槐簡贈王峒升之題云此策曾奉制策入三等蓋所謂久虛之等也見邵俠西塘集及書舊唐書

召見貢士

歐陽文忠公作蔡齊行狀云凡貢士當賜第者攷定必有其高第數人並見又參擇其才質可者然後賜第及公召見衣冠偉然廷對有法天子以爲無能出其右者乃擢爲第一此卽今殿試前十卷先期引見之所由昉也但今引見時名次已定耳

房考

吳自牧夢梁錄卷子納入考試官各房考校如卷子考中發過別房覆考如稱衆意方呈主文

獨對同對

唐時次對之官入見則獨坐若宰相則皆同入對見於通鑑宣宗紀猶今時遞騰牌召見則一人獨對軍機大臣每日入見則同對也

狀元

養新錄謂周益公省齋文集有回第二人葉狀元適啓回第三人李狀元寅仲啓魏鶴山集有回蔡狀元仲龍啓中云擢亞倫魁回趙狀元發三啓中云名列魁三又鄭瑤方仁榮新定續志淳安縣有狀元坊一在儒學爲淳祐丁未邑人黃蛻大對第二建是第二三人皆可稱狀元也按此似宋時流俗相沿尊敬之稱如三館皆稱學士西班牙多稱太尉之比夢梁錄云第一名狀元及第第二名榜眼及第第三名探花及第又唐僖宗尤善擊毬嘗謂優人石野猪曰朕若應擊毬進士舉須爲狀元可見狀元爲第一人唐時已然明史選舉志一甲止三人曰狀元榜眼探花

進士分甲

王闢之澠水燕談雍熙中著作佐郎樂史特賜進士第詔附太平興國五年第一等之下按是時稱等而不稱甲進士之分甲始於太平興國八年王世則榜

宋徽宗停省試

宋徽宗大觀三年至宣和六年，凡五科罷諸州發解併省試，並從學校逐年貢士，文獻通考於此五科祇載上舍魁而無省元。

唐宋青苗錢不同

舊唐書代宗紀，廣德二年五月丙辰，稅青苗地錢使

此使名

殿中侍御史韋光裔諸道稅地回，是歲得錢四

百九十萬貫，自乾元已來，天下用兵，百官俸錢折，乃議於天下地畝青苗上量配稅錢，命御史府差使徵之，以充百官俸料，每年據數均給之，以爲常式。新唐書食貨志，以國用急不及秋，方苗青卽征之，號青苗錢。又有地頭錢，每畝二十，通名爲青苗錢。志又云，大祿元年，斂天下青苗，得錢四百九十萬緡，輸大盈庫。此唐之青苗錢也。舊書敬宗紀，卽位大赦天下，京畿夏青苗錢並放，秋青苗錢每畝放二百文，是青苗錢。又有夏秋之別，唐大詔，令和改元赦，京畿諸縣今年青苗錢及權酒錢並宜放免，又開成改元赦，同州河中絳州去年旱歉，賦稅不登，宜放開成元年夏青苗錢，此青苗錢有時而放免也。故免猶今之國免若宋之青苗錢，與唐不同，蓋初本惠民之政，迨至熙甯之時，遂爲害民虐政。西塘集有上王荊公書，言之最詳，其略曰：青苗之法，本以民之窮乏，嘗以新陳之際，每倍其息，以貸於人，故爲出常平錢以貸之，而只取二分之息，以抑兼并，而蘇貧乏，莫善於此。然民之闕乏，而借貸於人者，天下固嘗半矣，而稍稍溫煖，能儉克勤，苦以自足，而無所取貸於人者，亦嘗半。貪暴之吏，急於散而取賞，則曰：某縣民若干，散必若干，某縣爲民若干。

散至若干不然者。勅奏亟於承命。以求知信於其上。又巧以強與。若某鄉某里某人。不請則旬月之下。必有他禍。甚且不可解。及其催納之際。亦莫不然。則盡一州一縣之民。無有不請青苗錢者。至於收成之際。又不稍緩其期。穀米未乾。促之已急。賤糶於市。糞之利十。今不售其五六。質錢於坊郭。則不典而解。其甚者。至其無衣褐而典解。是法所以蘇貧乏。而反困之。抑兼并。而反助之矣。

節名

元宗八月五日千秋節。揮塵錄·天寶七載八月己亥·詔改爲天長節。

肅宗九月三日地平天成節。

代宗十月十三日天興節。洪邁容齋隨筆·代、德、順三宗皆不置節名·微誤。

德宗四月十九日。新唐書禮樂志云·不置節名。

順宗正月十二日聖壽節。唐會要云·不置節名·汝·新·家即位僅數月·會要當必有據。

憲宗二月十四日。以下三帝皆不置節名。

穆宗七月六日

敬宗六月九日

文宗十月十日慶成節

武宗六月十一日慶陽節。揮塵錄·舊唐書紀皆作十二日。

宣宗六月二十二日壽昌節

懿宗十一月十四日延慶節揮塵錄作十月二日・誤・

僖宗五月八日應天節揮塵錄作八月五日・誤・

昭宗三月二十二日嘉會節揮塵錄作二月・誤・

哀宗九月三日乾和節揮塵錄作十月・誤・又作延和節・

唐

太祖十月二十一日大明節

末帝九月九日應聖節

梁

莊宗萬壽節不知月日・

明帝九月九日應聖節

末帝正月二十三日千春節

後唐

高祖二月二十八日天和節

少帝六月二十七日啓聖節

晉

高祖二月四日聖壽節

隱帝三月七日喜慶節

漢

太祖七月二十八日永壽節

世宗九月二十四日天清節

恭帝八月四日天壽節

周

太祖二月十六日長春節

又以正月四日登位之日爲開基節。天成二年生夾馬營。

太宗十月十七日乾明節

淳化二年。改名壽寧節。按。玉海及揮麈錄皆作十月七日。宋史本紀作十月十七日。凡再見。天福四年生浚儀官舍。

真宗十二月二日承天節

乾德五年生開封府第。

仁宗四月十四日乾元節

大中祥符三年生。

英宗正月三日壽聖節

明道元年生宜平坊第。

神宗四月十日同天節

慶祥八年生濮王宅。

哲宗十二月八日興龍節

揮麈錄。十二月七日。遼傳祖忌辰。用次日。熙寧九年生宮中。

徽宗十月十日天甯節周密癸辛雜識後集·徽宗以元豐五年五月五日生宮中·以俗忌改十月十日爲天甯節·

欽宗四月十三日乾龍節本紀獨失載·揮塵錄·帝元符二年生於宮中坤甯殿·

高宗五月二十一日天申節帝以建炎元年五月寅朔卽位·癸卯天申節·罷百官上壽·按·朔是庚寅·則癸卯乃十四日·帝以大觀元年乙巳生宮中·是月丙戌朔·則乙巳是二十日·不知何日爲是·

孝宗十月二十二日會慶節

光宗九月四日重明節

甯宗十月十九日瑞慶節

理宗正月五日天基節

度宗四月九日乾會節

少帝九月二十八日天瑞節

章獻明肅劉后正月八日長甯節仁宗母·

宣仁聖烈高后七月十六日坤成節

壽明楊后五月十六日壽慶節

宋

太祖本紀·洪武十三年九月乙巳天壽節·始受羣臣朝賀·是明太祖誕日·亦嘗立節名也·

明

又考舊唐書武帝紀立降聖節二月十五日元
元皇帝降生。

明宗天成元年立先天節七月一日。聖祖
軒轅帝降生。

宋真宗立天慶節景德五年正
月三日。

天禎節大中祥符元年四月
一日。後改天祺。

天貺節大中祥符三年
六月六日。

降聖節大中祥符五年十月二十四
日。舊聖祖降延恩殿。

徽宗立天應節十一月
五日。

甯貺節五月十
二日。

真元節二月十
五日。

元成節八月九
日。

天符節十月二十
五日。

唐宣宗爲僧

同年許宗彥謂唐芸曰。唐宣宗曾爲僧。見於佛果圓悟禪師碧巖集。觀武宗之毀撤招提蘭若。勸僧歸俗。宣宗卽位後反之事。或然也。余心識之。向古利借得碧巖集閱之。中有鹽官會中請作書記一語。因又檢嘉興府志。引唐遺事云。宣宗爲光王時。避武宗害。雍髮爲沙門。更名瓊俊。由鹽官安國師所掌書記。來隱

嘉興之爽溪。但新舊唐書本紀無一語及之。未足徵信。頃讀司馬光資治通鑑考異曰。尉遲偓中朝故事曰。敬文武三宗相次卽位。光王皆叔父也。武宗初登極。深忌焉。一日會鞠於禁苑間。武宗召上遙觀。瞬目於中官仇士良。士良躍馬向前曰。適有旨。王可下馬。士良命中官與出軍中。奏云。落馬已不救矣。尋請爲僧。游行江表間。會昌末。中人請還京。遂卽位。今不取。然則司馬文正公之不取者。以不見於實錄。正史耳。舊唐書宣宗本紀論。史臣曰。臣嘗聞黎老言大中故事。獻文皇帝器識深遠。久歷艱難。備知民間疾苦。此論稱臣本於唐之史官。顯然有微詞。不然。王居十六宅中。何云久歷艱難。備知民間疾苦耶。今錄碧巖集一則於左云。大中天子者。續咸通傳中。載唐憲宗有二子。一曰穆宗。一曰宣宗。宗宣乃大中也。年十三。少而敏黠。常愛跣趺坐。穆宗在位時。因早朝罷。大中乃戲登龍牀。作揖羣臣勢。大臣見而謂之心風。乃奏穆宗。穆宗見而撫歎曰。我弟乃我宗英胄也。穆宗於長慶四年晏駕。有三子。曰敬宗。文宗。武宗。敬宗繼父位。二年。內臣謀易之。文宗繼位。一十四年。武宗卽位。常喚大中作癡奴。一日。武宗恨大中。昔日戲登父位。遂打殺。口後苑中。以不潔灌而復甦。遂潛遁。在香港。閑和尚會下。後剃度爲沙彌。未受具戒。後與志閑遊。方到廬山。因志閑題瀑布詩云。穿雲透石不辭勞。地遠方知出處高。閑吟此兩句。佇思久之。欲釣他語。脈看如何。大中續云。溪澗豈能留得住。終歸大海作波濤。閑方知不是尋常人。乃默而識之。後到鹽官會中。請大中作書記。黃檗在彼作首座。檗一日禮佛次。大中見而問曰。不着佛求。不着法求。不着衆求。禮拜當何所求。檗云。不着佛求。不着法求。不着衆求。常禮如是。大中云。用禮何爲。檗便掌。大中云。太龕生。檗又掌。大

中後繼國位。賜黃藥爲籠行沙門。裴相國在朝。後奏賜斷際禪師。雪竇知他血脈出處。使用得巧。如今還有弄爪牙底麼。使打。又按孫光憲北夢瑣言。武宗嗣位。宣宗居皇叔之行。密遊方外。或止江南名山。多識高道僧人。陸游避暑漫抄。宣宗微時。以武宗忌之。遁跡爲僧。由此觀之。是宋時猶傳此說也。

錢文上年號

老學庵筆記。謂太平興國以後。乃以年號爲錢文。此放翁但言宋制耳。唐書高宗紀。乾封二年四月。改鑄乾封泉寶錢。唐大詔令載。乾封二年五月。詔云。年月既深。僞濫斯起。所以采乾封之號。改鑄新錢。靜而思之。將爲未可。又乾元元年七月。勅云。聽於諸監別鑄一當十錢。其文曰。乾元重寶。其開元通寶者。亦依舊行用。是唐高肅宗皆曾以年號鑄錢矣。又按洪遵泉志。有宋武帝孝建錢。此爲權輿。但二字耳。

客位

蘇文忠公始仕爲鳳翔僉書判官廳公事。有客位假寐詩。自注云。因謁鳳翔府守陳公弼。按卻掃編。舊制。輔臣典藩監司。客位下馬。就廳上馬。夢梁錄。正衙外左首曰東廳。東廳右首曰客位。揮塵前錄。舊制。監司雖官甚卑。遇前執政宰藩。亦肩輿升廳事。宣和初。崔肇明自兩地出守淮南。有轉運判官年少新進。輕脫之甚。肇明每不堪之。到官未幾。肇明還舊廳。因與首台蔡元長語及之。元長大不平。翌日。降旨諸路監司。遇前執政帥守處。卽入客位通謁。宋時客位。卽今之官廳。屬官謁上司。皆先至此候進退也。張世南游宦紀聞。朱文公晚年居考亭。使於野服。有客位榜云云。此恐只是門塾爾。客位亦曰客次。老學庵筆記。謁丞

相雖三公亦入客次。又云太守客次有服金帶者數十人，皆朱勳家奴。四朝聞見錄，倉司章燮榜客次云：王煎鹽不許相見。

律召調陽

錢易南部新書云：智永禪師從七十至八十寫真草千字文八百本，俱是律召調陽，此其真本也。按：譌召作呂，似始於夢英真篆二體本。吳炯五總志謂徐常侍最號博古，亦誤爲呂字。徐鼎臣與夢英正同時人也。今傳褚河南臨本作呂，恐爲人所改。

瀧岡阡表劍字

姚寬西溪叢話，歐公父墓表云：回顧乳者，劍汝於其旁。按：禮記曲禮曰：負劍辟咎詔之。注云：負，置之於背。劍，謂挾之於旁。此卽瀧岡阡表所出。容齋隨筆，今廬陵石刻猶存。衢州所刊六一集，已得其真。或者不曉，遂易劍爲抱，良可歎也。按：此碑今尙存。

代當爲世

今人稱高曾祖父爲四代，曾大父大父爲三代，祖父爲二代。又如衍聖公爲孔子幾十幾代孫之等，皆非也。當稱四世三世二世幾十幾世。禮記大傳，四世而總服之窮也。五世袒免，殺同姓也。六世親屬極矣。管子，君人之主兄弟三世則昭穆同祖，十世則爲祏，是其證矣。蓋唐人諱世爲代，宋以後人習焉不察，遂沿用至今。古人稱一朝則云一代，如論語周監於二代，左氏傳三代之哲王，皆數百年保天之祿是也。漢

書引論語周監於二世，或偶改其字耳。

稅契

稅契始於東晉。隋書食貨志云：晉自過江，凡貨賣奴婢馬牛田宅有文券，率錢一萬輸佑四百入官。賣者三買者一。

賜爵

西漢賜爵，丞相則列侯，御史大夫則關內侯。見宣帝地節三年四月，又元帝初元二年四月。中二千石。見武帝元狩元年四月，宣帝地節三年四月，元帝初元二年四月。諸侯相則右庶長，中郎。宣帝元康元年三月。六百石。元帝永光元年三月，二年二月。列侯嗣子。宣帝五鳳元年正月，元帝竟寧元年正月。宗室有屬籍者。元始四年二月。則五大夫。當時限制如此。若宣帝本始元年五月賜二千石爵左更，此加優，非故事。惟官御史大夫下，即中二千石，而爵則關內侯，至右庶長，隔七級，不知何故。

放生

列子說符篇：邯鄲之民，以正月之日，獻鳩於簡子，簡子大悅，厚賞之。客問其故，曰：「正旦放生，示有恩也。然則放生自春秋時已有之。」

秦焚書始於孝公

韓非子和氏篇：商君教秦孝公以連什伍，設告坐之過，燔詩書而明法令。是秦燔書不待始皇也。

九宮

九宮見易乾鑿度。說者謂虛犧之八卦。陰陽家謂之九宮。鄭康成注。太一者。北辰之神名。居其所曰太一。常行於八卦日辰之間。曰天一。或曰太一。出入所游息於紫宮之內外。其星因以爲名焉。故星經云。天一。太一主氣之神。行猶待也。四正四維。以八卦神所居。故亦名之曰宮。天一下行。猶天子出巡狩。省方岳之事。每率則復。太一下行。八卦之宮。每四乃還於中央。中央者。北神之所居。故因謂之九宮。天數大分。以陽出。以陰入。陽起於子。陰起於午。是以太一下九宮。經坎宮始。坎中男。始亦言無適也。自此而從於坤宮。坤母也。又自此而從震宮。震長男也。又自此而從巽宮。巽長女也。所行者半矣。還息於中央之宮。既又自此而從乾宮。乾父也。又自此而從兌宮。兌少女也。又自此從於艮宮。艮少男也。又自此從於離宮。離中女也。行則周矣。上游息於太一天一之宮。而反於紫宮。行從坎宮始。終於離宮。數自太一行之。坎爲名耳。出從中男。入從中女。亦因陰陽男女之偶。爲終始之從。自坎宮必先之坤者。母於子。養之勤勞者。次之震。又之巽。母從異姓來。此其所以敬爲生者。從息中而復之乾者。父於子。教之而已。於事逸也。次之兌。又之艮。父或老。順其心所愛。以爲長育多少大小之行。已亦爲施此數者。合十五。言有法也。考唐會要。明皇帝時。術士蘇嘉慶上言。請於京東朝日壇。東置九宮貴神壇。壇三成。成三尺四階。其上依位置九壇。壇尺五寸。東南曰招搖。東曰軒轅。東北曰太陰。南曰天一。中央曰天符。北曰太乙。西南曰攝提。西曰咸池。西北曰青龍。五爲中。戴九履一。左三右七。二四爲上。六八爲下。符於遁甲。四孟月祭禮。次昊天上帝。而在太清宮。太廟上帝親祀之。如有司行事。卽定宰相爲之。肅宗乾元三年正月。又親祀之神九宮神位。四時改位。呼爲飛

位。乾元之後不易位。唐大詔令有天寶三載十二月親祭九宮壇敕。又有親祭九宮壇大赦天下敕。又按乾鑿度注引黃帝九宮經云。一宮其神太一。其星天蓬。其卦坎。其行水。其方白。二宮其神攝提。其星天內。其卦坤。其行土。其方黑。三宮其神軒轅。其星天衝。其卦震。其行木。其方碧。四宮其神招搖。其星天輔。其卦巽。其行木。其方綠。五宮其神天符。其星天禽。其卦離。其行土。其方黃。六宮其神青龍。其星天心。其卦乾。其行金。其方白。七宮其神咸池。其星天柱。其卦兌。其行金。其方赤。八宮其神太陰。其星天任。其卦艮。其行土。其方白。九宮其神天一。其星天英。其卦離。其行火。其方紫。堪輿家用之。其天蓬等星名。又見素問。